

სს „ნენსკრა ჰიდრო“

ფინანსური ანგარიშგება და დამოუკიდებელი
აუდიტორის დასკვნა

2024 წლის 31 დეკემბრისთვის

სარჩევი

დამოუკიდებელი აუდიტორის დასკვნა	3
ფინანსური მდგომარეობის ანგარიშგება	6
მოგების ან ზარალის და სხვა სრული შემოსავლის ანგარიშგება	7
საკუთარი კაპიტალის ცვლილებების ანგარიშგება	8
ფულადი ნაკადების ანგარიშგება	9
ფინანსური ანგარიშგების განმარტებითი შენიშვნები	10

დამოუკიდებელი აუდიტორის დასკვნა

სს „ნენსკრა ჰიდროს“ აქციონერებსა და ხელმძღვანელობას

მოსაზრება

ჩვენ ჩავატარეთ სს „ნენსკრა ჰიდროს“ (შემდგომში „კომპანია“) ფინანსური ანგარიშგების აუდიტი, რომელიც შედგება 2024 წლის 31 დეკემბრის მდგომარეობით მომზადებული ფინანსური მდგომარეობის ანგარიშგებისაგან, აღნიშნული თარიღით დამთავრებული წლის სრული შემოსავლის ანგარიშგების, საკუთარი კაპიტალის ცვლილებების ანგარიშგებისა და ფულადი ნაკადების ანგარიშგებისაგან, ასევე, ფინანსურ ანგარიშგებაზე თანდართული შენიშვნებისაგან, მათ შორის, ყველა არსებითი სააღრიცხვო პოლიტიკის მოკლე მიმოხილვისგან.

ჩვენი აზრით, თანდართული ფინანსური ანგარიშგება, ყველა არსებითი ასპექტის გათვალისწინებით, სამართლიანად ასახავს კომპანიის ფინანსურ მდგომარეობას 2024 წლის 31 დეკემბრის მდგომარეობით, აგრეთვე, მისი საქმიანობის ფინანსურ შედეგებსა და ფულად ნაკადებს იმ წლისთვის, რომელიც დასრულდა მოცემული თარიღით, ბუღალტრული აღრიცხვის საერთაშორისო სტანდარტების საბჭოს მიერ გამოშვებული ფინანსური ანგარიშგების საერთაშორისო სტანდარტების (ფასს სტანდარტი) შესაბამისად.

მოსაზრების საფუძველი

აუდიტს წარვმართავდით აუდიტის საერთაშორისო სტანდარტების (ასს-ების) შესაბამისად. ჩვენი პასუხისმგებლობა დეტალურად აღწერილია ჩვენი დასკვნის „აუდიტორის პასუხისმგებლობა ფინანსური ანგარიშგების აუდიტზე“ - ნაწილში. ჩვენ დამოუკიდებელი ვართ კომპანიისგან ბუღალტრულ ეთიკის სტანდარტების საერთაშორისო საბჭოს (ბესს) პროფესიონალი ბუღალტრების ეთიკის კოდექსის ეთიკური მოთხოვნების ქრილში. გარდა ამისა, შევასრულეთ ამ ნორმებით და ბესს-ის ეთიკის კოდექსით გათვალისწინებული სხვა ეთიკური ვალდებულებებიც. გვჯერა, რომ ჩვენ მიერ მოპოვებული აუდიტორული მტკიცებულებები საკმარისი და შესაფერისია ჩვენი აუდიტორი მოსაზრების გამოთქმისათვის აუცილებელი საფუძვლის შესაქმნელად.

ფუნქციონირებადობასთან დაკავშირებული არსებითი განუსაზღვრელობა

ჩვენ ყურადღებას ვამახვილებთ ფინანსური ანგარიშგების მე-2 შენიშვნაზე (ფუნქციონირებადი საწარმო და მასთან დაკავშირებული მე-15 შენიშვნა-ვალდებულებები), რომელშიც მითითებულია, რომ 2024 წლის 31 დეკემბრისთვის, კომპანიამ ვერ შეძლო „იმპლემენტაციის ხელშეკრულების“ და „საინჟინრო მომსახურება/შესყიდვა/შემწეობის“ („EPC“) ხელშეკრულების განახლება და ჰიდროელექტროსადგურის სამშენებლო სამუშაოების შესრულებისთვის აუცილებელი დაფინანსების მოპოვება. კომპანიის სამომავლო ოპერაციები მთლიანად დამოკიდებულია უმსხვილეს აქციონერზე - „K-water“-ზე. აღნიშნული მოვლენები თუ გარემოებები, შენიშვნებში აღწერილ სხვა საკითხებთან ერთად, მიუთითებს არსებითი განუსაზღვრელობის არსებობაზე, რაც მნიშვნელოვან ეჭვს ბადებს კომპანიის უნართან დაკავშირებით, საქმიანობა გააგრძელოს, როგორც ფუნქციონირებადმა საწარმომ. ჩვენი მოსაზრება არ არის მოდიფიცირებული აღნიშნულ საკითხთან მიმართებაში.

სხვა საკითხები

კომპანიის ფინანსური ანგარიშგება, გადაყვანილი აშშ დოლარებში და წარმოდგენილი დანართის 45-47-ე გვერდებზე, არ წარმოადგენს წინამდებარე ფინანსური ანგარიშგების ნაწილს და არ არის აუდიტებული.

2023 წლის 31 დეკემბრისათვის კომპანიის ფინანსური ანგარიშგება აუდიტებული იყო სხვა აუდიტორის მიერ, რომელმაც 2024 წლის 8 მარტს ამ ანგარიშგებაზე უპირობო მოსაზრება გამოთქვა.

ხელმძღვანელობისა და მეთვალყურეობაზე პასუხისმგებელ პირთა პასუხისმგებლობა ფინანსურ ანგარიშგებაზე

ხელმძღვანელობა პასუხისმგებელია თანდართული ფინანსური ანგარიშგების მომზადებასა და სამართლიან წარდგენაზე ფინანსური ანგარიშგების საერთაშორისო სტანდარტების (ფასს სტანდარტები) შესაბამისად, ასევე, შიდა კონტროლზე, რომელსაც იგი აუცილებლად მიიჩნევს ისეთი ფინანსური ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

ფინანსური ანგარიშგების მომზადებისას, ხელმძღვანელობას ევალება, შეაფასოს კომპანიის ფუნქციონირებადობის უნარი და აუცილებლობის შემთხვევაში, ფინანსური ანგარიშგების შენიშვნებში განმარტოს საკითხები, რომლებიც დაკავშირებულია კომპანიის ფუნქციონირებადობასთან და ანგარიშგების საფუძვლად კომპანიის ფუნქციონირებადობის პრინციპის გამოყენებასთან, იმ შემთხვევის გარდა, როდესაც ხელმძღვანელობას განზრახული აქვს კომპანიის ლიკვიდაცია ან საკმიანობის შეწყვეტა, ან თუ არ აქვს სხვა რეალური არჩევანი, ასე რომ არ მოიქცეს.

მეთვალყურეობაზე პასუხისმგებელი პირები პასუხისმგებლები არიან კომპანიის ფინანსური ანგარიშგების მომზადებისა და წარდგენის პროცესის ზედამხედველობაზე.

აუდიტორის პასუხისმგებლობა ფინანსური ანგარიშგების აუდიტზე

ჩვენი მიზანია, მოვიპოვოთ დასაბუთებული რწმუნება იმის თაობაზე, თანდართული ფინანსური ანგარიშგება შეიცავს თუ არა შეცდომით ან თაღლითობით გამოწვეულ არსებით უზუსტობას და შევადგინოთ აუდიტორის დასკვნა, რომელიც მოიცავს ჩვენს მოსაზრებას. დასაბუთებული რწმუნება მაღალი დონის რწმუნებულებაა, მაგრამ არ არის იმის გარანტია, რომ ასს-ების საფუძველზე ჩატარებული აუდიტი ყოველთვის გამოავლენს ნებისმიერ არსებით უზუსტობას, რომელიც არსებობს. უზუსტობები, შეიძლება, გამოწვეული იყოს თაღლითობით ან შეცდომით და არსებითად მიიჩნევა იმ შემთხვევაში, თუ გონივრულ ფარგლებში, მოსალოდნელია, რომ ისინი ცალ-ცალკე ან ერთობლივად გავლენას მოახდენენ იმ მომხმარებლების ეკონომიკურ გადაწყვეტილებებზე, რომლებიც დაეყრდნობიან წინამდებარე ფინანსურ ანგარიშგებას.

ასს-ს შესაბამისად, აუდიტის ჩატარება ითვალისწინებს აუდიტორის მიერ პროფესიული განსჯის გამოყენებას და პროფესიული სკეპტიციზმის შენარჩუნებას აუდიტის პროცესში. გარდა ამისა, ჩვენ:

- ვადგენთ და ვაფასებთ თაღლითობით ან შეცდომით გამოწვეულ, ფინანსური ანგარიშგების არსებით უზუსტობის რისკებს; ვგეგმავთ და ვატარებთ ამ რისკებზე რეაგირებისთვის გამიზნულ აუდიტორულ პროცედურებს და ვკრებთ ისეთ აუდიტორულ მტკიცებულებებს, რომლებიც საკმარისი და შესაფერისი იქნება ჩვენი მოსაზრების გამოთქმისთვის აუცილებელი საფუძვლის შესაქმნელად. რისკი იმისა, რომ ვერ გამოვლინდება თაღლითობით გამოწვეული არსებითი უზუსტობა უფრო მაღალია, ვიდრე რისკი იმისა, რომ ვერ გამოვლინდება შეცდომით გამოწვეული უზუსტობა, რადგან თაღლითობა შეიძლება გულისხმობდეს ფარულ შეთანხმებას, გაყალბებას, ოპერაციების განზრახ გამოტოვებას, აუდიტორისთვის წინასწარგანზრახულად არასწორი ინფორმაციის მიწოდებას ან შიდა კონტროლის იგნორირებას.
- შევისწავლით აუდიტისთვის შესაფერისი შიდა კონტროლის საშუალებებს, რათა დავგეგმოთ კონკრეტული გარემოებების შესაფერისი აუდიტორული პროცედურები და არა იმ მიზნით, რომ მოსაზრება გამოვთქვათ კომპანიის შიდა კონტროლის ეფექტიანობაზე.
- ვაფასებთ ხელმძღვანელობის მიერ გამოყენებული სააღრიცხვო პოლიტიკის მიზანშეწონილობას, ხელმძღვანელობის მიერ განსაზღვრული სააღრიცხვო შეფასებების დასაბუთებულობასა და

შესაბამისი ახსნა-განმარტებების მართებულობას.

- დასკვნა გამოგვაქვს ხელმძღვანელობის მიერ ანგარიშგების საფუძვლად კომპანიის ფუნქციონირებადობის პრინციპის გამოყენების მიზანშეწონილობაზე, ხოლო მოპოვებულ აუდიტორულ მტკიცებულებებზე დაყრდნობით ვადგენთ, არსებობს თუ არა რაიმე მოვლენებთან ან პირობებთან დაკავშირებული არსებითი განუსაზღვრელობა, რაც მნიშვნელოვან ეჭვს გამოიწვევდა კომპანიის ფუნქციონირებადობის უნართან დაკავშირებით. თუ დავასკვნით, რომ არსებობს არსებითი განუსაზღვრელობა, გვევალება ჩვენს აუდიტორის დასკვნაში ყურადღების გამახვილება ფინანსური ანგარიშგების შესაბამის შენიშვნებზე, ან, თუ ამგვარი განმარტებითი შენიშვნები ადეკვატური არ არის - ჩვენი მოსაზრების მოდიფიცირება. ჩვენი დასკვნები ეყრდნობა აუდიტორის დასკვნის თარიღამდე მოპოვებულ აუდიტორულ მტკიცებულებებს. თუმცა, ამის შემდგომი მომავალი მოვლენების ან პირობების გავლენით შეიძლება კომპანია უკვე აღარ იყოს ფუნქციონირებადი კომპანია.
- ვაფასებთ ფინანსური ანგარიშგების წარდგენას მთლიანობაში, მის სტრუქტურასა და შინაარსს, მათ შორის, განმარტებით შენიშვნებს და ასევე, ფინანსური ანგარიშგება უზრუნველყოფს თუ არა ფინანსური ანგარიშგების საფუძვლად აღებული ოპერაციებისა და მოვლენების სამართლიან წარდგენას.

მეთვალყურეობაზე პასუხისმგებელ პირებს, სხვასთან ერთად, ინფორმაციას ვაწვდით აუდიტის დაგეგმილი მასშტაბისა და ვადების, ასევე აუდიტის პროცესში წამოჭრილი მნიშვნელოვანი საკითხების, მათ შორის, შიდა კონტროლის სისტემაში გამოვლენილი მნიშვნელოვანი ნაკლოვანებების შესახებ.

მოცემული აუდიტის, რომლის შედეგადაც შედგენილია წინამდებარე დამოუკიდებელი აუდიტორის დასკვნა, გარიგების პარტნიორია - ივანე ჯელია.

ივანე ჯელია (აუდიტორის სარეგისტრაციო ნომერი SARAS-A-954810)
მმართველი პარტნიორი
შპს „ბეიკერ ტილი ჯორჯია“-ს სახელით
28 თებერვალი, 2025 წელი
თბილისი, საქართველო

'000 ლარი	შენიშვნა	31 დეკემბერი 2024	31 დეკემბერი 2023
აქტივები			
ძირითადი საშუალებები	7	10	26
შეზღუდული ფულადი სახსრები		-	20
გრძელვადიანი აქტივები		10	46
შეზღუდული ფულადი სახსრები		28	-
მარაგები		77	27
წინასწარ გადახდილი გადასახადები	11	5,321	4,162
სხვა მოთხოვნები	8	2,245	2,117
გადახდილი ავანსები		196	1,009
გასაყიდად გამიზნული გრძელვადიანი აქტივები	10	3,451	44,958
ფულადი სახსრები და მათი ეკვივალენტები	9	4,473	2,864
მოკლევადიანი აქტივები		15,791	55,137
სულ აქტივები		15,801	55,183
კაპიტალი და ვალდებულებები			
კაპიტალი			
სააქციო კაპიტალი	12	549,315	549,315
წინასწარ გადახდილი სააქციო კაპიტალი	12	29,640	19,498
დაგროვილი ზარალი		(563,355)	(514,385)
სულ კაპიტალი		15,600	54,428
გრძელვადიანი ვალდებულებები			
საიჯარო ვალდებულებები		68	364
სულ გრძელვადიანი ვალდებულებები		68	364
ვალდებულებები			
საიჯარო ვალდებულებები		81	202
სხვა ვალდებულებები		52	189
სულ მოკლევადიანი ვალდებულებები		133	391
სულ ვალდებულებები		201	755
სულ კაპიტალი და ვალდებულებები		15,801	55,183

ფინანსური ანგარიშგება დამოწმებული და ხელმოწერილია კომპანიის ხელმძღვანელობის მიერ 2025 წლის 28 თებერვალს.

ჰიუნგშინ კიმ
აღმასრულებელი დირექტორი

'000 ლარი	შენიშვნა	31 დეკემბერი 2024	31 დეკემბერი 2023
აქტივები			
ძირითადი საშუალებები	7	10	26
შეზღუდული ფულადი სახსრები		-	20
გრძელვადიანი აქტივები		10	46
შეზღუდული ფულადი სახსრები		28	-
მარაგები		77	27
წინასწარ გადახდილი გადასახადები	11	5,321	4,162
სხვა მოთხოვნები	8	2,245	2,117
გადახდილი ავანსები		196	1,009
გასაყიდად გამოზნული გრძელვადიანი აქტივები	10	3,451	44,958
ფულადი სახსრები და მათი ეკვივალენტები	9	4,473	2,864
მოკლევადიანი აქტივები		15,791	55,137
სულ აქტივები		15,801	55,183
კაპიტალი და ვალდებულებები			
კაპიტალი			
სააქციო კაპიტალი	12	549,315	549,315
წინასწარ გადახდილი სააქციო კაპიტალი	12	29,640	19,498
დაგროვილი ზარალი		(563,355)	(514,385)
სულ კაპიტალი		15,600	54,428
გრძელვადიანი ვალდებულებები			
საიჯარო ვალდებულებები		68	364
სულ გრძელვადიანი ვალდებულებები		68	364
ვალდებულებები			
საიჯარო ვალდებულებები		81	202
სხვა ვალდებულებები		52	189
სულ მოკლევადიანი ვალდებულებები		133	391
სულ ვალდებულებები		201	755
სულ კაპიტალი და ვალდებულებები		15,801	55,183

ფინანსური ანგარიშგება დამოწმებული და ხელმოწერილია კომპანიის ხელმძღვანელობის მიერ 2025 წლის 28 თებერვალს.



ჰიუნგშინ კიმ
აღმასრულებელი დირექტორი

სს „ნენსკრა ჰიდრო“
2024 წლის მოგება-ზარალის და სხვა სრული შემოსავლის ანგარიშგება

'000 ლარი	შენიშვნები	2024	2023
პერსონალის ხარჯები	5	(2,824)	(3,206)
სხვა საოპერაციო ხარჯები	6	(7,638)	(11,442)
ძირითადი საშუალებების გაუფასურების ზარალი	7	(4,086)	-
გასაყიდად გამიზნული გრძელვადიანი აქტივების გაუფასურების ზარალი	10	(36,471)	-
გასაყიდად გამიზნული გრძელვადიანი აქტივების რეალიზაციის შედეგად წარმოქმნილი ზარალი	10	(734)	-
წინა პერიოდის ქონების გადასახადის ხარჯების დაბრუნება	11	2,135	-
მოგება ფინანსური იჯარის მოდიფიკაციიდან		200	-
მოგება ძირითადი საშუალებების რეალიზაციიდან		33	-
საექვო ვალების რეზერვის შეტრიალება		74	-
მოგება/ზარალი საოპერაციო საქმიანობიდან		(49,311)	(14,648)
წმინდა ფინანსური შემოსავალი		266	240
სხვა არასაოპერაციო შემოსავალი		84	60
სხვა არასაოპერაციო ხარჯი		(9)	(1,615)
მიმდინარე წლის წმინდა ზარალი		(48,970)	(15,963)
მიმდინარე წლის სრული ზარალი		(48,970)	(15,963)

მოგება-ზარალისა და სხვა სრული შემოსავლის ანგარიშგება წაკითხულ უნდა იქნეს ფინანსური ანგარიშგების შენიშვნებთან ერთად, რომელიც ფინანსური ანგარიშგების ნაწილია და განთავსებულია 10 - 44 გვერდებზე.

სს „ნენსკრა ჰიდრო“
2024 წლის საკუთარი კაპიტალის ცვლილებების ანგარიშგება

’000 ლარი	შენიშვნა	წინასწარ გადახდილი			სულ კაპიტალი
		სააქციო კაპიტალი	სააქციო კაპიტალი	დაგროვილი ზარალი	
ნაშთი 2023 წლის 1 იანვარს		549,315	4,404	(498,422)	55,297
წლის ზარალი		-	-	(15,963)	(15,963)
წლის სრული ზარალი		-	-	(15,963)	(15,963)
ოპერაციები კომპანიის მესაკუთრებთან					
წინასწარ გადახდილი სააქციო კაპიტალი	12	-	15,094	-	15,094
ნაშთი 2023 წლის 31 დეკემბერს		549,315	19,498	(514,385)	54,428
ნაშთი 2024 წლის 1 იანვარს		549,315	19,498	(514,385)	54,428
წლის ზარალი		-	-	(48,970)	(48,970)
წლის სრული ზარალი		-	-	(48,970)	(48,970)
ოპერაციები კომპანიის მესაკუთრებთან					
წინასწარ გადახდილი სააქციო კაპიტალი	12	-	10,142	-	10,142
ნაშთი 2024 წლის 31 დეკემბერს		549,315	29,640	(563,355)	15,600

'000 ლარი	შენიშვნა	2024	2023
ფულადი ნაკადები საოპერაციო საქმიანობებიდან			
მომწოდებლებისა და მომუშავეებისთვის გადახდილი ფულადი სახსრები		(8,969)	(16,648)
საოპერაციო საქმიანობაში გამოყენებული წმინდა ფულადი სახსრები		(8,969)	(16,648)
ფულადი ნაკადები საინვესტიციო საქმიანობებიდან			
ძირითადი საშუალებების შეძენა		-	(7)
გრძელვადიანი აქტივების რეალიზაცია		247	-
საინვესტიციო საქმიანობიდან მიღებული/ (გამოყენებული) წმინდა ფულადი სახსრები		247	(7)
ფულადი ნაკადები საფინანსო საქმიანობებიდან			
სააქციო კაპიტალის წინასწარი გადახდებიდან მიღებული შემოსულობები	12	10,142	15,094
საფინანსო საქმიანობიდან მიღებული წმინდა ფულადი სახსრები		10,142	15,094
წმინდა ზრდა/(კლება) ფულად სახსრებსა და მათ ეკვივალენტებში		1,420	(1,561)
ფულადი სახსრები და მათი ეკვივალენტები 1 იანვარს		2,864	4,411
გაცვლითი კურსის ცვლილების გავლენა ფულად სახსრებსა და მათ ეკვივალენტებზე		189	14
ფულადი სახსრები და მათი ეკვივალენტები 31 დეკემბერს	9	4,473	2,864

შენიშვნა	გვერდი	შენიშვნა	გვერდი
1. ანგარიშვალდებული საწარმო	11	14. სამართლიანი ღირებულებები და რისკის მართვა	24
2. აღრიცხვის საფუძველი	13	15. ვალდებულებები	29
3. სამუშაო და წარსადგენი ვალუტა	15	16. პირობითი ვალდებულებები	30
4. შეფასებებისა და მსჯელობების გამოყენება	15	17. დაკავშირებული მხარეები	33
5. პერსონალის ხარჯები	17	18. შეფასების საფუძველი	34
6. სხვა საოპერაციო ხარჯები	17	19. მნიშვნელოვანი სააღრიცხვო პოლიტიკები	34
7. ძირითადი საშუალებები და გრძელვადიანი აქტივებისთვის გადახდილი ავანსები	18	20. ახალი სტანდარტები და ინტერპრეტაციები, რომლებიც ჯერ არ არის ძალაში შესული	44
8. სხვა მოთხოვნები	20	21. ანგარიშგების შემდგომი მოვლენები	44
9. ფულადი სახსრები და მათი ეკვივალენტები	21		
10. გასაყიდად გამიზნული გრძელვადიანი აქტივები	21		
11. წინასწარ გადახდილი გადასახადები	23		
12. კაპიტალი და რეზერვები	23		
13. კაპიტალის მართვა	24		

1. ანგარიშგალდებული საწარმო

საქართველოს ბიზნეს გარემო

კომპანიის საქმიანობა ხორციელდება საქართველოში, შესაბამისად, კომპანიაზე ზემოქმედებს საქართველოში მოქმედი ეკონომიკური ფაქტორები და ფინანსური ბაზრები, რომლებიც განვითარებადი ბაზრის თვისებებით ხასიათდება. საკანონმდებლო, საგადასახადო და მარეგულირებელი სტრუქტურები განაგრძობენ განვითარებას, თუმცა, ისინი ექვემდებარებიან განსხვავებულ ინტერპრეტაციებს და ხშირ ცვლილებებს, რაც სხვა საკანონმდებლო და ფისკალურ სირთულეებთან ერთად, საქართველოში მოქმედი ორგანიზაციებისთვის გარკვეულ გამოწვევებს წარმოქმნის.

2022 წლის თებერვალში, რუსეთის ფედერაციასა და უკრაინას შორის შეიარაღებული კონფლიქტის გამო, რიგმა ქვეყნებმა დააწესეს სანქციები რუსეთის ფედერაციის წინააღმდეგ. კონფლიქტი გავლენას ახდენს არა მხოლოდ ორი ქვეყნის ეკონომიკურ საქმიანობაზე, არამედ, გლობალურ ეკონომიკაზეც. სანქციების შედეგად, მსოფლიოს მრავალ ქვეყანაში გაიზარდა ფასები საყოფაცხოვრებო საქონელსა და სურსათზე, დაიწყო არსებული კავშირები რესურსების მიწოდებას შორის, ინფლაცია, ასევე, მოქმედებს ფასებზე და ანალიტიკოსები, ასევე, პროგნოზირებენ ეკონომიკურ გავლენას გლობალურ ინდუსტრიაზე.

გლობალური ფაქტორების მიუხედავად, საქართველოში 2024 წელს ეკონომიკა 9.5%-ით გაიზარდა, ინფლაციის დონემ კი 1.9 % შეადგინა. რეალური მშპ-ის ზრდა ძირითადად განპირობებულია გაზრდილი სადაზღვევო, პროფესიული, სამეცნიერო და ტექნიკური, სავაჭრო, საინფორმაციო და სატრანსპორტო-სექტორებით. 2024 წელს ქართული ლარის გაცვლითი კურსი აშშ დოლართან მიმართებით 4.37%-ით გაუფასურდა, ხოლო 2023 წელს - 0.47-ით გამყარდა. წყაროები: www.geostat.ge; www.nbg.gov.ge.

წინამდებარე ფინანსური ანგარიშგება ასახავს ხელმძღვანელობის მიერ საქართველოს ბიზნეს გარემოს გავლენის შეფასებას კომპანიის ოპერაციებსა და ფინანსურ მდგომარეობაზე. ბიზნეს გარემო მომავალში, შეიძლება, განსხვავდებოდეს ხელმძღვანელობის შეფასებებისაგან.

ორგანიზაცია და ოპერაციები

სს „ნენსკრა ჰიდრო“ (შემდგომში „კომპანია“) წარმოადგენს სააქციო საზოგადოებას, “მეწარმეთა შესახებ საქართველოს კანონის” შესაბამისად, რომელიც რეგისტრირებულია საჯარო რეესტრის ეროვნული სააგენტოს მიერ, საიდენტიფიკაციო ნომრით: 405112220. კომპანია დაარსდა 2015 წლის 5 აგვისტოს პროექტის განხორციელების მიზნით, რომელიც მოიცავს სვანეთში, (საქართველო), მდინარე ნენსკრაზე ჰიდროელექტროსადგურის პროექტირებას, განვითარებას, დაფინანსებას, მშენებლობას, ფლობასა და ტექნიკურ მხარდაჭერას (შემდგომში „პროექტი“). კომპანიის იურიდიული მისამართია: საქართველო, თბილისი, ჭავჭავაძის გამზირი № 34. 2024 წელს, კომპანიას, საშუალოდ 16, დასაქმებული ჰყავდა (2023: 18 დასაქმებული).

კომპანიის უმრავლესობის აქციების (92.6%) მფლობელია „კორეის წყლის რესურსების კორპორაცია“ (შემდგომში, “K-water”), რომელიც დაარსდა და ოპერირებს კორეის რესპუბლიკაში. K-water დაარსებულია და საბოლოოდ მას აკონტროლებს კორეის რესპუბლიკის მთავრობა, რომელსაც აქვს უფლებამოსილება საკუთარი შეხედულებისამებრ და საკუთარი სარგებლისთვის მართოს K-water-ის ოპერაციები. კომპანიის უმცირესობის აქციების (7.4%) მფლობელია სს „საპარტნიორო ფონდი“ (შემდგომში, „ფონდი“), საქართველოში დაარსებული და მოქმედი სახელმწიფო კომპანია. ფონდი კომპანიის აქციონერი 2018 წელს გახდა. 2023 წლის 12 სექტემბერს ფონდს გადაერქვა სახელი და ის სს „საქართველოს განვითარების ფონდი“ გახდა.

კომპანიის აქციონერთა საერთო კრების მიერ დამტკიცებული კომპანიის წესდება შემუშავებულია აქციონერთა ხელშეკრულების (ქვემოთ განსაზღვრული) შესაბამისად. წესდების თანახმად, კომპანიის მმართველი ორგანოებია: აღმასრულებელი კომიტეტი, სამეთვალყურეო საბჭო და აქციონერთა საერთო კრება. წესდების თანახმად, აღმასრულებელი კომიტეტის წევრები არიან: აღმასრულებელი დირექტორი, აღმასრულებელი დირექტორის მოადგილე, ფინანსური დირექტორი, ტექნიკური დირექტორი და ოპერაციული დირექტორი, ხოლო სამეთვალყურეო საბჭო შედგება 6 წევრისაგან, საიდანაც, ოთხი წევრი წარდგენილია K-water-ის მიერ, ხოლო ორი - წევრი ფონდის მიერ.

კომპანიის დაფინანსების უმეტესი ნაწილი K-water-სგან არის მიღებული. შედეგად, კომპანია ეკონომიკურად დამოკიდებულია K-water-ზე. ამასთანავე, კომპანიის საქმიანობა მჭიდროდ არის დაკავშირებული K-water-ის მოთხოვნებთან. ოპერაციები დაკავშირებულ მხარეებთან დეტალურად განხილულია მე-17 შენიშვნაში.

კომპანია ახორციელებს პროექტს 2015 წლის 31 აგვისტოს დადებული შემდეგი ხელშეკრულებების ფარგლებში (2017 წლის შესწორებული ვერსიის გამოყენებით):

- I. კომპანიის, საქართველოს მთავრობის, სს „ელექტროენერგეტიკული სისტემის კომერციული ოპერატორის („ესკო“), სს „საქართველოს სახელმწიფო ელექტროსისტემის („სსე“) და ფონდის მიერ და მათ შორის დადებული იმპლემენტაციის ხელშეკრულება. „იმპლემენტაციის ხელშეკრულება“ არეგულირებს და მართავს პროექტის კომერციული, ფინანსური, იურიდიული და საგადასახადო საკითხების (და არა მხოლოდ) ყველა ძირითად ასპექტს; და კომპანიის აქციონერის მიერ აქციების საქართველოს მთავრობისთვის გადაცემას „იმპლემენტაციის ხელშეკრულების“ ვადის ამოწურვის თარიღისთვის, რაც არის სამშენებლო პერიოდს დამატებული საოპერაციო პერიოდის 36 წელი.
- II. კომპანიას და ესკოს (შემსყიდველი, როგორც ეს განმარტებულია „იმპლემენტაციის ხელშეკრულებაში“) მიერ და მათ შორის დადებული „სიმძლავრის შეძენის ხელშეკრულება“ („PPA“) არეგულირებს სახელშეკრულებო ურთიერთობებს შემსყიდველსა და კომპანიას შორის და არეგულირებს საკითხებს, რომლებიც დაკავშირებულია საქმიანობის დაწყების შემდეგ, „ნენსკრას ჰიდროელექტროსადგურის“ (შემდგომში „ჰესი“) მიერ გამომუშავებული ელექტროენერგიის მიწოდებასთან.
- III. PPA საკრედიტო მხარდაჭერის ხელშეკრულება გაფორმებულია კომპანიისა და ფონდის მიერ და მათ შორის, და არეგულირებს ურთიერთობებს მხარეთა შორის, ფონდის მიერ, „სიმძლავრის შეძენის ხელშეკრულების“ ფარგლებში, შემსყიდველის გადახდის ვალდებულებების გარანტირებასთან დაკავშირებით.
- IV. ფუთ და ქოლ ოფციონის ხელშეკრულება გაფორმებულია კომპანიის, საქართველოს მთავრობის, K-water-ის და ფონდის მიერ და მათ შორის და არეგულირებს მხარეების უფლებებსა და ვალდებულებებს „იმპლემენტაციის ხელშეკრულების“ ნაადრევი შეწყვეტის და/ან ვადის გასვლის შემთხვევაში; და
- V. აქციონერთა ხელშეკრულება გაფორმებულია კომპანიის, K-water-ის და ფონდის მიერ და მათ შორის („აქციონერთა ხელშეკრულება“) და არეგულირებს კომპანიის აქციონერთა სტრუქტურასთან და ფონდის მიერ კომპანიის აქციების პოტენციურ გამოწერასთან დაკავშირებულ საკითხებს, კომპანიის კაპიტალში დაახლოებით 16,740 აშშ დოლარის (ან ეკვივალენტური ოდენობა ლარში) ოდენობით ნატურალური ფორმით განხორციელებული შენატანის და დაახლოებით 6,260 ათასი აშშ დოლარის (ან ეკვივალენტური ოდენობა ლარში) ოდენობით ფულადი სახსრების შენატანის საშუალებით.

მოსალოდნელია, რომ იმპლემენტაციის ხელშეკრულება და შესაბამისი ზემოაღნიშნული საპროექტო ხელშეკრულებები დაკორექტირდება საოპერაციო პერიოდის 46 წლამდე გაზრდის ცვლილებების და ზოგიერთი სხვა პირობების შეტანით, სავარაუდოდ არაუგვიანეს 2025 წლისა (იხ. შენიშვნა 2 (b)).

2018 წლის სექტემბერში, მესამე მხარის კონტრაქტორთან - „Salini Impregilo S.p.A“-თან (შემდგომში „სალინი“, ან „კონტრაქტორი“) 2015 წლის 31 აგვისტოს გაფორმებული საინჟინრო/შესყიდველის/ მშენებლობის ხელშეკრულება („EPC“) ჰიდროელექტროსადგურის პროექტირებასთან, შესყიდვასთან, მშენებლობასთან, ტესტირებასთან, ექსპლუატაციაში გაშვებასთან და დასრულებასთან დაკავშირებით, იქნა შეწყვეტილი მხარეების მიერ დადებული „შეწყვეტის შესახებ აქტის“ მიხედვით. „შეწყვეტის შესახებ აქტის“ მიხედვით, მხარეები ერთობლივად შეთანხმდნენ EPC ხელშეკრულების შეწყვეტასა და შეწყვეტის ვადებსა და პირობებზე, რაც სხვა პირობებთან ერთად, შემდეგ ძირითად პირობებს მოიცავდა: (i) კომპანიამ იკისრა 27,488 ათასი აშშ დოლარის ოდენობით შეწყვეტის ხარჯების გადახდა, საიდანაც 19,188 ათასი აშშ დოლარი გადახდილი იქნა ფულადი სახსრებით, ხოლო დანარჩენი იქნა ურთიერთგადაფარული კომპანიის მიერ EPC ხელშეკრულების ფარგლებში განხორციელებულ წინასწარ გადახდასთან; (ii) კონტრაქტორის მიერ EPC ხელშეკრულებასთან დაკავშირებით დადებული ქვეკონტრაქტების განახლება; (iii) კონტრაქტორის მიერ, EPC ხელშეკრულებით გათვალისწინებული სამშენებლო სამუშაოების მიზნებისთვის შესყიდული გარკვეული აქტივების გადაცემა კომპანიისთვის. მსგავსი აქტივები აუცილებელია პროექტის სამშენებლო სამუშაოებისთვის, და მაშასადამე, ხელშეკრულების გაფორმების შემდეგ, ახალ EPC კონტრაქტორზე გადაცემას/გაყიდვას ექვემდებარება.

EPC ხელშეკრულების შეწყვეტის შემდეგ, კომპანიამ გამოაცხადა ტენდერი პროექტისთვის დარჩენილი სამშენებლო სამუშაოების შესყიდვაზე, რომელიც 2023 წლის 10 ნოემბერს გაუქმდა (იხ. შენიშვნა 2(b) და შენიშვნა 10). მეორე კორექტირებული და განახლებული იმპლემენტაციის ხელშეკრულების დასრულება 2025 წელს იგეგმება, პოტენციურ პრეტენდენტთან ახალი EPC ხელშეკრულების გაფორმებასთან ერთად.

2. აღრიცხვის საფუძველი

(ა) შესაბამისობა

წინამდებარე ფინანსური ანგარიშგება მომზადებულია ბუღალტრული აღრიცხვის საერთაშორისო სტანდარტების საბჭოს მიერ გამოშვებული ფინანსური ანგარიშგების საერთაშორისო სტანდარტებთან („ფასის სტანდარტები“) სრულ შესაბამისობაში.

(ბ) ფუნქციონირებადი საწარმო

მიუხედავად იმისა, რომ 2024 წლის 31 დეკემბრისთვის, კომპანიამ ვერ შეიყვანა პროექტი ექსპლუატაციაში, წინამდებარე ფინანსური ანგარიშგება მომზადებულია ფუნქციონირებადობის პრინციპის მიხედვით.

ხელმძღვანელობა პროექტის დაწყებას 2020 წელს ელოდებოდა. თუმცა, 2018 წელს EPC ხელშეკრულების შეწყვეტისა და 2020 წელს COVID-19 პანდემიის გამო, პროექტის დასრულება 2025 წლისთვის გადაიდო, შემდეგ 2029 წლისთვის და მოსალოდნელია, რომ კვლავ გადაიდება 2031 წლამდე.

EPC ხელშეკრულების შეწყვეტის შემდეგ, კომპანიამ გამოაცხადა ტენდერი პროექტის ფარგლებში დარჩენილი სამშენებლო სამუშაოების შესყიდვაზე. ახალი EPC კონტრაქტორის შერჩევის სატენდერო პროცესი 2018 წლის ნოემბერში დაიწყო, საერთაშორისო საფინანსო დაწესებულებების (პოტენციური კრედიტორები, „კრედიტორთა ჯგუფი“) საჯარო შესყიდვების სახელმძღვანელო მითითებების შესაბამისად.

ხელმძღვანელობა ახალი EPC ხელშეკრულების დასრულებასა და აღსრულებას 2020 წლის განმავლობაში მოელოდა, რაც შემდგომ 2023 წლამდე გადაიდო, თუმცა მოლაპარაკებები შერჩეულ პრეტენდენტთან („შერჩეული პრეტენდენტი“) და კრედიტორთა ჯგუფთან, შეწყდა, შემდეგი მიზეზების გამო:

COVID-19-ის პანდემიამ 2020 წლის დასაწყისში და მისმა სწრაფმა გავრცელებამ, იქონია არსებითი გავლენა და ცვლილებები შეიტანა ბიზნეს გარემოში მსოფლიოს გარშემო ყველა ქვეყანაში, მათ შორის საქართველოშიც. აღნიშნულმა, თავის მხრივ, უარყოფითი გავლენა იქონია კომპანიაზე, ახალი EPC ხელშეკრულების აღსრულების გადადების კუთხით და ასევე, ფინანსური დახურვის გადადება გამოიწვია. დაფინანსება საერთაშორისო საფინანსო დაწესებულებებიდან ახალი EPC ხელშეკრულების აღსრულებასა და იმპლემენტაციის ხელშეკრულების კორექტირებაზე არის დამოკიდებული.

EPC ხელშეკრულების აღსრულების გადადებისა და ეკონომიკურ გარემოში ცვლილებების გამო, შერჩეულმა პრეტენდენტმა EPC ხელშეკრულების თავდაპირველად განსაზღვრული ფასის გაზრდა მოითხოვა. გაზრდილი ფასი არ იყო მისაღები კომპანიისთვის, შესაბამისად კომპანიამ გამოაცხადა ტენდერი პროექტის ფარგლებში დარჩენილი სამშენებლო სამუშაოების შესყიდვაზე. ახალი EPC კონტრაქტორის შერჩევის სატენდერო პროცესი 2023 წლის აპრილის განმავლობაში დაიწყო, საჯარო შესყიდვების სახელმძღვანელო მითითებების შესაბამისად. ტენდერის შედეგად, კომპანიამ შეარჩია ახალი „შერჩეული პრეტენდენტი“. მიუხედავად ამისა, მოლაპარაკებები ახალ შერჩეულ პრეტენდენტთან წარუმატებელი აღმოჩნდა. შედეგად, 2023 წლის 10 ნოემბერს კომპანიამ შეატყობინა შერჩეულ პრეტენდენტს, რომ ტენდერი გაუქმდა. 2024 წლის განმავლობაში კომპანია მოლაპარაკებებს აწარმოებდა სხვადასხვა პოტენციურ კონტრაქტორთან, რათა შეემოწმებინა მათი საბაზრო ინტერესები და რისკებისადმი მიდრეკილება. ამავდროულად, კომპანია, IA-ს ცვლილებებთან დაკავშირებით, მოლაპარაკებას აწარმოებდა საქართველოს მთავრობასთან.

EPC ხელშეკრულების შესასრულებლად, კომპანიას და საქართველოს მთავრობას იმპლემენტაციის ხელშეკრულება უნდა გაეფორმებინათ. 2019 წლის 28 იანვარს, კომპანიამ და ეკონომიკისა და მდგრადი განვითარების სამინისტრომ გააფორმეს თანამშრომლობის მემორანდუმი, რომლის მიხედვითაც, მხარეებმა დაადასტურეს, რომ იმპლემენტაციის ხელშეკრულების ვადები და სხვა ძირითადი პირობები შეიძლება იქნეს გადახედილი და კორექტირებული განახლებული პროექტის ვადების მიხედვით, მათ შორის პროექტის მშენებლობის ახალი გრაფიკი. ასევე, EPC-ის პოტენციური კონტრაქტორისა და კრედიტორთა ჯგუფის დასარწმუნებლად, 2023 წლის 15 მაისს ორმა მხარემ დადო შეთანხმება. თუმცა, წინამდებარე ფინანსური ანგარიშგების გამოშვების

თარიღისთვის იმპლემენტაციის ხელშეკრულება არ დაკორექტირებულა.

„ქართულ სამშენებლო კონსორციუმთან“ („GCC“) მიმდინარე სასამართლო დავამ ასევე ხელი შეუწყო ზემოაღნიშნულ შეფერხებებს. როგორც 16 (b) შენიშვნაშია განხილული, 2021 წლის 23 აგვისტოს, თბილისის საქალაქო სასამართლომ („სასამართლო“) გამოსცა ახალი ბრძანება („ბრძანება“), როგორც დროებითი ღონისძიება კომპანიის წინააღმდეგ. ბრძანების მიხედვით, კომპანიას ჩამოერთვა მის საკუთრებაში არსებული „გვირაბის საბურღი მანქანები“ („TBM“) და სასამართლომ დააწესა შეზღუდვები მათ გამოყენებაზე. გარდა ამისა, ბრძანება უზღუდავს კომპანიას ნებისმიერი ხელშეკრულების გაფორმებას ნებისმიერ მესამე მხარესთან, რომელიც სერპანტინის გზის სამშენებლო სამუშაოებს ეხება. 2024 წლის მარტში ბრძანება გაუქმდა. თუმცა, 2020 წლის 14 დეკემბერს GCC-ის მიერ წარდგენილი სამოქალაქო სარჩელი გრძელდება, მიუხედავად იმისა, რომ კომპანიამ მოიგო GCC-თან დაკავშირებული ICC-ს საქმე.

ხელმძღვანელობამ შეაფასა ზემოაღნიშნულ მოვლენებთან და გარემოებებთან დაკავშირებული განუსაზღვრელობების ხარისხი და საქართველოს მთავრობის, კომპანიის და მშობელი კომპანიის („K-water“) მიერ მიღებული შემამსუბუქებელი ზომების გავლენის გათვალისწინებით (ქვემოთ წარმოდგენილის შესაბამისად) ხელმძღვანელობას აქვს გონივრული მოლოდინი, რომ კომპანია შეძლებს EPC კონტრაქტორის შერჩევას და EPC ხელშეკრულების გაფორმებას, დაგეგმილი სამშენებლო სამუშაოების გაგრძელებას და მას ექნება წვდომა სათანადო ფინანსურ და სხვა რესურსებზე რათა გააგრძელოს მუშაობა, სულ მცირე, წინამდებარე ფინანსური ანგარიშგების გამოშვების თარიღიდან 12 თვის განმავლობაში:

ტენდერის გაუქმების შემდეგ, კომპანიამ დაიწყო დისკუსიები და მოლაპარაკებები პოტენციურ პრეტენდენტებთან EPC ხელშეკრულებისთვის. წინამდებარე ფინანსური ანგარიშგების გამოშვების თარიღისთვის, ხელმძღვანელობა დარწმუნებულია, რომ კომპანია იპოვის პოტენციურ პრეტენდენტებს, გააფორმებს EPC ხელშეკრულებას და ძირითადი სამშენებლო სამუშაოები დაიწყება 2025 წლის განმავლობაში.

- როგორც შენიშვნა 16(b)-ში არის წარმოდგენილი, 2022 წლის 24 ოქტომბერს, კომპანიამ საჩივარი შეიტანა საერთაშორისო სავაჭრო პალატის არბიტრაჟში, რომლითაც ითხოვს დადგინდეს, რომ ქართულმა სამშენებლო კონსორციუმმა დაარღვია შესაბამისი საარბიტრაჟო შეთანხმებები საქართველოში სასამართლო წარმოების დაწყებით. 2023 წლის 8 სექტემბერს არბიტრაჟმა („ტრიბუნალმა“) გამოსცა საბოლოო გადაწყვეტილება არბიტრაჟთან დაკავშირებით კომპანიის სასარგებლოდ. ტრიბუნალმა დაადასტურა, რომ კომპანიამ კანონიერად შეწყვიტა ხელშეკრულებები ქართულ სამშენებლო კონსორციუმთან და რომ ქართულმა სამშენებლო კონსორციუმმა დაარღვია საარბიტრაჟო შეთანხმება საქართველოს სასამართლოებში გარკვეული საჩივრების შეტანით. საქართველოს კანონის მოთხოვნების შესაბამისად, საერთაშორისო სავაჭრო პალატის არბიტრაჟის საბოლოო გადაწყვეტილების აღიარებისა და აღსრულების მიზნით, კომპანიამ შესაბამისი შუამდგომლობა წარადგინა საქართველოს უზენაეს სასამართლოში. 2023 წლის 16 ნოემბერს, საქართველოს უზენაესმა სასამართლომ მიიღო გადაწყვეტილება, რომლის მიხედვითაც კომპანიის შუამდგომლობა საერთაშორისო სავაჭრო პალატის არბიტრაჟის საბოლოო გადაწყვეტილების აღიარებისა და აღსრულების თაობაზე მიღებულ იქნა განსახილველად. უფრო მეტიც, მეორე მხარეს არ წარუდგენია საქართველოს უზენაეს სასამართლოში პოზიცია აღიარებისა და აღსრულების მოთხოვნის გასაჩივრების თაობაზე. ზემოაღნიშნულის გათვალისწინებით, ხელმძღვანელობა დარწმუნებულია, რომ სამართლებრივი საქმე მოგვარდება და კომპანია GCC-თან დაკავშირებით არ წააწყდება რაიმე დაბრკოლებას.
- 2019 წლის 28 იანვარს, კომპანიამ და ეკონომიკისა და მდგრადი განვითარების სამინისტრომ გააფორმეს თანამშრომლობის მემორანდუმი („MoC“), რომლის მიხედვითაც, მხარეებმა დაადასტურეს, რომ იმპლემენტაციის ხელშეკრულების ვადები და სხვა ძირითადი პირობები შეიძლება იქნეს გადახედილი და კორექტირებული განახლებული პროექტის ვადების მიხედვით, მათ შორის პროექტის მშენებლობის ახალი გრაფიკი. ამასთანავე, 2022 წლის ბოლოს და 2023 წლის იანვარში ძირითად კომერციულ პირობებზე წარმოებული მოლაპარაკებების საფუძველზე, საქართველოს მთავრობამ ოფიციალურად გამოთქვა მზადყოფნა გააფორმოს დამატებითი ხელშეკრულება, რომლითაც მხარეები ძირითად კომერციულ პირობებზე შეთანხმდებიან. შედეგად, 2023 წლის 15 მაისს, კომპანიამ და საქართველოს მთავრობამ გააფორმეს დამატებითი ხელშეკრულება, იმპლემენტაციის ხელშეკრულებასთან დაკავშირებით. დამატებითი

ხელშეკრულების მიხედვით, მხარეები შეთანხმდნენ ელექტროენერგიის ახალ ტარიფზე და უმოკლეს ვადებში, გადახდილი და განახლებული იმპლემენტაციის ხელშეკრულების გაფორმებასთან დაკავშირებით მოლაპარაკებების დაწყებაზე. როგორც ზემოთ არის აღნიშნული, წინამდებარე ფინანსური ანგარიშგების გამოშვების თარიღისთვის იმპლემენტაციის ხელშეკრულება არ დაკორექტირებულა. თუმცა, კომპანია საქართველოს მთავრობასთან აქტიურად აწარმოებს მოლაპარაკებას ძირითადი პირობების განახლებასა და IA-ს პირობებთან დაკავშირებით, მათ შორისააპროექტის რისკების პროფილების გადახედვა. საქართველოს ენერგეტიკული უსაფრთხოებისა და დამოუკიდებლობის უზრუნველყოფისთვის პროექტის სტრატეგიული მნიშვნელობის გათვალისწინებით, ხელმძღვანელობა დარწმუნებულია, რომ საქართველოს მთავრობა დათანხმდება კომპანიის შემოთავაზებასა და შეასრულებს გადახდილი და განახლებულ იმპლემენტაციის ხელშეკრულებას. (დეტალებისთვის, რომლებიც ეხება ვალდებულებებს და საქართველოს მთავრობისთვის, იმპლემენტაციის შეთანხმების ფარგლებში, გაცემულ ბანკის გარანტიას, გთხოვთ, იხილოთ შენიშვნები 15 და 16 (ე)).“

- კომპანიის უმრავლესობის აქციონერმა, K-water-მა დაადასტურა მისი განზრახვა, განაგრძოს კომპანიისთვის ფინანსური და სხვა სახის მხარდაჭერის გაწევა, რაც აუცილებელია, რათა კომპანიამ შეასრულოს პროექტი და ჰქონდეს საშუალება მოახდინოს მისი აქტივების რეალიზაცია და შეასრულოს მისი ვალდებულებები, საქმიანობის ჩვეულებრივი მიმდინარეობის პირობებში.

ზემოაღნიშნული გარემოებების საფუძველზე, ხელმძღვანელობას მიაჩნია, რომ მიზანშეწონილია ფინანსური ანგარიშგების მომზადება ფუნქციონირებადობის პრინციპის საფუძველზე. თუმცა, გამოვლენილი მოვლენები და გარემოებები მიანიშნებენ, რომ არსებობს არსებითი განუსაზღვრელობა, რომელმაც შესაძლოა მნიშვნელოვანი ექვის ქვეშ დააყენოს კომპანიის უნარი განაგრძოს საქმიანობა ფუნქციონირებადი საწარმოს პრინციპის მიხედვით და შესაბამისად, განაგრძოს თავისი აქტივების რეალიზაცია და ვალდებულებების შესრულება ბიზნესის ჩვეულებრივი მიმდინარეობის პროცესში. წინამდებარე ფინანსური ანგარიშგება არ მოიცავს არანაირ კორექტირებას, რომელიც „მომზადების საფუძვლის“ შეუსაბამობით იქნებოდა გამოწვეული.

3. სამუშაო და წარსადგენი ვალუტა

საქართველოს ეროვნული ვალუტაა ქართული ლარი, რომელიც, ამავდროულად, წარმოადგენს კომპანიის სამუშაო ვალუტას და ვალუტას, რომელშიც წარმოდგენილია წინამდებარე ფინანსური ანგარიშგება. ლარში წარმოდგენილი ყველა ფინანსური ინფორმაცია დამრგვალებულია უახლოეს ათასეულამდე, გარდა სხვაგვარად მითითებული შემთხვევებისა.

4. შეფასებებისა და მსჯელობების გამოყენება

ფასს სტანდარტების შესაბამისი ფინანსური ანგარიშგების მომზადება ხელმძღვანელობისგან მოითხოვს მსჯელობებს, შეფასებებსა და დაშვებებს, რომლებიც გავლენას ახდენენ სააღრიცხვო პოლიტიკების გამოყენებაზე და წარმოდგენილი აქტივების, ვალდებულებების, შემოსავლებისა და ხარჯების ოდენობებზე. ფაქტობრივი შედეგები შეიძლება განსხვავდებოდეს აღნიშნული შეფასებებისაგან.

შეფასებების და ძირითადი დაშვებების გადახედვა მუდმივად ხორციელდება. სააღრიცხვო შეფასებების გადახედვის შედეგები აღიარდება იმ პერიოდში, როდესაც მოხდა მათი გადახედვა და ასევე ნებისმიერ შემდგომ პერიოდში, რომელზედაც მათ ექნებათ გავლენა.

ინფორმაცია იმ სააღრიცხვო პოლიტიკების გამოყენებასთან დაკავშირებული კრიტიკული მსჯელობების შესახებ, რომლებსაც ყველაზე მნიშვნელოვანი გავლენა აქვთ ფინანსურ ანგარიშგებაში აღიარებულ თანხებზე, განსაზღვრულია შემდეგ შენიშვნებში:

- შენიშვნა 2(b) - ფუნქციონირებადი საწარმო: არსებობს თუ არა არსებითი განუსაზღვრელობა, რომელმაც შეიძლება მნიშვნელოვანი ექვის ქვეშ დააყენოს კომპანიის უნარი განაგრძოს ფუნქციონირება როგორც ფუნქციონირებადმა საწარმომ; და

ინფორმაცია იმ დაშვებებსა და შეფასებებთან დაკავშირებული განუსაზღვრელობების შესახებ, რომლებიც მომდევნო ფინანსური წლის განმავლობაში არსებითი ცვლილების გამოწვევის მნიშვნელოვან რისკს ატარებენ, მოცემულია შენიშვნა 16-ში - „პირობითი ვალდებულებები.“

(ა) სამართლიანი ღირებულების შეფასება

კომპანიის რამდენიმე სააღრიცხვო პოლიტიკა და განმარტებები მოითხოვს ფინანსური და არაფინანსური აქტივებისა და ვალდებულებების სამართლიანი ღირებულების განსაზღვრას.

სამართლიანი ღირებულებების შეფასებასთან დაკავშირებით, კომპანია მშობელი კომპანიის მიერ დადგენილ კონტროლის სტრუქტურას იყენებს.

აქტივის ან ვალდებულების სამართლიანი ღირებულების შეფასებისას, კომპანია შეძლებისდაგვარად იყენებს ბაზრის დაკვირვებად მონაცემებს. სამართლიანი ღირებულება, შეფასების ტექნიკაში გამოყენებულ მონაცემებზე დაყრდნობით, იყოფა სამართლიანი ღირებულების იერარქიის შემდეგ დონეებად:

- დონე 1: აქტიურ ბაზრებზე კოტირებული ფასები (დაუკორექტირებელი) იდენტური აქტივებისა ან ვალდებულებებისთვის.
- დონე 2: ამოსავალი მონაცემები აქტივისა ან ვალდებულებისთვის, გარდა კოტირებული ფასებისა, რომლებიც შეტანილია 1-ელ დონეში, და რომლებიც ემპირიულია პირდაპირ (მაგ. ფასები) ან არაპირდაპირ (მაგ. ფასებისგან წარმოებული).
- დონე 3: ამოსავალი მონაცემები აქტივისა ან ვალდებულებისთვის, რომლებიც არ ეფუძნება დაკვირვებად საბაზრო მონაცემებს (არაემპირიული ამოსავალი მონაცემები).

თუ აქტივის ან ვალდებულების სამართლიანი ღირებულების შესაფასებლად გამოყენებული ამოსავალი მონაცემების კატეგორიებად დაყოფა შესაძლებელია სამართლიანი ღირებულების იერარქიის სხვადასხვა დონის ფარგლებში, მთლიანად სამართლიანი ღირებულების შეფასება სამართლიანი ღირებულების იერარქიის იმავე დონეს მიეკუთვნება, რომელსაც მიეკუთვნება ყველაზე დაბალი დონის ამოსავალი მონაცემები, რაც მნიშვნელოვანია მთლიანი შეფასებისთვის.

სამართლიანი ღირებულების შეფასებისას გაკეთებული დაშვებების შესახებ დამატებითი ინფორმაცია წარმოდგენილია შენიშვნაში 14 - ფინანსური ინსტრუმენტები, სააღრიცხვო კლასიფიკაციები და სამართლიანი ღირებულებები.

5. პერსონალის ხარჯები

’000 ლარი	2024	2023
ხელფასები და გასამრჯელოები	2,804	3,190
პერსონალის სხვა ხარჯები	20	16
სულ პერსონალის ხარჯები	2,824	3,206

6. სხვა საოპერაციო ხარჯები

’000 ლარი	2024	2023
პროფესიული მომსახურება*	1,836	6,134
გასაყიდად ფლობილი აქტივების შენახვისა და დაზღვევის ხარჯები*	2,905	2,917
ავტომობილის მომსახურების ხარჯი	63	117
საიჯარო ხარჯები	160	155
წარმომადგენლობითი და სამივილინო ხარჯები	78	41
გადასახადები, მოგების გადასახადის გარდა **	1,585	1,616
ცვეთა და ამორტიზაცია**	16	26
გარემოსდაცვითი და სოციალური ხარჯები	8	4
წინასწარ გადახდების გაუფასურების ზარალი	689	-
სხვა	298	432
სხვა საოპერაციო ხარჯები	7,638	11,442

* პროფესიონალურ მომსახურებებში მნიშვნელოვანი შემცირება ძირითადად დაკავშირებულია სამართლებრივი მომსახურების ხარჯების შემცირებასთან, რაც დაკავშირებულია საქართველოს სამშენებლო კონსორციუმში LLC-თან არსებულ დავასთან, რადგან არბიტრაჟმა საბოლოო გადაწყვეტილება გამოიტანა 2023 წლის სექტემბერში (იხილეთ ასევე შენიშვნა 16(ბ)).

** 2023 წლის დეკემბრის მონაცემებით წინასწარი გადახდები მოიცავდა პროექტთან დაკავშირებული მომსახურებისთვის გაცემულ წინასწარ გადახდებს 689 ათასი ლარის ოდენობით, რომელიც უნდა გადარიცხულიყო ახალ EPC კონტრაქტორთან.

2024 წლის განმავლობაში მენეჯმენტმა შეაფასა წინასწარი გადახდების აღდგენის შესაძლებლობა IAS 36 - აქტივების გაუფასურების შესახებ სტანდარტის შესაბამისად, რომელიც მოითხოვს აქტივების გაუფასურებისთვის ტესტირებას, როდესაც გაუფასურების ნიშნები იკვეთება. მენეჯმენტმა დაადგინა, რომ წინასწარი გადახდების საბაზო ღირებულება აღემატებოდა მათი აღდგენის შესაძლებლობას, და 2024 წლის 31 დეკემბრისთვის აღიარეს აქტივის გაუფასურების ზარალი, 689 ათასი ლარის ოდენობით, შემდეგი გარემოებების გამო:

- 2024 წლის განმავლობაში კომპანიამ ვერ მიიღო ის სერვისები, რომელთათვისაც წინასწარ გადაიხდა თანხა.
- სხვადასხვა პოტენციურ კონტრაქტორთან მოლაპარაკებების მიუხედავად, კომპანიამ ვერ მოახერხა ახალი EPC კონტრაქტორისათვის, წლის მანძილზე, უსაფრთხოების უზრუნველყოფა (იხილეთ შენიშვნა 2(ბ)).
- ამ კონკრეტულ წინასწარ გადახდებზე დაყრდნობით არ არსებობს მომავალი ეკონომიკური სარგებლის მოლოდინი.

7. ძირითადი საშუალებები და გრძელვადიანი აქტივებისთვის გადახდილი ავანსები

'000 ლარი	მიწა	დაუმთავრებელი შენებლობა (CIP) *	სამშენებლო აღჭურვილობა	საოფისე აღჭურვილობა	ბანაკები	სატრანსპორტო საშუალებები	სულ	გრძელვადიანი აქტივებისთვის გადახდილი ავანსები
თვითღირებულება:								
ნაშთი 2023 წლის 1 იანვარს	4,570	338,134	532	474	7,274	101	351,085	1,590
შესყიდვები	-	-	-	7	-	-	7	-
ნაშთი 2023 წლის 31 დეკემბერს	4,570	338,134	532	481	7,274	101	351,092	1,590
ნაშთი 2024 წლის 1 იანვარს	4,570	338,134	532	481	7,274	101	351,092	1,590
გასაყიდად გამიზნული გრძელვადიანი აქტივების რეკლასიფიკაცია ძირითად საშუალებებში	-	-	4,086	-	-	-	4,086	-
ჩამოწერა	-	-	-	(11)	-	(95)	(106)	-
ნაშთი 2024 წლის 31 დეკემბერს	4,570	338,134	4,618	470	7,274	6	355,072	1,590
ცვეთა და გაუფასურების ზარალი								
ნაშთი 2023 წლის 1 იანვარს	4,570	338,134	532	429	7,274	101	351,040	1,590
წლის ცვეთა	-	-	-	26	-	-	26	-
ნაშთი 2023 წლის 31 დეკემბერს	4,570	338,134	532	455	7,274	101	351,066	1,590
ნაშთი 2024 წლის 1 იანვარს	4,570	338,134	532	455	7,274	101	351,066	1,590
ცვეთა	-	-	-	16	-	-	16	-
გაუფასურების ზარალი	-	-	4,086	-	-	-	4,086	-
ჩამოწერა	-	-	-	(11)	-	(95)	(106)	-
ნაშთი 2024 წლის 31 დეკემბერს	4,570	338,134	4,618	460	7,274	6	355,062	1,590
წმინდა საბალანსო ღირებულება:								
2023 წლის 31 დეკემბერს	-	-	-	26	-	-	26	-
2024 წლის 31 დეკემბერს	-	-	-	10	-	-	10	-

*სამშენებლო ტექნიკა - 2024 წლის მანძილზე მძიმე ტექნიკა, რომლის ფასიც შეადგენდა 4,086 ათას ლარს, გადაკლასიფიცირდა გრძელვადიანი აქტივებიდან ძირითად საშუალებებად, რომლებიც „სამშენებლო ტექნიკის“ კატეგორიაში შედის (იხილეთ შენიშვნა 10). რადგანაც კომპანიამ აღიარა ძირითადი საშუალებების გაუფასურება, რომლის გამოც ჩატარდა აღდგენის ტესტი 2022 წლის 31 დეკემბრის მდგომარეობით, მომდევნო წლებში გაუფასურების დაბრუნების რაიმე ნიშნის გამოვლენის გარეშე, იგივე შეფასება გავრცელდა იმ მძიმე ტექნიკაზე, რომელიც გადაკლასიფიცირდა გრძელვადიანი აქტივებიდან (იხილეთ შენიშვნა 7(ა)). შედეგად, 2024 წლის განმავლობაში, აღიარებული იქნა გაუფასურების ზარალი, რომელიც შესაბამისობაშია მძიმე ტექნიკის საბაზო ღირებულებას, 4,086 ათასი ლარის ოდენობით, მოგებისა და ზარალის ანგარიშში და სხვა ყოვლისმომცველი შემოსავლის ანგარიშში.

(ა) ფულადი სახსრების წარმომქმნელი ერთეულის გაუფასურება - პროექტთან დაკავშირებული გრძელვადიანი აქტივები

ყოველი საანგარიშგებო თარიღისთვის, კომპანია აფასებს, არსებობს თუ არა რაიმე ნიშანი იმისა, რომ კომპანიის არაფინანსური აქტივების ანაზღაურებადი ღირებულება საბალანსო ღირებულებაზე დაბალია, ან ადრე აღიარებული გაუფასურების ზარალი აღდგენას ექვემდებარება. გაუფასურებაზე ტესტირების მიზნებისთვის, კომპანია მის ყველა გრძელვადიან, არაფინანსურ აქტივს (კერძოდ, ძირითადი საშუალებები, წინასწარ გადახდილი ფინანსური ხარჯები, გრძელვადიანი აქტივებისთვის გადახდილი ავანსები, არამატერიალური აქტივები და აქტივები გამოყენების უფლებით) ერთ ფულადი სახსრების წარმომქმნელ ერთეულზე ანაწილებს.

2022 წლის 12 დეკემბერს, საქართველოს მთავრობამ ოფიციალურად მოსთხოვა კომპანიას დაახლოებით 13%-ით შემცირებინა ელექტროენერგიის ტარიფი იმ ტარიფთან შედარებით, რომელიც იყო ყველაზე დიდი და რომელიც კომპანიამ გაითვალისწინა საბაზისო მოვლენათა განვითარებისთვის (2015 წლის 31 დეკემბერს დადებულ იმპლემენტაციის ხელშეკრულებაში (შესწორებული და გადახდილი 2017 წელს) განსაზღვრულის შესაბამისად). ელექტროენერგიის ტარიფის შემცირებამ არსებითი უარყოფითი გავლენა იქონია პროექტის მომგებიანობაზე და ხელმძღვანელობამ დაასკვნა, რომ ეს უკანასკნელი გაუფასურების ინდიკატორს წარმოადგენდა. 2022 წლის 31 დეკემბრისთვის, კომპანიამ გაუფასურებაზე ტესტირება ჩაატარა. ფულადი სახსრების წარმომქმნელი ერთეულის ანაზღაურებადი ღირებულება დაფუძნებული იყო მის გამოყენების ღირებულებაზე, რაც შეადგენდა უარყოფით 60,845 ათას ლარს (22,500 ათასი აშშ დოლარის ეკვივალენტური), რომელიც განისაზღვრა დამოუკიდებელი შემფასებლის მიერ ჰესის მიერ გენერირებული მომავალი ფულადი ნაკადების დისკონტირებით. 384,515 ათასი ლარის ოდენობით ფულადი სახსრების წარმომქმნელი ერთეულის საბალანსო ღირებულება მის ანაზღაურებად ღირებულებაზე (ნულის ტოლი) დიდი ოდენობით განისაზღვრა და 384,515 ათასი ლარის ოდენობით შესაბამისი გაუფასურების ზარალი აღიარდა როგორც „გაუფასურება“ მოგების ან ზარალის და სხვა სრული შემოსავლის ანგარიშგებაში. სამართლიან ღირებულებას გამოკლებული ფულადი სახსრების წარმომქმნელი ერთეულის გაყიდვის ხარჯები დაახლოებით ნულის ტოლი ოდენობით განისაზღვრა, იმ ფაქტის გათვალისწინებით, რომ 2022 წლის 31 დეკემბრის მდგომარეობით, არ იყო მოსალოდნელი, რომ არსებული აქტივები (რაც ძირითადად პროექტზე მიკუთვნებად დაუმთავრებელ მშენებლობაზე კაპიტალიზებულ ხარჯებს წარმოადგენს), ცალ-ცალკე ან სხვა გრძელვადიან აქტივებთან ერთად, შექმნიდა მომავალ ეკონომიკურ სარგებელს.

	საბალანსო ღირებულებები 2022 წლის 31 დეკემბერს, უშუალოდ, გაუფასურებამდე
’000 ლარი	
ძირითადი საშუალებები	344,200
გრძელვადიანი აქტივებისთვის გადახდილი ავანსები	1,590
წინასწარ გადახდილი ფინანსური ხარჯი	37,715
არამატერიალური აქტივები	204
აქტივები გამოყენების უფლებით	806
ფულადი სახსრების წარმომქმნელი ერთეულის საბალანსო ღირებულება	384,515

2022 წლის 31 დეკემბრისთვის, ანაზღაურებადი ღირებულების შეფასებაში გამოყენებულია შემდეგი ძირითადი დაშვებები:

- ხდება გადასახადების შემდგომი ფულადი ნაკადების პროგნოზირება 54-წლიანი საპროგნოზო პერიოდისთვის და კეთდება დაშვება, რომ ჰესი თავის საქმიანობას 2028 წლის ივლისში დაიწყებს.
- ელექტროენერგიის წარმოების პროგნოზები დაფუძნებული იყო კომპანიის ტექნიკური მრჩეველის მიერ მომზადებულ ტექნიკურ ანგარიშებზე, რომლებშიც მითითებული იყო ჯამური თვიური წარმოება და ჯამური თვიური ზარალები;
- პროგნოზირებული საწყისი ელექტროენერგიის ტარიფი ტოლი იყო ელექტროენერგიის ახალი ტარიფისა, რომელზეც მოლაპარაკებები წარმოებდა საქართველოს მთავრობასთან 2022 წლის 31 დეკემბრისთვის (და რომელიც მოგვიანებით, 2023 წლის მაისში, ფორმალურად იქნა შეთანხმებული „დამატებითი ხელშეკრულების“ საშუალებით). გაუფასურების მოდელი ვარაუდობს წლიური ზრდის 3%-იან განაკვეთს, პირველი სრული გენერირების პერიოდიდან 15 წლის განმავლობაში;
- გადასახადების შემდეგ დისკონტირების 8.88%-იანი განაკვეთი გამოიყენება ფულადი სახსრების წარმომქმნელი ერთეულის ანაზღაურებადი ღირებულების დასადგენად. დისკონტირების განაკვეთი ასახავს ფულადი ნაკადების მოთხოვნილ ამონაგების განაკვეთს მსგავს მრეწველობაში მოღვაწე კომპანიების ინვესტირებულ კაპიტალზე და აშშ დოლარშია დენომინირებული.
- კაპიტალური დანახარჯები წარმოადგენს დამატებით კაპიტალურ დანახარჯებს 2023-2028 წლებში, ხოლო ტექნიკური მომსახურების კაპიტალური დანახარჯები ხარჯად აღიარდება მთლიანი საპროგნოზო პერიოდის განმავლობაში და ძირითადი კაპიტალური დანახარჯები კაპიტალიზირდება 2053 წელს. გარდა ამისა, დამატებითი ძირითადი კაპიტალური დანახარჯები ტერმინალურ პერიოდში მიჩნეულია, როგორც ტერმინალური ღირებულების კორექტირება; და
- ტერმინალური ზრდის განაკვეთი 2%-ით შეფასდა.

ძირითადი დაშვებები, რომელთა მიმართაც გაუფასურების ანალიზი არის ყველაზე მგრძნობიარე, არის:

- დისკონტირების განაკვეთი - დისკონტირების განაკვეთის 1.2%-იანი შემცირება, ანაზღაურებადი ღირებულების ფულადი სახსრების წარმომქმნელი ერთეულის საბალანსო ღირებულებასთან გათანაბრებას გამოიწვევდა. ანალიზი გაკეთდა იმ დაშვების საფუძველზე, რომ ყველა სხვა ცვლადი, უცვლელი დარჩება.
- ტარიფი - გადახდილი ელექტროენერგიის ტარიფის 22%-იანი ზრდა, ანაზღაურებადი ღირებულების ფულადი სახსრების წარმომქმნელი ერთეულის საბალანსო ღირებულებასთან გათანაბრებას გამოიწვევდა. ანალიზი გაკეთდა იმ დაშვების საფუძველზე, რომ ყველა სხვა ცვლადი, უცვლელი დარჩება.

2024 წლის 31 დეკემბრისთვის, ხელმძღვანელობამ გაანალიზა გაუფასურების აღდგენის მაჩვენებლები (გარე და შიდა) ბასს 36 „აქტივების გაუფასურების“ მიხედვით და დაასკვნა, რომ არ არსებობს ადრე აღიარებული გაუფასურების აღდგენის ნიშნები.

8. სხვა მოთხოვნები

’000 ლარი

სხვა მოთხოვნები

გაუფასურების რეზერვი სხვა მოთხოვნებზე

	2024	2023
	21,545	23,534
	(19,300)	(21,417)
	2,245	2,117

2024 წლის 31 დეკემბრისთვის, სხვა მოთხოვნების ნაშთი მოიცავს 2,245 ათასი ლარის ოდენობით, „Salini Impregili S.p.A“-ს მიმართ არსებულ მოთხოვნებს, გვირაბების საბურღი მანქანების შეძენისთვის (31 დეკემბერი 2023: 2,117 ათასი ლარი).

2021 წლის განმავლობაში, ხელმძღვანელობამ დაასკვნა, რომ სალინის მიმართ არსებული მოთხოვნა იყო გაუფასურებული საკრედიტო რისკით და 2,117 ათასი ლარის ოდენობით შესაბამისი მოსალოდნელი საკრედიტო ზარალი აღიარა. 2024 წლის 25 ნოემბერს Salini Impregilo S.p.A.-მ და კომპანიამ გაფორმეს შერიგების აქტი, რომლის მიხედვითაც მხარეები შეთანხმდნენ, რომ Salini გადაუხდიდა Nenskra Hydro-ს ერთიან თანხას, 800 ათასი აშშ დოლარის ოდენობით (რომელიც 2024 წლის 31 დეკემბრისთვის შეესაბამება 2,245 ათას ლარს), რათა კომპენსაცია მიეცა საკამათო თანხის შესახებ, რომელიც დაკავშირებულია TBM-ების შეძენასთან (იხილეთ შენიშვნა 21). კომპანიის დამოკიდებულება ფინანსურ რისკზე ფინანსური აქტივებისა და ვალდებულებებისთვის განხილულია 14(ბ) შენიშვნაში.

2020 წლის განმავლობაში, „ქართული სამშენებლო კონსორციუმისთვის“ გადახდილი ავანსები 22,054 ათასი ლარის ოდენობით, „გრძელვადიანი აქტივებისთვის გადახდილი ავანსებიდან“ „სხვა მოთხოვნებში“ რეკლასიფიცირდა. ზემოაღნიშნული წინასწარი გადახდა ქართულ სამშენებლო კონსორციუმთან გაფორმებულ „გადაუდებელი სამუშაოები და დამხმარე სამუშაოების“ ხელშეკრულებებზე გადანაწილდა. თუმცა, კონტრაქტთან მიმდინარე სამართალწარმოების გათვალისწინებით (იხ. შენიშვნა 16(ბ)), ხელმძღვანელობა არ მოელოდა წინასწარი გადახდის ანაზღაურებას სამშენებლო მომსახურების მიღების გზით. 22,054 ათასი ლარის ოდენობით მოთხოვნა ქართული სამშენებლო კონსორციუმის მიმართ იქნა ურთიერთგადაფარული კონტრაქტის მიმართ არსებულ 2,754 ათასი ლარის ოდენობით ვალდებულებასთან.

2024 და 2023 წლების 31 დეკემბრისთვის, ხელმძღვანელობამ დაასკვნა, რომ „ქართული სამშენებლო კონსორციუმის“ მიმართ არსებული მოთხოვნა იყო გაუფასურებული საკრედიტო რისკით და აღიარა შესაბამისი მოსალოდნელი საკრედიტო ზარალი წმინდა დაქვემდებარების მთლიან საბალანსო ღირებულებაზე - 19,300 ათას ლარზე. კომპანიის დამოკიდებულება ფინანსურ რისკზე ფინანსური აქტივებისა და ვალდებულებებისთვის განხილულია 14(ბ) შენიშვნაში.

9. ფულადი სახსრები და მათი ეკვივალენტები

'000 ლარი	2024	2023
საბანკო ნაშთები	4,473	2,864
ფულადი სახსრები და მათი ეკვივალენტები ფინანსური მდგომარეობის ანგარიშგებასა და ფულადი ნაკადების ანგარიშგებაში	4,473	2,864

კომპანიის დამოკიდებულება ფინანსურ რისკზე ფინანსური აქტივებისა და ვალდებულებებისთვის განხილულია მე-14 შენიშვნაში.

10. გასაყიდად გამიზნული გრძელვადიანი აქტივები

'000 ლარი	2024	2023
ნაშთი წლის დასაწყისში	44,958	44,958
ჩამოწერები ძლის მანძილზე	(950)	-
ძირითად საშუალებებში გადატანა	(4,086)	-
გასაყიდად გამიზნული გრძელვადიანი აქტივების გაუფასურება	(36,471)	-
ნაშთი წლის ბოლოს	3,451	44,958

3,451 ათასი ლარის (2023: 44,958 ათასი) ოდენობით გასაყიდად ფლობილის კატეგორიაში კლასიფიცირებული გრძელვადიანი აქტივები მოიცავს გვირაბების საბურღი მანქანებს, სამშენებლო ბანაკებს, მსუბუქ სატრანსპორტო საშუალებებს და მიმღე ტექნიკას, რომლებიც გადაცემულ იქნა კომპანიისთვის EPC კონტრაქტორის („Salini Impregili S.p.A“) მიერ, TSD-ს ფარგლებში, 2018 და 2019 წლებში. ხელმძღვანელობამ ზემოაღნიშნული აქტივების ახალი EPC კონტრაქტორისათვის გადაცემა განიზრახა. თავდაპირველად, აქტივების გადაცემა მოსალოდნელი იყო 2020 წლის განმავლობაში, მაგრამ „შერჩეულ პრეტენდენტთან“ მოლაპარაკებების შეწყვეტის შედეგად (იხ. ასევე შენიშვნა 2 (ბ)), გასაყიდად ფლობილი აქტივების გაყიდვა

არ მოხდა 2020 წელს. გაყიდვები კიდევ უფრო შეაფერხა იმ ფაქტმა, რომ „გვირაბის საბურღი მანქანების“ გამოყენება შეზღუდული იყო თბილისის საქალაქო სასამართლოს მიერ გაცემული ბრძანების მიხედვით (იხ. ასევე შენიშვნა 16(b)).

2023 წლის აპრილში გამოცხადებული ტენდერის შედეგად, კომპანიამ შეარჩია ახალი „შერჩეული პრეტენდენტი“. თუმცა, 2023 წლის ნოემბერში კომპანიამ შეატყობინა შერჩეულ პრეტენდენტს, რომ ტენდერი გაუქმდა (იხ. შენიშვნა 2(b)).

აღნიშნული გაურკვევლობების გათვალისწინებით, 2023 წლის 31 დეკემბრისთვის, ხელმძღვანელობამ შეაფასა იყო თუ არა გასაყიდად ფლობილის კატეგორიაში კლასიფიცირებული აქტივების საბალანსო ღირებულება მათ სამართლიან ღირებულებაზე (გამოკლებული გაყიდვის ხარჯები) მაღალი და ექვემდებარებოდა თუ არა აღნიშნული აქტივები გაუფასურებას. შეფასების შედეგად, 2023 წლის 31 დეკემბრისთვის გაუფასურების ზარალი არ იყო აღიარებული შემდეგი გარემოებების გამო:

- იმ დროისათვის „შერჩეულმა პრეტენდენტმა“ დაადასტურა ტენდერის მოქმედების ვადის 2024 წლის 29 იანვრამდე გახანგრძლივება, რაც მოიცავდა გადაცემული ობიექტების ფასის უზრუნველყოფას, რომელიც არ უნდა ყოფილიყო გასაყიდად ფლობილის კატეგორიაში კლასიფიცირებული გრძელვადიანი აქტივების საბალანსო ღირებულებაზე დაბალი.
- მიუხედავად იმისა, რომ 2023 წლის აპრილში გამოცხადებული ტენდერის შედეგები გაუქმდა, ტენდერის ბათილად ცნობის გადაწყვეტილება თავად კომპანიამ მიიღო, რადგან ხელმძღვანელობა დარწმუნებული იყო, რომ უკეთეს შეთავაზებას მიიღებდა. ის ფაქტი, რომ პრეტენდენტი გასაყიდად ფლობილის კატეგორიაში კლასიფიცირებული გრძელვადიანი აქტივების მათ საბაზო ღირებულებაზე არანაკლები ღირებულებით შეძენას დათანხმდა, მიანიშნებს იმაზე, რომ აქტივები შეფასებულია გონივრული ღირებულებით, რომელიც სრულად იქნა მიღებული EPC პრეტენდენტების მიერ.
- კომპანია მოდგაწეობს იმ ინდუსტრიაში, რომელშიც აქტივების შეძენა და მათი პრეტენდენტებისთვის გადაცემა ზოგადად მიღებულ პრაქტიკას წარმოადგენს, რითაც მცირდება აღჭურვილობის ცუდად შერჩევის რისკი, რომელმაც შეიძლება გავლენა იქონიოს მშენებლობის ხარისხზე მომავალში და ამ ინდუსტრიაში EPC პრეტენდენტებისთვის ჩვეულებრივ ბიზნეს პრაქტიკას წარმოადგენს მსგავსი აქტივების შესყიდვის ფასის მიღება, რასაც კომპანიის მიერ გამოცხადებული EPC ტენდერში მონაწილეობა ადასტურებს (იხ. შენიშვნა 2(b)).

2024 წელს კომპანიამ გადაწყვიტა, რომ გასაყიდად განკუთვნილი აქტივები ჩამოეწერა, ნაცვლად იმისა, რომ გადაეცა ახალი EPC კონტრაქტორისათვის, შემდეგი მიზეზით: მწარმოებლის, გერმანული კომპანია Herrenknecht AG-ის თქმით, TBM-ები ოპერაციული მუშაობისათვის საჭიროებს ყველა ნაწილის სრულ განახლებას. ისინი უნდა გაიგზავნოს გერმანიაში რემონტისთვის. სრული რემონტის შემდეგ კი, გარანტიის პერიდი არ გადააჭარბებს 6 თვეს, რაც შეუსაბამოა გრძელ მანძილზე გვირაბების ასაშენებლად. შესაბამისად, კომპანიამ მიიჩნია, რომ TBM-ები აღარაა მშენებლობისათვის შესაფერისი.

ამ ყველაფრის გათვალისწინებით, კომპანიამ გადაწყვიტა TBM-ების გაყიდვა და 2024 წლის ნოემბერში ტენდერი გამოაცხადა. 2025 წლის დასაწყისში გაყიდვა დასრულდა (იხილეთ შენიშვნა 21).

2024 წლის 31 დეკემბრისთვის, TBM-ების ნარჩენი ღირებულება აღემატებოდა გასაყიდ ფასს და კომპანიამ შესაბამისი გაუფასურების ზარალი აღიარა.

გასაყიდად კლასიფიცირებული აქტივების ჩამოწერასთან დაკავშირებული გადაწყვეტილების შედეგად, კომპანიამ გაყიდა ყველა მსუბუქი ავტომობილი, გარდა ერთისა. მსუბუქი ავტომობილები, 950 ათასი ლარის ოდენობის ნარჩენი ღირებულებით, გაიყიდა 216 ათას ლარად, რამაც გამოიწვია 734 ათასი ლარის ოდენობის ზარალი.

რადგანაც, 2024 წლის 31 დეკემბრის მდგომარეობით, არსებობდა გაუფასურების ნიშნები, მენეჯმენტმა შეაფასა, განიცდიდნენ თუ არა სამშენებლო ბანაკები გაუფასურებას. სამშენებლო ბანაკების საბაზრო ღირებულება, შემცირებული გაყიდვის ხარჯებით, შეფასდა დამოუკიდებელი შემფასებლის მიერ და მათი გაყიდვა მოსალოდნელია 2025 წლის განმავლობაში (იხილეთ შენიშვნა 21). ვინაიდან სამშენებლო ბანაკების ნარჩენი ღირებულება აღემატებოდა მათ საბაზრო ღირებულებას, შემცირებული გაყიდვის ხარჯებით, აღიარეს გაუფასურების ზარალი.

2024 წლის განმავლობაში, გასაყიდად კლასიფიცირებულ გრძელვადიან აქტივებზე გაუფასურების ზარალი, ჯამში 36,471 ათასი ლარის ოდენობით, აღიარებული იყო მოგების ან ზარალის და სხვა ყოვლისმომცველი შემოსავლის განცხადებაში.

მენეჯმენტმა გადაწყვიტა, რომ “ნენსკრას” ჰიდროელექტროსადგურის მშენებლობაში მძიმე აღჭურვილობა გამოეყენებინა. ამ გადაწყვეტილების გათვალისწინებით, მენეჯმენტმა დაასკვნა, რომ 2024 წლის 31 დეკემბრის მდგომარეობით, მძიმე აღჭურვილობა აღარ აკმაყოფილებდა გრძელვადიანი აქტივების კატეგორიის კრიტერიუმებს, რომლებიც გაყიდვისთვის არის განკუთვნილი და, მის ნაცვლად, უნდა კლასიფიცირებულიყო ძირითად საშუალებებად. შესაბამისად, 2024 წლის განმავლობაში, გასაყიდად კლასიფიცირებული გრძელვადიანი აქტივები, ჯამურად 4,086 ათასი ლარის ოდენობით, გადაკლასიფიცირდა ძირითად საშუალებებზე, „სამშენებლო ტექნიკის“ კატეგორიის ქვეშ (იხილეთ შენიშვნა 7).

11. წინასწარ გადახდილი გადასახადები
’000 ლარი

	2024	2023
დამატებული ღირებულების გადასახადი	23,975	23,349
სხვა საგადასახადო ვალდებულებები	(18,654)	(19,187)
წინასწარ გადახდილი გადასახადები	5,321	4,162

(ა) წინა პერიოდის ქონების გადასახადის ხარჯების დაბრუნება

2024 წლის იანვარში კომპანიამ მიმართა საქართველოს საგადასახადო უწყებას წინასწარი გადასახადის გადაწყვეტილების მისაღებად, რათა შეეთანხმებინა გასაყიდად კლასიფიცირებული გრძელვადიანი აქტივებისა და ძირითადი საშუალებების ქონების გადასახადის კალკულაციის მეთოდი (რომელიც სრულად იყო გაუფასურებული 2022 წლის 31 დეკემბრის მდგომარეობით, იხილეთ შენიშვნა 7).

2024 წლის 31 ივლისს საქართველოს საგადასახადო უწყებამ გამოსცა წინასწარი გადასახადის გადაწყვეტილება, რომელიც ადასტურებდა კომპანიის მიერ შემოთავაზებულ მეთოდს, რომელშიც ნათქვამი იყო შემდეგი:

- ქონების გადასახადის მიზნით, კომპანიას აქვს უფლება, დაიანგარიშოს საგადასახადო ქონებაზე წლიური საშუალო ნეტო ბალანსური ღირებულება, აღნიშნული აქტივების გაუფასურების გათვალისწინებით;
- ქონების გადასახადი არ ვრცელდება გასაყიდად კლასიფიცირებულ აქტივებზე.

საქართველოს საგადასახადო უწყების გადაწყვეტილების საფუძველზე, კომპანიამ შეცვალა 2022 და 2023 წლის ქონების გადასახადის დეკლარაციები, რამაც გამოიწვია ქონების გადასახადის 2,135 ათასი ლარით შემცირება.

12. კაპიტალი და რეზერვები

(ა) სააქციო კაპიტალი

აქციების რაოდენობა, ათას ლარში
(სხვაგვარად მითითებამდე)

	2024	2023
გამოშვებული 1 იანვარს	211,542	211,542
გამოშვებული 31 დეკემბრის, სრულად გადახდილი	211,542	211,542
ავტორიზებული აქციები - ნომინალური ღირებულება	1 აშშ დოლარი	1 აშშ დოლარი

ყველა ჩვეულებრივი აქცია ფასდება თანაბრად კომპანიის ნარჩენ აქტივებთან მიმართებაში.

კომპანიის წესდების მიხედვით, კომპანიის მთლიანი ავტორიზებული სააქციო კაპიტალი შეადგენს 330,000 ათას აქციას, ნომინალური ღირებულებით 1 აშშ დოლარი აქციაზე. 2024 წლის 31 დეკემბრისთვის, გამოშვებულ იქნა 211,542 ათასი აქცია (2023 წლის 31 დეკემბერი: 211,542). 2024 და 2023 წლების 31 დეკემბრისთვის, ყველა გამოშვებული ჩვეულებრივი აქცია სრულად იქნა გადახდილი. ჩვეულებრივი აქციების მფლობელები უფლებამოსილი არიან მიიღონ დროდადრო გამოცხადებული დივიდენდები და აქვთ კომპანიის აქციონერთა საერთო კრებებზე ერთ აქციაზე ერთი ხმის უფლება.

2024 წელს K-water-მა 3,762 ათასი ამერიკული დოლარის ოდენობის ჩვეულებრივი აქციების სანაცვლოდ, კომპანიის კაპიტალში შეიტანა თანხა, 3,762 ათასი აშშ დოლარის ოდენობით (რაც შეადგენს 10,142 ათას ლარს). 2024 წლის 31 დეკემბრის მდგომარეობით, აღნიშნული აქციები არ იყო დარეგისტრირებული და შესაბამისი თანხა, 10,142 ათასი ლარის ოდენობით, აღიარებული იყო წინასწარ გადახდილი სააქციო კაპიტალის სახით, 19,498 ათას ლართან ერთად, მთლიანობაში 29,640 ათასი ლარი. კომპანიის წინასწარ გადახდილი სააქციო კაპიტალი ჯერ კიდევ არ არის დარეგისტრირებული მხოლოდ ტექნიკური და ადმინისტრაციული მიზეზების გამო. მენეჯმენტი ვარაუდობს, რომ პროცესი 2025 წლის ბოლოსთვის დასრულდება.

2023 წელს, K-water-მა განახორციელა 5,792 ათასი აშშ დოლარის ოდენობით ფულადი სახსრების შენატანი (15,094 ათასი ლარის ეკვივალენტური) კომპანიის კაპიტალში, 5,792 ათასი ჩვეულებრივი აქციის სანაცვლოდ. 2023 წლის 31 დეკემბრისთვის, კომპანიას არ ჰქონდა დარეგისტრირებული აღნიშნული აქციები და დაკავშირებული 15,094 ათასი ლარის ოდენობით ფულადი სახსრების მიღება იქნა აღიარებული როგორც წინასწარ გადახდილი სააქციო კაპიტალი, კაპიტალის ფარგლებში, 4,404 ლარის ოდენობის წინასწარ გადახდილი სააქციო კაპიტალთან ერთად (2022 წლის 31 დეკემბრის მონაცემებით), ჯამში, 19,498 ათასი ლარი.

(ბ) დივიდენდები

2022 წლის 1 იანვრიდან, შუალედური ან წლიური ფინანსური შედეგების გათვალისწინებით, სააქციო საზოგადოებას აქვს უფლება, კანონით დადგენილი წესით, მიიღოს გადაწყვეტილება მოგების განთავსებულ აქციებზე დივიდენდების სახით განაწილების შესახებ, გარდა შემდეგი შემთხვევებისა:

- i. დივიდენდების განაწილებამდე ან მათი განაწილების შემდეგ, სააქციო საზოგადოების უკანასკნელ ფინანსურ ანგარიშგებაში წარმოდგენილი წმინდა აქტივები, იმ გამოწერილ კაპიტალზე (დამატებული კანონით ან წესდებით განსაზღვრული რეზერვები) ნაკლებია, რომელიც არ შეიძლება განაწილდეს აქციონერებზე.
- ii. გასანაწილებელი დივიდენდების ოდენობა აჭარბებს სააქციო საზოგადოების უკანასკნელ ფინანსურ ანგარიშგებაში წარმოდგენილ წმინდა მოგების ოდენობას, ან შუალედური დივიდენდების შემთხვევაში, მოგებას, რომელიც მიღებულია უკანასკნელი ფინანსური ანგარიშგების შედგენის შემდეგ, დამატებული ნებისმიერი გადმოტანილი მოგება და თავისუფალი რეზერვებიდან მიღებული ოდენობები, გამოკლებული ნებისმიერი გადმოტანილი ზარალი და რეზერვებში განთავსებული ოდენობები, კანონისა ან წესდების შესაბამისად.
- iii. დივიდენდების განაწილების თარიღისთვის ან დივიდენდების განაწილების შედეგად, სააქციო საზოგადოება გახდება გადახდისუუნარო ან გადახდისუუნარობის რისკის წინაშე დადგება.

2024 და 2023 წლებში დივიდენდები არ ყოფილა გამოცხადებული ან გადახდილი.

13. კაპიტალის მართვა

მშობელი კომპანია ნერგავს კომპანიის კაპიტალის მართვის პოლიტიკას და მისი მიზანია უზრუნველყოს კაპიტალის ძლიერი ბაზა, რათა შეინარჩუნოს ინვესტორის, კრედიტორის და ბაზრის მონაწილეთა ნდობა და შეინარჩუნოს პროექტის მომავალი განვითარება. კომპანია არ წარმოადგენს გარედან დაკისრებული, კაპიტალის მოთხოვნების საგანს.

14. სამართლიანი ღირებულებები და რისკის მართვა

(ა) ფინანსური აქტივებისა და ვალდებულებების სამართლიანი ღირებულებები

სამართლიანი ღირებულების შეფასების მიზანია შეფასების თარიღისთვის ბაზრის მონაწილეებს შორის დადებულ სტანდარტულ ოპერაციაში აქტივის გაყიდვიდან მიღებული ან ვალდებულების გადაცემისთვის გადახდილი ფასის მიახლოება. თუმცა განუსაზღვრელობის გათვალისწინებით და სუბიექტური მსჯელობის გამოყენებით, სამართლიანი ღირებულება არ უნდა იქნას ინტერპრეტირებული როგორც რეალიზებადი აქტივების დაუყოვნებლივ გაყიდვაში ან ვალდებულებების გადაცემაში.

კომპანიამ განსაზღვრა ფინანსური აქტივებისა და ვალდებულებების სამართლიანი ღირებულება შეფასების ტექნიკების გამოყენებით. შეფასების ტექნიკის მიზანს წარმოადგენს სამართლიანი ღირებულების განსაზღვრა, რომელიც ასახავს იმ ფასს, რომელიც მიიღებოდა აქტივის გაყიდვიდან ან გადახდებოდა ვალდებულების გადაცემისთვის შეფასების თარიღისთვის ბაზრის მონაწილეებს შორის დადებულ სტანდარტულ ოპერაციაში. გამოყენებული შეფასების ტექნიკა წარმოადგენს დისკონტირებული ფულადი ნაკადების მოდელს. ყველა ფინანსური აქტივისა და ვალდებულების სამართლიანი ღირებულება ანგარიშდება მომავალი ძირითადი თანხისა და საპროცენტო ფულადი ნაკადების მიმდინარე ღირებულების საფუძველზე, რომელიც დისკონტირდება საანგარიშგებო თარიღისთვის არსებული საბაზრო საპროცენტო განაკვეთით.

ხელმძღვანელობას სჯერა, რომ კომპანიის ფინანსური აქტივებისა და ვალდებულებების სამართლიანი ღირებულება მათ საბალანსო ღირებულებას არის მიახლოებული.

(ბ) ფინანსური რისკის მართვა

ფინანსური ინსტრუმენტების გამოყენების შედეგად კომპანია შემდეგი რისკების წინაშე დგას:

- საკრედიტო რისკი – შენიშვნა 14 (b) (ii);
- ლიკვიდურობის რისკი - შენიშვნა 14 (b)(iii);
- საბაზრო რისკი - შენიშვნა 14 (b)(iv).

(i) რისკის მართვის სტრუქტურა

აღმასრულებელ დირექტორს აქვს მთლიანი პასუხისმგებლობა კომპანიის რისკების მართვის სტრუქტურის დადგენასა და მიმოხილვაზე.

კომპანიის რისკების მართვის პოლიტიკები განისაზღვრება მის წინაშე არსებული რისკების იდენტიფიცირებისა და ანალიზისთვის, შესაბამისი რისკების საზღვრებისა და საკონტროლო მექანიზმების განსაზღვრისთვის და რისკებისა და საზღვრების დაცვის მონიტორინგისთვის. რისკების მართვის პოლიტიკები და სისტემები რეგულარულად გადაიხედება ბაზრის პირობებისა და კომპანიის საქმიანობაში ცვლილებების ასახვის მიზნით. სასწავლო და მართვის სტანდარტების და პროცედურების გამოყენებით კომპანიის მიზანს წარმოადგენს დისციპლინირებული და კონსტრუქციული კონტროლის გარემოს შექმნა, რომელშიც ყველა თანამშრომელს გააზრებული ექნება თავისი ფუნქცია და ვალდებულება.

კომპანიის სამეთვალყურეო საბჭო ზედამხედველობას უწევს კომპანიის რისკების მართვის პოლიტიკებსა და პროცედურებთან შესაბამისობას და ამოწმებს რისკების მართვის სისტემის ადეკვატურობას კომპანიის წინაშე მდგარ რისკებთან მიმართებაში.

(ii) საკრედიტო რისკი

საკრედიტო რისკი წარმოადგენს კომპანიის ფინანსური ზარალის რისკს, თუ მომხმარებელი ან ფინანსური ინსტრუმენტის კონტრაქტის ვერ დააკმაყოფილებს მის სახელშეკრულებო ვალდებულებებს და ამგვარი რისკი ძირითადად წარმოიშვება კომპანიის ფულად სახსრებსა და მათ ეკვივალენტებთან და სხვა მოთხოვნებთან მიმართებაში.

ფინანსური აქტივების საბალანსო ღირებულება წარმოადგენს ყველაზე დიდ საკრედიტო რისკს. გაუფასურების ზარალები ფინანსურ აქტივებზე აღიარდება მოგებაში ან ზარალში და წარმოდგენილია ქვემოთ.

’000 ლარი

გაუფასურების რეზერვი სხვა მოთხოვნებზე

2024	2023
(19,300)	(21,417)
(19,300)	(21,417)

საბანკო ნაშთები

კომპანია მისი ფულადი სახსრების უმეტესობას ფლობს ერთ ქართულ ბანკში, რომელსაც ფიტის სარეიტინგო სააგენტოს მიერ მინიჭებული აქვს მოკლევადიანი საკრედიტო რეიტინგი B.

ფულადი სახსრების და მათი ეკვივალენტების გაუფასურება შეფასდა 12-თვიანი მოსალოდნელი ზარალის საფუძველზე და ასახავს დაქვემდებარებულების მოკლე ვადიანობას. კომპანია მიიჩნევს, რომ მის ფულად სახსრებსა და მათ ეკვივალენტებს აქვთ დაბალი საკრედიტო რისკი, მისი კონტრაქტების გარე საკრედიტო რეიტინგებზე დაყრდნობით.

კომპანია არ მოელოს, რომ კონტრაქტი ვერ შეძლებს მის მიერ შესასრულებელი ვალდებულებების დაკმაყოფილებას.

სხვა მოთხოვნები

კომპანიის საკრედიტო რისკი ძირითადად განპირობებულია თითოეული კონტრაქტის ინდივიდუალური მახასიათებლებით. თუმცა, ხელმძღვანელობა ასევე ითვალისწინებს ფაქტორებს, რომლებმაც შეიძლება გავლენა იქონიონ მისი კონტრაქტის საკრედიტო რისკზე, მათ შორის იმ ინდუსტრიისა და ქვეყნის დეფოლტის რისკი, რომელშიც ოპერირებს კონტრაქტი. კომპანიის მიმოხილვა მოიცავს გარე რეიტინგებს, ხელმისაწვდომობის შემთხვევაში, ფინანსურ ანგარიშგებას, საკრედიტო სააგენტოებიდან მიღებულ ინფორმაციას, ინდუსტრიის შესახებ ინფორმაციას და ხელმისაწვდომ პრეს ინფორმაციას კონტრაქტებზე.

2024 და 2023 წლების 31 დეკემბრისთვის, კომპანიის სხვა მოთხოვნების ნაშთი მთლიანად არის დაკავშირებული შემდეგ ორ კონტრაქტთან: „Salini Impregili S.p.A“ და ქართული სამშენებლო კონსორციუმში. (იხ ასევე შენიშვნა 8). 2024 წლის 31 დეკემბრის მონაცემებით, მთლიანი საკრედიტო დაქვემდებარების დაახლოებით 90% (2023:80%) კონცენტრირებულია საქართველოში, ხოლო დანარჩენი ნაწილი - იტალიაში.

მოსალოდნელი საკრედიტო ზარალის (მსზ) შეფასება

მოსალოდნელი საკრედიტო ზარალის შეფასებაში გამოყენებულ ძირითად ამოსავალ მონაცემებს შემდეგი ცვლადების ვადიანობის სტრუქტურა წარმოადგენს:

- დეფოლტის ალბათობა (PD);
- ზარალი დეფოლტის შემთხვევაში (LGD);
- დეფოლტს დაქვემდებარებული თანხები (EAD).

პირველი ეტაპის დაქვემდებარებულებისთვის მოსალოდნელი საკრედიტო ზარალი გამოითვლება 12-თვიანი დეფოლტის ალბათობის, ზარალი დეფოლტის შემთხვევაში და დაქვემდებარება დეფოლტის შემთხვევაში გადამრავლების გზით. მეორე და მესამე დონის დაქვემდებარებულებისთვის არსებობს მანძილზე მოსალოდნელი საკრედიტო ზარალი გამოითვლება არსებობის მანძილზე დეფოლტის ალბათობის, ზარალი დეფოლტის შემთხვევაში და „დეფოლტს დაქვემდებარებული თანხები“-ის გადამრავლების გზით.

გაუფასურების შესაფასებლად გამოყენებული ამოსავალი მონაცემები, დაშვებები და მეთოდები

2024 წლის 31 დეკემბრისთვის, 19,300 ათასი ლარის ოდენობით მოსალოდნელი საკრედიტო ზარალი დაკავშირებულია ქართული სამშენებლო კონსორციუმის მიმართ არსებული მოთხოვნის მთლიან საბალანსო ღირებულებასთან (2023 წლის 31 დეკემბერი: 19,300 ათასი ლარი-GCC და 2,117 ათასი ლარი-Salini Impregili S.p.A).

2024 წლის განმავლობაში, Salini Impregilo S.p.A.-მ და კომპანიამ დადეს შეთანხმება, რომლის მიხედვითაც მხარეებმა დააკონკრეტეს, რომ Salini გადაუხდის Nenskra Hydro-ს ერთჯერადად 800 ათას აშშ დოლარს (რაც შეადგენს 2,245 ათას ლარს 2024 წლის 31 დეკემბრის მდგომარეობით). ამით კომპანიამ აღიარა ადრე აღიარებული გაუფასურების შეტრიალება, 74 ათასი ლარის ოდენობით, ხოლო ანარიცხის დარჩენილი ნაწილი გაქვითულია მოთხოვნის დარჩენილ თანხაში. შესაბამისად, 2024 წლის 31 დეკემბრის მდგომარეობით, დარჩენილი ბალანსი Salini Impregilo S.p.A.-სთან გადანაწილდა 1-ელ ეტაპზე, ხოლო Salini Impregilo S.p.A.-ის მიმართ მოთხოვნების დეფოლტის ალბათობა 0%-ით შეფასდა, რადგან Salini Impregilo

S.p.A.-მ 2025 წლის იანვარში სრულად დაფარა თანხა (იხილეთ შენიშვნა 21). 2024 წლის 31 დეკემბრის მდგომარეობით, GCC-სთან დაუფარავი ბალანსი კვლავ გადანაწილებულია 3 ეტაპზე, 100%-იანი PD-ით. 2023 წლის 31 დეკემბრის მდგომარეობით, GCC-სა და Salini Impregilo S.p.A.-სთან დარჩენილი ბალანსები გადანაწილდა 3 ეტაპზე, ხოლო ორივე მოთხოვნის დეფოლტის ალბათობა 100%-ით შეფასდა.

ზარალი დეფოლტის შემთხვევაში წარმოადგენს სავარაუდო ზარალის ოდენობას დეფოლტის შემთხვევაში. 2023 წლის 31 დეკემბრისთვის, ხელმძღვანელობის შეფასებით, ზარალი დეფოლტის შემთხვევაში „ქართული სამშენებლო კონსორციუმის“ მიმართ არსებული მოთხოვნებისთვის შეადგენს 100%-ს, შემდეგი მიზეზების გამო: (ა) სასამართლო პროცესი შეიძლება გაგრძელდეს და მისი ვადების სიზუსტით პროგნოზირება შეუძლებელია; (ბ) წინამდებარე ფინანსური ანგარიშგების გამოშვების თარიღისთვის, „ქართული სამშენებლო კონსორციუმის“ ქონება დაგირავებულია საგადასახადო ორგანოების და სხვა მესამე მხარეების მიერ. აქედან გამომდინარე, კომპანიის მიერ სააღსრულებო ღონისძიებების დაწყების შემთხვევაში, არ შეიძლება გაკეთდეს იმ აქტივების სამართლიანი ღირებულების სანდო შეფასება, რომელთა ანაზღაურებაც მოსალოდნელია „ქსკ“-სგან.

„დეფოლტს დაქვემდებარებული თანხები“ წარმოადგენს სავარაუდო დაქვემდებარებას დეფოლტის შემთხვევაში. „დეფოლტს დაქვემდებარებული თანხები“ ფინანსური აქტივებისთვის არის მათი მთლიანი საბალანსო ღირებულება დეფოლტისას. იმის გათვალისწინებით, რომ 2024 წლის 31 დეკემბრისთვის დეფოლტის ალბათობა „ქართული სამშენებლო კონსორციუმისთვის“ 100%-ით შეფასდა (იხ. ქვემოთ), მოთხოვნის დაუფარავი ნაშთის „დეფოლტს დაქვემდებარებული თანხები“ ასევე 100%-ით იქნა შეფასებული.

განსაზღვრა იმისა არსებითად გაიზარდა თუ არა საკრედიტო რისკი

ფინანსურ აქტივზე თავდაპირველად აღიარებული დეფოლტის რისკის არსებითი ზრდის დასადგენად, კომპანია ითვალისწინებს გონივრულ და დასაბუთებულ ინფორმაციას რომელიც შესაბამისია და ხელმისაწვდომი ზედმეტი ხარჯებისა და ძალისხმევის გაწევის გარეშე. ეს მოიცავს როგორც ხარისხობრივ ისე რაოდენობრივ ინფორმაციას და ანალიზს, კომპანიის წარსულ გამოცდილებაზე დაყრდნობით, ასევე ექსპერტის საკრედიტო შეფასებას და საპროგნოზო ინფორმაციას.

2024 წლის 31 დეკემბრისთვის, მოთხოვნა „ქართული სამშენებლო კონსორციუმის“ მიმართ განაწილებულია მე-3 დონეზე, რადგან ხელმძღვანელობის შეფასებით არ არის სავარაუდო, რომ კონტრაგენტი სრულად დაფარავს მის საკრედიტო ვალდებულებებს კომპანიის მიმართ, კომპანიის ქმედებების გამოყენების გარეშე. კომპანიას აქვს მიმდინარე სასამართლო პროცესი „ქსკ“-თან, იხილეთ აგრეთვე შენიშვნა 16(b). ხოლო, მოთხოვნა „Salini Impregilo S.p.A“-ის მიმართ, 2024 წლის 31 დეკემბრის მონაცემებით, განაწილებულია 1-ელ დონეზე, რადგანაც მხარეებმა 2024 წელს დადეს შეთანხმება, რომლის მიხედვითაც დაუფარავი ბალანსი სრულად განისაზღვრა 2025 წლის იანვარში.

სხვა მოთხოვნების გაუფასურების რეზერვი

'000 ლარი	2024	2023
მთლიანი საბალანსო ღირებულება	21,545	23,534
გაუფასურების რეზერვი	(19,300)	(21,417)
	2,245	2,117

მოძრაობა გაუფასურების რეზერვში სხვა მოთხოვნებთან მიმართებაში წლის განმავლობაში იყო შემდეგი:

'000 ლარი	2024	2023
ნაშთი 1 იანვარს	(21,417)	(21,417)
შემცირება წლის განმავლობაში	2,117	
ნაშთი 31 დეკემბრის	(19,300)	(21,417)

სხვა მოთხოვნებთან მიმართებაში გაუფასურების ზარალის აღრიცხვისთვის გამოიყენება სარეზერვო ანგარიში, მანამ სანამ კომპანია არ დარწმუნდება, რომ ვერ მიიღებს მისდამი მართებულ თანხებს; ამ დროს თანხა მიიჩნევა უიმედოდ და ჩამოიწერება პირდაპირ ფინანსურ აქტივთან მიმართებაში. თუ საანგარიშგებო თარიღის შემდეგ აღინიშნება არსებითი გაუმჯობესება საკრედიტო რისკით გაუფასურებულ ფინანსურ აქტივზე მოსალოდნელ ანაზღაურებებში, ხელმძღვანელობა ადრე აღიარებული გაუფასურების აღდგენას აღიარებს.

(iii) ლიკვიდურობის რისკი

ლიკვიდურობის რისკი არის რისკი იმისა, რომ კომპანია სირთულეებს შეხვდება იმ ფინანსურ ვალდებულებებთან დაკავშირებული ვალდებულებების შესრულებაში, რომლებიც დაკმაყოფილებულია ფულადი სახსრების ან სხვა ფინანსური აქტივის მიწოდების გზით.

კომპანიის მიდგომა ლიკვიდურობის მართვასთან დაკავშირებით მოიცავს, შემდგომში დაგეგმვად იმის უზრუნველყოფას, რომ მას ყოველთვის ჰქონდეს სათანადო ლიკვიდურობა მისი ვალდებულებების დროულად შესასრულებლად, როგორც ნორმალურ, ისე - სტრესულ ვითარებაში, მიუღებელი ზარალის გაწევის ან კომპანიის რეპუტაციისთვის ზიანის მიყენების გარეშე.

კომპანია ჯერ არ გამოიმუშავებს ფულად სახსრებს და იღებს დაფინანსებას მისი უმრავლესობის აქციონერებისგან. ამ მიზნით, კომპანია აკეთებს პროგნოზებს ფულადი ნაკადების გადინებებისთვის, სავარაუდო ფინანსური საჭიროებების საფუძველზე, რომლებიც დაგეგმილი სამშენებლო სამუშაოებით განისაზღვრება. კომპანია სესხებიდან მიღებული შემოსულობების და აქციონერების მიერ განხორციელებული კაპიტალური შენატანების გამოყენებას პროექტის მშენებლობასთან დაკავშირებული კაპიტალური ვალდებულებების დასაკმაყოფილებლად გეგმავს.

ქვემოთ წარმოდგენილია საანგარიშგებო თარიღისთვის ფინანსური ვალდებულებების დარჩენილი სახელშეკრულებო დაფარვის ვადები.

ლიკვიდურობის რისკზე დაქვემდებარება

31 დეკემბერი 2024

	საბალანსო ღირებულება	მთლიანი სახელშეკრულებო ფულადი ნაკადები	მოთხოვნამდე და 1 წელზე ნაკლები	1 წელზე მეტი
’000 ლარი				
არაწარმოებული ფინანსური ვალდებულებები				
საიჯარო ვალდებულება	149	160	84	76
სხვა ვალდებულებები	52	52	52	-
	201	212	136	76

31 დეკემბერი 2023

	საბალანსო ღირებულება	მთლიანი სახელშეკრულებო ფულადი ნაკადები	მოთხოვნამდე და 1 წელზე ნაკლები	1 წელზე მეტი
’000 ლარი				
არაწარმოებული ფინანსური ვალდებულებები				
საიჯარო ვალდებულება	566	598	208	390
სხვა ვალდებულებები	189	189	189	-
	755	787	397	390

(iv) საბაზრო რისკი

საბაზრო რისკი არის რისკი, რომ საბაზრო ფასების ისეთი ცვლილება, როგორიც არის სავალუტო კურსები, საპროცენტო განაკვეთები და აქციის ფასები, იმოქმედებს კომპანიის შემოსავალზე ან მისი ფინანსური ინსტრუმენტების ფლობის ღირებულებაზე. საბაზრო რისკის მართვის მიზანია საბაზრო რისკების საფრთხის მართვა და კონტროლი მისაღები პარამეტრების ფარგლებში, ამონაგების ოპტიმიზაციის ფონზე.

სავალუტო რისკი

კომპანიის კაპიტალი დენომინირებულია აშშ დოლარში (USD) და ფულადი სახსრებისა და მათი ეკვივალენტების ნაშთები ძირითადად ინახება აშშ დოლარში. მნიშვნელოვანი სახელშეკრულებო შეთანხმებები, რომლებიც არსებით ფულადი სახსრების გადინებებს იწვევს, ასევე ძირითადად დენომინირებულია აშშ დოლარში. ეს წარმოქმნის ეკონომიკურ ჰეჯირებას, სავალუტო რისკისთვის წარმოებული ხელშეკრულებების გაფორმების აუცილებლობის გარეშე.

სავალუტო რისკზე დაქვემდებარება

კომპანიის დაქვემდებარება უცხოურ სავალუტო რისკზე იყო შემდეგი:

'000 ლარი	აშშ დოლარში დენომინირებული 2024	აშშ დოლარში დენომინირებული 2023
ფულადი სახსრები და მათი ეკვივალენტები	4,388	2,557
სხვა მოთხოვნები	2,245	-
სხვა ვალდებულებები	(41)	(189)
წმინდა დაქვემდებარება	6,592	2,368

წლის განმავლობაში გამოიყენებოდა შემდეგი მნიშვნელოვანი გაცვლითი კურსები:

ლარში	საშუალო კურსი		საანგარიშგებო თარიღისთვის არსებული სპოტ-კურსი	
	2024	2023	2024	2023
1 აშშ დოლარი	2.7227	2.6279	2.8068	2.6894

მგრძნობელობის ანალიზი

31 დეკემბრის მდგომარეობით ლარის კურსის გონივრული შესაძლო გამყარება/(შესუსტება), ქვემოთ მოცემულის შესაბამისად, ყველა სხვა ვალუტასთან მიმართებაში იმოქმედებდა უცხოურ ვალუტაში დენომინირებული ფინანსური ინსტრუმენტების შეფასებაზე და მოგებაზე ან ზარალზე ქვემოთ წარმოდგენილი ოდენობებით. ანალიზი გაკეთდა იმ დაშვების საფუძველზე, რომ ყველა სხვა ცვლადი, კერძოდ საპროცენტო განაკვეთები, უცვლელი დარჩება და გამორიცხავს საპროგნოზო გაყიდვების და შესყიდვების გავლენას.

'000 ლარი	მოგება ან (ზარალი)	
	გამყარება	შესუსტება
31 დეკემბერი 2024		
აშშ დოლარი (10%-იანი მოძრაობა)	(659)	659
31 დეკემბერი 2023		
აშშ დოლარი (10%-იანი მოძრაობა)	(237)	237

15. ვალდებულებები

იმპლემენტაციის შეთანხმების (IA) პირობების მიხედვით, კომპანიას აქვს გარკვეული ვალდებულებები. თუმცა, ზოგიერთი ვალდებულება, მათ შორის, ფინანსური დახურვის მიღწევა 30 თვის განმავლობაში, ხელშეკრულების გაფორმებიდან, კვლავ შეუსრულებელი დარჩა. ამ საკითხების მოსაგვარებლად მოლაპარაკებები მიმდინარეობს საქართველოს მთავრობასთან (GoG). როგორც IA-ში არის განსაზღვრული, გარკვეული ვალდებულებების შეუსრულებლობა, გარკვეულ გარემოებებში, შეიძლება ჩაითვალოს კომპანიის დაუმორჩილებლობის შემთხვევად, რამაც საქართველოს მთავრობას (GoG) შეიძლება მისცეს გარკვეული უფლებები, მათ შორის, კომპანიის მიერ მოწოდებული ტენდერის უსაფრთხოების მიმართ მისი უფლებების გამოყენების პოტენციური უფლება (იხილეთ შენიშვნა 16(e)).

კომპანია და საქართველოს მთავრობა (GoG) უწყვეტად აწარმოებენ მოლაპარაკებებს და თანამშრომლობენ IA ვალდებულებების შესრულების მიზნით. პროექტის სტრატეგიული მნიშვნელობის აღიარებისას, ორივე მხარემ 2023 წლის 15 მაისს გააფორმა გვერდითი შეთანხმება. ამჟამად, კომპანია აქტიურად აგრძელებს ძალისხმევას გამოჩენას, IA-ს მიხედვით, საკუთარი ვალდებულებების შესასრულებლად. მიუხედავად იმისა, რომ მოლაპარაკებები შესაბამისობის სტატუსისა და პოტენციური კორექტირების საკითხებზე გრძელდება, არცერთი ნაბიჯი არ გადადგმულა იმპლემენტაციის შეთანხმების გაწყვეტისკენ. კომპანია მიიჩნევს, რომ საქართველოს მთავრობასთან კონსტრუქციული თანამშრომლობა გაგრძელდება პროექტის წარმატებული პროგრესის უზრუნველსაყოფად (იხილეთ შენიშვნა 2(b)).

16. პირობითი ვალდებულებები

ა) დაზღვევა

სადაზღვევო ინდუსტრია საქართველოში განვითარების პროცესშია და მსოფლიოს სხვა ნაწილებში მოქმედი სადაზღვევო დაცვის მრავალი ფორმა ჯერ ხელმისაწვდომი არ არის. EPC ხელშეკრულება განსაზღვრავს კომპანიისა და კონტრაქტორის პასუხისმგებლობებს EPC ხელშეკრულების ფარგლებში აშენებულ/დამონტაჟებულ ძირითად საშუალებებთან დაკავშირებული სადაზღვევო პოლისების შეძენასთან და მომსახურებასთან დაკავშირებით. „AON Korea Inc.“ კომპანიას უწევს დახმარებას დაზღვევის/რისკების განაწილების კუთხით და კომპანიის მიერ შესასყიდ შესაბამის სადაზღვევო პოლისებთან დაკავშირებით გასწევს კონსულტაციებს.

ბ) სასამართლო დავები

სასამართლო დავა შპს „ქართულ სამშენებლო კონსორციუმთან“.

2020 წლის 8 დეკემბერს, კომპანიის კონტრაქტორმა, შპს „ქართული სამშენებლო კონსორციუმი“, მიმართა თბილისის საქალაქო სასამართლოს და მოითხოვა შემდეგი დროებითი ზომების გამოყენება კომპანიის წინააღმდეგ, სარჩელის შეტანამდე:

- ყველა მოძრავი ქონების დაყადაღება, მათ შორის გვირაბის საბურღი მანქანების გამოყენების შეზღუდვა;
- კომპანიის უფლების შეზღუდვა გააფორმოს ნებისმიერი ხელშეკრულება ნებისმიერ მესამე მხარესთან, რომელიც სერპანტინის გზის სამშენებლო სამუშაოებს ეხება, „ქსკ“-სთან დავის გადაწყვეტამდე;
- კომპანიის უფლების შეზღუდვა გამოიყენოს დაახლოებით 610 ათასი აშშ დოლარის ოდენობით „ქსკ“-ის მიერ უზრუნველყოფილი საბანკო გარანტიები „გადაუდებელი სამუშაოების ხელშეკრულების“ შესაბამისად.

2020 წლის 9 დეკემბერს, თბილისის საქალაქო სასამართლომ დააკმაყოფილა „ქსკ“-ს განცხადება და გამოსცა ბრძანება ყველა ზემოაღნიშნული დროებითი ზომის მიღებაზე, რაც კომპანიამ 2020 წლის 21 დეკემბერს გაასაჩივრა. 2020 წლის 14 დეკემბერს, „ქსკ“-მ შეიტანა სარჩელი თბილისის საქალაქო სასამართლოში კომპანიის და სს „თიბისი ბანკის“ წინააღმდეგ, რომელშიც ის ამტკიცებდა რომ:

- კომპანიას უნდა მოეთხოვოს „ქსკ“-თან სერპანტინის გზისა და ხეების ჭრის სამუშაოებზე ხელშეკრულების გაფორმება;
- „ქსკ“-ს უნდა აუნაზღაურდეს 30,484 ათასი აშშ დოლარის ოდენობით ზარალი, რომელიც გამოწვეულია სერპანტინის გზის ხელშეკრულების შეუსრულებლობით, პროცენტი კომპანიის მიერ წინამდებარე ხელშეკრულების და „გადაუდებელი სამუშაოების და დამატებითი სამუშაოების“ ხელშეკრულებების შეუსრულებლობით გამოწვეული მოსალოდნელი მოგების დაკარგვაზე.
- საბანკო გარანტიები უნდა იქნეს შეწყვეტილი, „ქსკ“-ს მიერ მისი ძირითადი ვალდებულებების შესრულების საფუძველზე.

2020 წლის 28 დეკემბერს, კომპანიამ შეგებებული სარჩელი შეიტანა თბილისის საქალაქო სასამართლოში „ქსკ“-ს სარჩელის უარყოფის მოთხოვნით. 2021 წლის 16 მარტს, თბილისის საქალაქო სასამართლომ გამოსცა ახალი ბრძანება, რომლის მიხედვითაც მოხსნილია პირველი ორი ზომა, ანუ ქონების ყადაღა და ხელშეკრულების გაფორმების შეზღუდვა. ძალაში დარჩა მხოლოდ საბანკო გარანტიის გამოყენების შეზღუდვა.

„ქსკ“-ს მოთხოვნით, თბილისის საქალაქო სასამართლომ გამოსცა ახალი ბრძანება 2021 წლის 23 აგვისტოს. უკანასკნელი ამკრძალავი ბრძანების მიხედვით, საქალაქო სასამართლომ ბრძანა (ა) გვირაბების საბურღი მანქანების გაჩერება; და (ბ) კომპანიის უფლების შეზღუდვა გააფორმოს ხელშეკრულება ნებისმიერ მესამე მხარესთან სერპანტინის გზის მშენებლობაზე მანამ, სანამ კომპანიასა და ქსკ-ს შორის დავის გადაწყვეტამდე ზემოაღნიშნული ამკრძალავი ბრძანება გასაჩივრდა კომპანიის მიერ. მიუხედავად იმისა, რომ გადაწყვეტილების მიღების კანონით დადგენილი ვადა 2021 წლის ნოემბერში ამოიწურა, თბილისის სააპელაციო სასამართლომ („TCA“) გადაწყვეტილება მხოლოდ 2023 წლის 10 მაისს გამოსცა. თბილისის სააპელაციო სასამართლომ ნაწილობრივ დააკმაყოფილა კომპანიის სარჩელი - გააუქმა 2021 წლის ბრძანება, რადგან ის არ იყო დასაბუთებული და კვლავ დაუბრუნა თბილისის საქალაქო სასამართლოს განსახილველად.

2023 წლის 15 მაისს, თბილისის საქალაქო სასამართლომ კვლავ დააკმაყოფილა „ქსკ“-ის მიერ მოთხოვნილი დროებითი ზომები და ბრძანა გვირაბების საბურღი მანქანების გაჩერება და აუკრძალა კომპანიას ხელშეკრულების გაფორმება ნებისმიერ მესამე მხარესთან სერპანტინის გზის მშენებლობასთან

დაკავშირებით, დავის გადაწყვეტამდე, კომპანიამ გაასაჩივრა ახალი შემზღუდავი ბრძანება. 2023 წლის 19 ივნისის განაჩენით, TCC-მ შეაჩერა კომპანიის აპელაცია და საკითხი საქართველოს სააპელაციო სასამართლოს გადაეცა. 2024 წლის 5 მარტს თბილისის სააპელაციო სასამართლომ გამოსცა განკარგულება (რომელიც თარიღდება 2024 წლის 27 თებერვლით) 2023 წლის შემაკავებელი განკარგულების გაუქმების შესახებ. შესაბამისად, საბოლოოდ მოიხსნა შეზღუდვები TBM-ებსა და მესამე მხარეებთან კონტრაქტის დადების აკრძალვაზე. 2024 წლის 6 მარტს კომპანიამ შეავსო განაცხადი აღსრულების ეროვნული ბიუროში TBM-ზე ლუქის მოხსნის და საჯარო რეესტრის ეროვნულ სააგენტოში რეგისტრირებული ყადაღის შესახებ შესაბამისი ჩანაწერის გაუქმების მოთხოვნით. რაც განხორციელდა 2024 წლის 14 მარტს. 2021 წლის 5 აგვისტოს, თბილისის საქალაქო სასამართლომ თავის თავზე აიღო აღნიშნული საქმის იურისდიქცია და განაგრძო სასამართლო პროცესი. ბოლო მოსმენა გაიმართა 2021 წლის 15 სექტემბერს და გადაიდო გაურკვეველი თარიღისთვის. მას შემდეგ თბილისის საქალაქო სასამართლოს მოსმენა არ დაუნიშნავს.

იმის გათვალისწინებით, რომ მხარეებს შორის ხელშეკრულებები ითვალისწინებს დავების გადაწყვეტას დავების განხილვის საბჭოს ან არბიტრაჟის მეშვეობით, 2021 წლის 14 ოქტომბერს, კომპანიამ „ქსკ“-ის წინააღმდეგ საარბიტრაჟო წარმოება („არბიტრაჟი“) დაიწყო. არბიტრაჟი განთავსებული იყო პარიზში და მას ადმინისტრირებას უწევდა საერთაშორისო სავაჭრო პალატა (ICC), საერთაშორისო სავაჭრო პალატის 2021 წლის საარბიტრაჟო წესების შესაბამისად. არბიტრაჟი ეხება დავას, რომელიც მხარეთა შორის გაფორმებული „მოსამზადებელი სამუშაოების ხელშეკრულების“ მიხედვით, „ქსკ“-ის ვალდებულებების შეუსრულებლობით არის გამოწვეული. 2023 წლის 8 სექტემბერს, საარბიტრაჟო ტრიბუნალმა გამოსცა საბოლოო გადაწყვეტილება არბიტრაჟთან დაკავშირებით კომპანიის სასარგებლოდ და „ქსკ“-ს კომპანიისთვის დაახლოებით 26 მილიონი აშშ დოლარი გადახდა მოეთხოვა, საარბიტრაჟო ხარჯებთან და პროცენტებთან ერთად. 2023 წლის 3 ნოემბერს, კომპანიამ მიმართა საქართველოს უზენაეს სასამართლოს შუამდგომლობით საერთაშორისო სავაჭრო პალატის საარბიტრაჟო გადაწყვეტილების აღიარებისა და აღსრულების მოთხოვნით. როგორც მენეჯმენტს აქვს ინფორმაცია საქართველოს უზენაესმა სასამართლომ სარჩელი 2024 წლის 7 თებერვალს განიხილა. თუმცა, ფინანსური ანგარიშგებების დამტკიცების დღიდან, მენეჯმენტს უზენაესი სასამართლოს გადაწყვეტილების შესახებ ინფორმაცია არ მიუღია.

„ქსკ“-ს მოთხოვნების და „ქსკ“-ს მიერ თბილისის საქალაქო სასამართლოში წარდგენილი დამადასტურებელი მტკიცებულებების გათვალისწინებით, ხელმძღვანელობა თბილისის საქალაქო სასამართლოში საქმის „ქსკ“-ს სასარგებლოდ გადაწყვეტის ალბათობას ნაკლებად სავარაუდოდ აფასებს. ხელმძღვანელობის შეფასებას ასევე მხარს უჭერს საერთაშორისო სავაჭრო პალატის მიერ გამოცემული განჩინება კომპანიის სასარგებლოდ.

2024 წლის 31 დეკემბრისთვის, კომპანია ვარაუდობს, რომ ტექნიკური უპირატესობების საფუძველზე, რომელსაც ფლობს ხელმძღვანელობა, „ქსკ“-ს მიერ თბილისის საქალაქო სასამართლოში შეტანილი ზემოაღნიშნული დავის შედეგების კომპანიის საკმიანობაზე და ფინანსურ ანგარიშგებაზე არსებითი უარყოფითი გავლენის ალბათობა ძალიან დაბალია.

ადმინისტრაციული სამართალწარმოება, რომელშიც კომპანია მესამე მხარის სახით მონაწილეობს

კომპანია ასევე ჩართულია არასამთავრობო ორგანიზაცია „მწვანე ალტერნატივას“ და ორი სხვა პირის („მოსარჩელები“) მიერ ინიცირებულ სასამართლო პროცესში მესამე მხარის სახით. მოსარჩელებმა სასამართლოში შეიტანეს სარჩელი ნენსკრა ჰესის მშენებლობისა და ექსპლუატაციის პროექტში ცვლილებების შეტანის შესახებ გადაწყვეტილების შემოწმების თაობაზე 2019 წლის 4 თებერვლის სამინისტროს № 2-110 ბრძანების ბათილად ცნობის მოთხოვნით. 2020 წლის 20 დეკემბერს კომპანიამ წარადგინა საკუთარი კონტრამტკიცებულება, რომელშიც სასამართლოს გააცნო არგუმენტები და მტკიცებულებები სარჩელის საწინააღმდეგოდ და მოითხოვა TCC-სგან სარჩელის გაუქმება.

ამჟამად საქმე თბილისის საქალაქო სასამართლოში განიხილება და მოსამზადებელ ეტაპზეა. JSCNH-ის მონაწილეობით პირველი მოსმენა 2024 წლის 15 თებერვალს შედგა. მოსმენაზე მხარეების რამდენიმე მოთხოვნა იყო განხილული. შემდეგი მოსმენა ჩაინიშნა 2024 წლი 2 აპრილს, თუმცა გაურკვეველი მიზეზებით გადაიდო და, მას შემდეგ, შემდეგი მოსმენის თარიღი არ დადგენილა.

ხელმძღვანელობა თვლის, რომ კომპანიასთან დაკავშირებით მიღებული გადაწყვეტილება შეესაბამება შესაბამის გარემოსდაცვით კანონებს და სასამართლო განხილვამ არ უნდა გამოიწვიოს ზემოაღნიშნული გადაწყვეტილების ბათილობა ან სხვაგვარად გამოიწვიოს პროექტის მნიშვნელოვანი ცვლილებები.

2024 წლის 31 დეკემბრისთვის, კომპანია ვარაუდობს, რომ ტექნიკური უპირატესობების საფუძველზე, რომელსაც ფლობს ხელმძღვანელობა, ზემოაღნიშნული სასამართლო დავის შედეგების კომპანიის საქმიანობაზე და ფინანსურ ანგარიშგებაზე არსებითი უარყოფითი გავლენის ალბათობა ძალიან დაბალია.

გ) პირობითი საგადასახადო ვალდებულებები

საქართველოში საგადასახადო სისტემა შედარებით ახალია და მას კანონმდებლობის, ოფიციალური განცხადებების და სასამართლოს გადაწყვეტილებების ხშირი ცვლილებები ახასიათებს, რაც ხშირად გაურკვეველი, ურთიერთგამომრიცხავი და განსხვავებული ინტერპრეტაციების საშუალებას იძლევა. საგადასახადო წელი ღია რჩება საგადასახადო უწყებების მიერ განსახილველად, სამი თანმიმდევრული კალენდარული წლის განმავლობაში, თუმცა, კონკრეტულ ვითარებებში საგადასახადო წელი შესაძლოა უფრო დიდი ხნით დარჩეს ღია. ეს ვითარება ქმნის საგადასახადო რისკებს, რომლებიც, სხვა უფრო განვითარებული საგადასახადო სისტემების მქონე ქვეყნებთან შედარებით, საქართველოში გაცილებით უფრო საგრძნობია. ხელმძღვანელობა თვლის, რომ საგადასახადო ვალდებულებები ადეკვატურია მოქმედი საგადასახადო კოდექსის, ოფიციალური განცხადებებისა და სასამართლო გადაწყვეტილებების ინტერპრეტაციისა. თუმცა, საგადასახადო ორგანოების მიერ აღნიშნული კანონების ინტერპრეტირება შეიძლება განსხვავდებოდეს კომპანიის ინტერპრეტაციისაგან და თუ საგადასახადო ორგანომ შეძლო საკუთარი ინტერპრეტირების არგუმენტირება, მაშინ აღნიშნულმა გარემოებამ შეიძლება მნიშვნელოვანი გავლენა იქონიოს ფინანსურ ანგარიშგებაზე.

რისკები, რომლებიც დაკავშირებულია ნებისმიერი მოქმედი კანონის მიღებასთან, გამოქვეყნებასთან, ძალაში შესვლასთან, ცვლილებასთან, შესწორებასთან, გაზრდასთან, გაუქმებასთან, ინტერპრეტაციასთან, ხელახალ ინტერპრეტაციასთან ან გამოყენებასთან, რომელიც ეხება ნებისმიერ გადასახადს, მათ შორის ნებისმიერი გადასახადის გამოყენებას, რომელიც დაწესებულია კომპანიაზე ან მის აქციონერზე (მათ შორის გადასახადების დაკავება აქციონერებზე განხორციელებულ განაწილებებზე ან პოტენციურ კრედიტორებზე გადასახდელი თანხების გადახდაზე) შემსუბუქებულია იმპლემენტაციის ხელშეკრულების ფარგლებში. მსგავსი მოვლენები ექვემდებარება „გადასახადის ცვლილების“ განმარტებას, რომელიც მოცემულია იმპლემენტაციის ხელშეკრულებაში.

თუ ზემოაღნიშნული „გადასახადის ცვლილება“ ამცირებს და/ან ზრდის კომპანიის ან აქციონერების შემოსავალს ან ხარჯებს (შესაბამისად) „გადასახადის ცვლილების“ ზღვრულ ოდენობამდე ან მასზე მეტი ოდენობით (რაც, „იმპლემენტაციის ხელშეკრულებით“ განისაზღვრა როგორც 100 ათასი აშშ დოლარი ჯამში, წლიურად), კომპანიას აქვს უფლება მიიღოს შესაბამისი ოდენობების ანაზღაურება საქართველოს მთავრობისგან. მსგავს შემთხვევებში, საქართველოს მთავრობას შეუძლია (ა) განახორციელოს ანაზღაურება ტარიფის ზრდის საშუალებით ან (ბ) კომპანიას მსგავსი ოდენობა ერთჯერადი გადახდის სახით აუნაზღაუროს.

2020 წლის დეკემბერში, საქართველოს საგადასახადო ორგანოებმა („GTA“) დაასრულეს კომპანიის საგადასახადო შემოწმება 2015 წლის აგვისტოდან 2018 წლის მაისამდე პერიოდისთვის. ადმინისტრაციული სარჩელის სასამართლოში შეტანის თარიღისთვის დარიცხულმა საგადასახადო ვალდებულებამ 2015 და 2016 წლის საგადასახადო პერიოდებისთვის შესაბამისად 25 ათასი ლარი და 5,216 ათასი ლარი შეადგინა.

კომპანიამ გაასაჩივრა საქართველოს საგადასახადო ორგანოების მიერ გაცემული შუალედური საგადასახადო შემოწმების აქტები. 2021 წლის 20 აგვისტოს, კომპანიამ ადმინისტრაციული აქტების (რომლებიც საქართველოს საგადასახადო ორგანოების მიერ დამატებით საგადასახადო დარიცხვას ითვალისწინებს) ბათილად ცნობის მოთხოვნით შემოსავლების სამსახურისა და სამინისტროს წინააღმდეგ თბილისის საქალაქო სასამართლოში ადმინისტრაციული სარჩელი შეიტანა.

2021 წლის 13 დეკემბერს, თბილისის საქალაქო სასამართლომ დანიშნა საქმის წინასწარი პირველი მოსამზადებელი მოსმენა, სადაც მხარეებმა განიხილეს წინასწარი საკითხები. 2023 და 2024 წლებში სულ ჩატარდა 4 მოსმენა TCC-ში. საბოლოოდ, TCC-მ გამოაცხადა გადაწყვეტილება 2024 წლის 15 ივლისს, რომლის მიხედვითაც კომპანიის სარჩელი იქნა უარყოფილი. კომპანიამ წარადგინა s "ფორმალური აპელაციის საჩივარი" TCA-ში 2024 წლის 26 აგვისტოს. თუმცა, ამ ფინანსური ანგარიშგების გამოცემის დღისთვის, TCC-მ კვლავ არ გამოსცა დამტკიცებული გადაწყვეტილება, რაც აუცილებელია TCA-ში პროცესის გაგრძელებისთვის.

საქმის მასალებისა და ორივე მხარის მიერ პირველი ინსტანციის სასამართლო მოსმენებზე წარმოდგენილი არგუმენტებისა და მტკიცებულებების საფუძველზე, ხელმძღვანელობა მიიჩნევს, რომ კომპანიას აქვს

სათანადო არგუმენტები და არ მოელის, რომ კომპანიას მოეთხოვება დამატებითი ჯარიმების გადახდა, რამაც შეიძლება არსებითი გავლენა იქონიოს კომპანიის ფინანსურ ანგარიშგებაზე.

დ) გარემოსდაცვითი საკითხები

საქართველოში ეკოლოგიური რეგულაციების ძალაში შესვლა განვითარების პროცესშია და სამთავრობო უწყებების აღსრულების პოზიცია მუდმივად გადაიხედება. კომპანია პერიოდულად აფასებს ეკოლოგიური რეგულაციების ფარგლებში მის ვალდებულებას. ვალდებულებები განსაზღვრისთანავე აღიარდება. შეუძლებელია იმ პოტენციური ვალდებულებების შეფასება, რომლებსაც შესაძლოა ადგილი ჰქონდეთ ცვლილებების განხორციელებით არსებულ რეგულაციებში, სამოქალაქო სამართალწარმოებაში ან კანონმდებლობაში, თუმცა მათ შესაძლოა არსებითი მნიშვნელობა ჰქონდეს. მოქმედი კანონმდებლობის ფარგლებში აღსრულების მოცემულ ვითარებაში, ხელმძღვანელობას სჯერა, რომ არ არსებობს გარემოსთვის ზიანის მიყენებასთან დაკავშირებული მნიშვნელოვანი ვალდებულებები. გარდა ამისა, იმპლემენტაციის ხელშეკრულების მიხედვით, თუ საქართველოს გარემოსდაცვითი კანონების და რეგულაციების ცვლილება შეამცირებს და/ან გაზრდის კომპანიის ან აქციონერების შემოსავალს ან ხარჯებს (შესაბამისად) „კანონმდებლობის ცვლილების“ ზღვრულ ოდენობამდე ან მასზე მეტი ოდენობით (რაც, „იმპლემენტაციის ხელშეკრულებით“ განისაზღვრა როგორც 100 ათასი აშშ დოლარი ჯამში, წლიურად), კომპანიას აქვს უფლება მიიღოს შესაბამისი ოდენობების ანაზღაურება საქართველოს მთავრობისგან. მსგავს შემთხვევებში, საქართველოს მთავრობას შეუძლია (ა) განახორციელოს ანაზღაურება ტარიფის ზრდის საშუალებით ან (ბ) კომპანიას მსგავსი ოდენობა ერთჯერადი გადახდის სახით აუნაზღაუროს.

ე) გარანტიები

თავდაპირველი იმპლემენტაციის ხელშეკრულების გაფორმებისთანავე, კომპანიამ წარმოადგინა სატენდერო შეთავაზების გარანტია 3 მილიონი აშშ დოლარის ოდენობით, მოქმედების ვადით 2025 წლის 31 აგვისტომდე. სატენდერო შეთავაზების გარანტია წარდგენილ იქნა საქართველოს მთავრობისთვის სს „თიბისი ბანკის“ საშუალებით, იმპლემენტაციის ხელშეკრულების მიხედვით, (იხილეთ შენიშვნა 15). TBC ბანკის მიერ გაცემული ბანკის გარანტია გარანტირებულია უცხოური საერთაშორისო ბანკის მიერ გაცემული ბანკის გარანტიით.

ვ) კომპანიის რეგისტრაციის მონაცემები განახლება

კომპანიის რეგისტრაციის ინფორმაციის განახლებასაქართველოს მოქმედი კანონმდებლობის შესაბამისად, კომპანია ვალდებულია, შეცვალოს და განახლოს თავისი რეგისტრაციის ინფორმაცია და თარიღი (კაპიტალის გადაფასების ჩათვლით) 2025 წლის 1 აპრილამდე. აღნიშნული მოთხოვნის შეუსრულებლობამ შესაძლოა გამოიწვიოს სამართლებრივი და ოპერაციული დაბრკოლებები. მენეჯმენტი ვარაუდობს, რომ აღნიშნულ სამართლებრივ ვალდებულებას დროულად შეასრულებს.

17. დაკავშირებული მხარეები

(ა) მშობელი კომპანია და საბოლოო მაკონტროლებელი მხარე

კომპანიის პირდაპირი მშობელი კომპანიაა „K-water“. K-water-ის ფინანსური ანგარიშგება კორეის მთავრობის საკუთრებაში არსებული და კვაზისახელმწიფო სააღრიცხვო რეგულაციებისა და სტანდარტების მიხედვით საჯაროდ არის ხელმისაწვდომი. კომპანიის საბოლოო მაკონტროლებელი მხარეა კორეის რესპუბლიკა (92.6%-ის მფლობელი), ხოლო დარჩენილ 7.4%-ს საპარტნიორო ფონდი ფლობს (რომელსაც შემდგომ გადაერქვა სახელი და გახდა სს „საქართველოს განვითარების ფონდი“).

(ბ) ოპერაციები უმაღლესი რანგის ხელმძღვანელობასთან

(i) უმაღლესი რანგის ხელმძღვანელობის ანაზღაურება

უმაღლესი რანგის ხელმძღვანელობამ წლის განმავლობაში მიიღო შემდეგი ანაზღაურება, რომელიც შესულია დასაქმებულთა ხარჯების კატეგორიაში (იხ. შენიშვნა 5):

'000 ლარი	2024	2023
ხელფასები და ბონუსები	842	1,539
სხვა	147	342
	989	1,881

(ii) სხვა ოპერაციები დაკავშირებულ მხარეებთან

კორეის განვითარების ბანკი (“KDB”) არის K-water-ის აქციონერი და ფლობს მისი აქციების დაახლოებით 7%-ს, შესაბამისად KDB ითვლება დაკავშირებულ მხარედ. იმ ფინანსური შეთანხმებების მიხედვით, რომლებზეც კომპანია აწარმოებს მოლაპარაკებებს პროექტისთვის დაფინანსების უზრუნველყოფის მიზნით, KDB ჩართულია ერთ-ერთი პოტენციური კრედიტორის სახით. თუმცა, 2022 წლის 31 დეკემბრისთვის, მთლიანი ფულადი სახსრების წარმომქმნელი ერთეულის გაუფასურების შემდეგ (მათ შორის KDB-ისთვის წინასწარ გადახდილი ფინანსური ხარჯები), KDB-სთვის გადახდილი ავანსების ნაშთი ნულამდე შემცირდა.

18. შეფასების საფუძველი

წინამდებარე ფინანსური ანგარიშგება მომზადებულია პირვანდელი ღირებულების საფუძველზე, გარდა გასაყიდად ფლობილი აქტივებისა, რომლებიც აღრიცხულია მათ საბალანსო ღირებულებასა და სამართლიან ღირებულებას (გამოკლებული გაყიდვის ხარჯები) შორის უმცირესით.

19. მნიშვნელოვანი სააღრიცხვო პოლიტიკები

(ა) ფინანსური შემოსავალი და ფინანსური ხარჯები

ქვემოთ განსაზღვრული სააღრიცხვო პოლიტიკები თანმიმდევრულად იქნა გამოყენებული წინამდებარე ფინანსურ ანგარიშგებაში წარმოდგენილ ყველა პერიოდთან მიმართებაში.

კომპანიის ფინანსური შემოსავალი და ფინანსური ხარჯები მოიცავს შემდეგს:

- საპროცენტო შემოსავალი;
- საპროცენტო ხარჯი;
- უცხოური ვალუტის კურსის ცვლილებით განპირობებული შემოსულობა ან ზარალი ფინანსურ აქტივებსა და ფინანსურ ვალდებულებებზე;

საპროცენტო შემოსავლის ან ხარჯის აღიარება ხდება მისი მოგებაზე ან ზარალზე დარიცხვისთანავე, ეფექტური პროცენტის მეთოდის გამოყენებით.

უცხოური ვალუტის კურსის ცვლილებით განპირობებული შემოსულობა ან ზარალი აღირიცხება წმინდა საფუძველზე, როგორც ფინანსური შემოსავალი ან ფინანსური ხარჯი, იმის გათვალისწინებით თუ სად აქვს ადგილი უცხოური ვალუტის მოძრაობას - წმინდა ამონაგების თუ წმინდა ზარალის პოზიციაში.

(ბ) უცხოური ვალუტა

(i) ოპერაციები უცხოურ ვალუტაში

ოპერაციები უცხოურ ვალუტაში გადაყვანილია კომპანიის სამუშაო ვალუტაში ოპერაციების თარიღის შესაბამისი გაცვლითი კურსით.

უცხოურ ვალუტაში დენომინირებული ფულადი აქტივებისა და ვალდებულებების კონვერტირება კომპანიის სამუშაო ვალუტაში ხდება საანგარიშგებო თარიღისათვის არსებული გაცვლითი კურსით. უცხოური ვალუტის კურსის ცვლილებით განპირობებული შემოსულობა ან ზარალი ფულად მუხლებზე წარმოადგენს სხვაობას პერიოდის დასაწყისში არსებულ სამუშაო ვალუტაში დენომინირებულ ამორტიზებულ ღირებულებას (კორექტირებული ეფექტური პროცენტით და გადახდებით პერიოდის განმავლობაში) და უცხოურ ვალუტაში დენომინირებულ ამორტიზებულ ღირებულებას შორის, რომელიც კონვერტირებულია საანგარიშგებო პერიოდის ბოლოს არსებული გაცვლითი კურსით.

უცხოურ ვალუტაში დენომინირებული არაფულადი აქტივები და ვალდებულებები, რომლებიც სამართლიანი ღირებულების საფუძველზე ფასდება, კონვერტირდება სამუშაო ვალუტაში სამართლიანი ღირებულების დადგენის თარიღისათვის არსებული გაცვლითი კურსით. უცხოურ ვალუტაში დენომინირებული არაფულადი ერთეულები, რომლებიც ფასდება პირვანდელი ღირებულებით, კონვერტირდება გარიგების თარიღისთვის არსებული გაცვლითი კურსით.

უცხოური ვალუტის კონვერტაციით გამოწვეული სხვაობა, როგორც წესი, აღიარდება მოგებაში ან ზარალში.

(გ) დასაქმებულთა გასამრჯელოები

დასაქმებულთა მოკლევადიანი გასამრჯელოები ფასდება არადისკონტირებულ საფუძველზე და ხარჯად აღირიცხება ან კაპიტალიზირდება შესაბამისი მომსახურების გაწევისას. ვალდებულება აღიარდება იმ ოდენობით, რომლის გადახდაც მოსალოდნელია თუ კომპანიას ექნება მიმდინარე სამართლებრივი ან კონსტრუქციული ვალდებულება გადაიხადოს ეს თანხა დასაქმებულის მიერ წარსულში გაწეული მომსახურების შედეგად და როდესაც ამგვარი ვალდებულება საიმედოდ შეიძლება იყოს შეფასებული.

(დ) მოგების გადასახადი

მოგების გადასახადი მოიცავს მიმდინარე და გადავადებულ გადასახადს. მოგების გადასახადი აღიარდება მოგებაში ან ზარალში, გარდა შემთხვევებისა, როდესაც ის უკავშირდება საწარმოთა გაერთიანებას, ან პირდაპირ კაპიტალში ან სხვა სრულ შემოსავალში აღიარებულ ერთეულებს.

(ი) მიმდინარე გადასახადი

მიმდინარე გადასახადი არის აღნიშნული წლის დასაბეგრი მოგების ან ზარალის საფუძველზე წარმოქმნილი მოსალოდნელი საგადასახადო ვალდებულება ან მოთხოვნა, იმ საგადასახადო განაკვეთის გამოყენებით, რომელიც ძალაშია ან არსებითად ამოქმედებულია საანგარიშგებო თარიღისათვის, აგრეთვე, წინა წლების საგადასახადო ვალდებულების ნებისმიერი კორექტირება. მიმდინარე საგადასახადო ვალდებულება აგრეთვე მოიცავს დივიდენდებთან დაკავშირებულ ნებისმიერ საგადასახადო ვალდებულებას.

2016 წლის 13 მაისს საქართველოს პარლამენტმა მიიღო კანონპროექტი მოგების გადასახადის რეფორმის შესახებ (რომელიც ასევე ცნობილია მოგების გადასახადის ესტონური მოდელის სახელით), რაც ნიშნავს დაბეგვრის მომენტის გადატანას მოგების გამომუშავების თარიღიდან მისი განაწილების თარიღამდე. კანონი ძალაში შევიდა 2016 წელს და გამოიყენება საგადასახადო პერიოდებისთვის 2017 წლის 1 იანვრის შემდეგ ყველა იურიდიული პირისთვის, გარდა საფინანსო დაწესებულებებისა (როგორც არის ბანკები, სადაზღვევო კომპანიები, მიკროსაფინანსო ორგანიზაციები, ლომბარდები), რომლებისთვისაც კანონი ძალაში შევა 2023 წლის 1 იანვრიდან.

მოგების გადასახადით დაბეგვრის ახალი სისტემა არ გულისხმობს მოგების გადასახადისგან გათავისუფლებას, ეს უკანასკნელი გადმოდის მოგების გამომუშავების მომენტიდან მათი განაწილების მომენტამდე: ე.ი. მთავარ საგადასახადო ობიექტს წარმოადგენს განაწილებული მოგება. საქართველოს საგადასახადო კოდექსი განსაზღვრავს განაწილებულ მოგებას, როგორც აქციონერებზე დივიდენდების სახით გაცემულ მოგებას. ამას გარდა, ზოგიერთი სხვა ოპერაციაც მიიჩნევა მოგების განაწილებად, მაგალითად არასაბაზრო ტრანსსასაზღვრო ოპერაციები დაკავშირებულ მხარეებთან და/ან გადასახადისგან გათავისუფლებულ პირებთან, რომლებიც ასევე ითვლებიან განაწილებული მოგების მიმღებებად მოგების გადასახადის მიზნებისთვის. ამასთან საგადასახადო ობიექტი მოიცავს ხარჯებსა და სხვა გადახდებს, რომლებიც არ უკავშირდება საწარმოს ეკონომიკურ საქმიანობებს, უფასო მიწოდებები და ზღვარს გადაცდენილი წარმომადგენლობითი ხარჯები. საგადასახადო ანაზღაურება ხელმისაწვდომია 2008-2016 წლების გაუნაწილებელ მოგებაზე გადახდილ მიმდინარე გადასახადზე, თუ ასეთი მოგება განაწილდება 2017 ან შემდეგ წლებში.

დივიდენდების გადახდიდან წარმოშობილი მოგების გადასახადი აღირიცხება როგორც ხარჯი დივიდენდების გამოცხადების პერიოდში, მიუხედავად ფაქტიური გადახდის თარიღისა ან იმ პერიოდისა რომლისთვისაც გადახდილ იქნა დივიდენდი.

საქართველოს საგადასახადო კოდექსი განსაზღვრავს მოგების გადასახადის იმ კონკრეტულ ოპერაციებზე დარიცხვას, რომლებიც არ უკავშირდება საწარმოს ეკონომიკურ საქმიანობებს, უფასო მიწოდებები და ზღვრულ მოცულობაზე მეტი წარმომადგენლობითი ხარჯები. კომპანია ამგვარი ოპერაციების დაბეგვრას

ბასს 12-ის (მოგების გადასახადები) ფარგლებს გარეთ განიხილავს და მათ აღრიცხავს, როგორც მოგების გადასახადის გარდა სხვა გადასახადებს.

(iii) გადავადებული გადასახადი

ზემოთ აღწერილი ახალი საგადასახადო სისტემის ხასიათიდან გამომდინარე, საქართველოში რეგისტრირებული საწარმოები არ განასხვავებენ აქტივების საგადასახადო ბაზებს და მათ საბალანსო ღირებულებებს და შესაბამისად, გადავადებული საგადასახადო აქტივები და ვალდებულებები არ წარმოიშვება.

(iv) გასაყიდად ფლობილის კატეგორიაში კლასიფიცირებული გრძელვადიანი აქტივები

გრძელვადიანი აქტივები კლასიფიცირებულია ფინანსური მდგომარეობის ანგარიშგებაში როგორც „გასაყიდად ფლობილი გრძელვადიანი აქტივები“ თუ მათი საბალანსო ღირებულება იქნება ანაზღაურებული ძირითადად გაყიდვის გზით და არა უწყვეტი გამოყენების გზით. გასაყიდად ფლობილი გრძელვადიანი აქტივები უნდა იყოს ხელმისაწვდომი დაუყოვნებლად გასაყიდად მათ მიმდინარე მდგომარეობაში და არსებობს მათი გაყიდვის დიდი ალბათობა კლასიფიკაციის თარიღიდან ერთი წლის განმავლობაში. თუმცა, მისი გაყიდვის დასრულებისთვის საჭირო პერიოდი შეიძლება გახანგრძლივდეს სამართლებრივი ან მარეგულირებელი საკითხების, საბაზრო პირობების ან გარიგებაში სირთულეების არსებობის გამო. გასაყიდად ფლობილის კატეგორიაში კლასიფიცირებული გრძელვადიანი აქტივები ფასდება მათ საბალანსო ღირებულებასა და სამართლიან ღირებულებას (გამოკლებული გაყიდვის ხარჯები) შორის უმცირესის მიხედვით.

თუ გასაყიდად ფლობილი აქტივის სამართლიანი ღირებულების შეფასება შეუძლებელია, მაშინ აქტივები ფასდება მათი გამოყენების ღირებულებით, რაც წარმოადგენს სავარაუდო მომავალი ფულადი ნაკადების მიმდინარე ღირებულებას, რომელთა მიღებაც მოსალოდნელია აქტივების უწყვეტი გამოყენებით და მათი გაყიდვით, მათი სასარგებლო მომსახურების ვადის ბოლოს.

გრძელვადიანი აქტივების გამოყენების ღირებულების განსაზღვრისთვის, კომპანია აფასებს მომავალ ფულად ნაკადებს, რომლებსაც წარმოქმნის აქტივები და ადისკონტირებს აღნიშნულ ფულად ნაკადებს მათ მიმდინარე ღირებულებაზე შესაბამისი დისკონტირების განაკვეთის გამოყენებით. დისკონტირების განაკვეთი ასახავს ფულის დროითი ღირებულების ბაზრის მიმდინარე შეფასებას და ამ აქტივებისთვის დამახასიათებელ რისკებს.

თუ აქტივების გამოყენების ღირებულება მათ საბალანსო ღირებულებაზე ნაკლებია, მაშინ გაუფასურების ზარალი აღიარდება მოგებაში ან ზარალში. აღიარებული გაუფასურების ზარალი წარმოადგენს სხვაობას აქტივის საბალანსო ღირებულებასა და მის ანაზღაურებად ღირებულებას შორის, რაც აქტივის სამართლიან ღირებულებას (გამოკლებული გაყიდვის ხარჯები) და მის გამოყენების ღირებულებას შორის უდიდესს წარმოადგენს.

გასაყიდად ფლობილი აქტივების საბალანსო ღირებულების შემდგომი ჩამოწერები (რაც არ მოიცავს გაყიდვების შედეგად წარმოქმნილ შემოსულობას ან ზარალს) გაუფასურების ზარალის სახით აღიარდება.

(v) ძირითადი საშუალებები

(i) აღიარება და შეფასება

ძირითადი საშუალებების ერთეულები შეფასებულია, როგორც თვითღირებულებას გამოკლებული დაგროვილი ცვეთა და ნებისმიერი დაგროვილი გაუფასურების ზარალი.

თვითღირებულება მოიცავს აქტივის შეძენასთან პირდაპირ დაკავშირებულ ხარჯებს. საკუთარი ძალებით შექმნილი აქტივის თვითღირებულება შედგება მასალების, შრომითი და ნებისმიერი პირდაპირი დანახარჯებისაგან, რომელიც საჭიროა აქტივის დანიშნულებისამებრ მუშა მდგომარეობაში მოსაყვანად, აგრეთვე სესხის ღირებულების კაპიტალიზაციის, აქტივის დემონტაჟის, მოცილების და გამწმენდი სამუშაოების ჩატარების ღირებულებას. შეძენილი პროგრამული უზრუნველყოფა, რომელიც აღჭურვილობის ფუნქციონალურად განუყოფელ ნაწილს წარმოადგენს, კაპიტალიზდება ძირითადი საშუალების ღირებულების ნაწილის სახით.

ყველა ზოგადი და ადმინისტრაციული ხარჯი და პროექტის მართვის სხვა ხარჯები არ არის

კაპიტალიზებული და პირდაპირ აისახება მოგებაში ან ზარალში, გარდა კომპანიის ტექნიკური გუნდის ხელფასებისა და მივლინების ხარჯებისა, რომლებიც პირდაპირ დაკავშირებულია სამშენებლო სამუშაოებთან და კაპიტალიზებულია დაუმთავრებელი მშენებლობის ღირებულებაზე.

იმ შემთხვევაში, თუ ძირითადი საშუალებების მნიშვნელოვან ნაწილებს განსხვავებული სასარგებლო მომსახურების ვადები აქვთ, ისინი აღირიცხება როგორც ძირითადი საშუალების ცალკე ერთეულები (ძირითადი კომპონენტები).

ძირითადი საშუალების ერთეულის გაყიდვიდან მიღებული ნებისმიერი შემოსულობა ან ზარალი განისაზღვრება ძირითადი საშუალების გაყიდვიდან მიღებული შემოსულობისა და მისი საბალანსო ღირებულების შედარებით და აღიარდება წმინდა სახით მოგებაში ან ზარალში სხვა შემოსავლის ან სხვა ხარჯების ფარგლებში.

გრძელვადიანი აქტივებისთვის გადახდილი ავანსები მოიცავს დაუმთავრებელი აქტივებისთვის გადახდილ ავანსებს რომლებიც შემდგომ კლასიფიცირებულია ძირითადი საშუალებების სახით. მსგავსი წინასწარი გადახდები აღირიცხულია თვითღირებულებით გაუფასურების ანარიცხის გამოკლებით და კლასიფიცირებულია გრძელვადიანის სახით, რადგან ის უკავშირდება აქტივს, რომელიც თავის მხრივ იქნება კლასიფიცირებული გრძელვადიანის სახით, თავდაპირველი აღიარებისას.

(ii) შემდგომი დანახარჯები

შემდგომი დანახარჯები კაპიტალიზდება მხოლოდ იმ შემთხვევაში თუ არსებობს ალბათობა იმისა, რომ დანახარჯთან დაკავშირებული მომავალი ეკონომიკური სარგებელი კომპანიაში შემოედინება.

ძირითადი საშუალებების ყოველდღიური მოვლა-შენახვის ხარჯები გაწევისთანავე აღიარდება მოგებაში ან ზარალში.

(iii) ცვეთა

ძირითადი საშუალებები ექვემდებარებიან ცვეთის დარიცხვას მათი დამონტაჟებისა და მზა მდგომარეობაში მოყვანის მომენტიდან, ან ორგანიზაციის შიგნით შექმნილი აქტივებისთვის, იმ თარიღიდან, როდესაც აქტივი დასრულდება და გამოსაყენებლად მზად იქნება. ცვეთის დარიცხვა ხორციელდება აქტივის თვითღირებულების საფუძველზე, მისი სავარაუდო ნარჩენი ღირებულების გამოკლებით.

ცვეთა, როგორც წესი აღიარდება მოგებაში ან ზარალში წრფივი მეთოდის გამოყენებით, ძირითადი საშუალებების თითოეული ნაწილის სავარაუდო სასარგებლო მომსახურების ვადის განმავლობაში, ვინაიდან ეს საუკეთესოდ წარმოაჩენს აქტივში განივთებული, მომავალი ეკონომიკური სარგებლის მოხმარების მოსალოდნელ ნიმუშს. იჯარით აღებულ აქტივებზე ცვეთის დარიცხვა ხდება იჯარის ვადასა და მათ მომსახურების ვადას შორის უმცირესით, გარდა შემთხვევებისა როდესაც გონივრულად მოსალოდნელია, რომ „კომპანია“ იჯარის ვადის ბოლოსთვის მიიღებს საკუთრების უფლებას. მიწას ცვეთა არ ერიცხება. დაუმთავრებელ მშენებლობას ცვეთა არ ერიცხება, სანამ აქტივი ექსპლუატაციაში არ შევა.

მნიშვნელოვანი, ძირითადი საშუალებების ერთეულების სავარაუდო სასარგებლო მომსახურების ვადები, მიმდინარე და შესადარის პერიოდებში, შემდეგია:

– სამშენებლო აღჭურვილობა	5 წელი
– საოფისე აღჭურვილობა	5 წელი
– სატრანსპორტო საშუალებები	5 წელი
– ბანაკები	5 წელი

ცვეთის მეთოდები, სასარგებლო მომსახურების ვადები და ნარჩენი ღირებულებები გადაიხედება თითოეული საანგარიშგებო თარიღისთვის და საჭიროებისამებრ კორექტირდება.

აქტივის ნარჩენი ღირებულება წარმოადგენს სავარაუდო ღირებულებას, რასაც კომპანია ამჟამად მიიღებდა აქტივის გაყიდვიდან (გამოკლებული სავარაუდო გაყიდვის ხარჯები), თუ აქტივი უკვე არის იმ ასაკის და იმ მდგომარეობაში რაც მოსალოდნელია მისი სასარგებლო მომსახურების ვადის ბოლოს. აქტივების ნარჩენი ღირებულება და სასარგებლო მომსახურების ვადები გადაისინჯება ყოველი საანგარიშგებო პერიოდის ბოლოს და საჭიროების შემთხვევაში კორექტირდება. ძირითადი საშუალებების სახით კლასიფიცირებულ ყველა აქტივს ნულოვანი ნარჩენი ღირებულება აქვს.

(ზ) ფინანსური ინსტრუმენტები

(i) აღიარება და თავდაპირველი შეფასება

სავაჭრო მოთხოვნები და გამოშვებული სასესხო ფასიანი ქაღალდები თავდაპირველად აღიარდება წარმოშობის მომენტში. ყველა სხვა ფინანსური აქტივის და ფინანსური ვალდებულების აღიარება თავდაპირველად ხორციელდება გარიგების თარიღისთვის, როდესაც „კომპანია“ ხდება ფინანსური ინსტრუმენტის ხელშემკვერელი მხარე.

ფინანსური აქტივი (გარდა იმ შემთხვევისა, როდესაც ის არის სავაჭრო მოთხოვნა მნიშვნელოვანი საფინანსო კომპონენტის გარეშე) ან ფინანსური ვალდებულება თავდაპირველად აღიარდება სამართლიანი ღირებულებით, რომელსაც ემატება (თუ აქტივი არ არის სამართლიანი ღირებულებით მოგებაში ან ზარალში ასახვით შეფასებული), გარიგების ხარჯები, რომლებიც პირდაპირ არის დაკავშირებული მის შესყიდვასთან ან გამოშვებასთან. სავაჭრო მოთხოვნა მნიშვნელოვანი საფინანსო კომპონენტის გარეშე თავდაპირველად ფასდება გარიგების ფასით.

(ii) კლასიფიკაცია და შემდგომი შეფასება

ფინანსური აქტივები

პირველადი აღიარებისას, ფინანსური აქტივი კლასიფიცირდება ისევე როგორც ფასდება: ამორტიზებული ღირებულებით; სამართლიანი ღირებულებით სხვა სრულ შემოსავალში ასახვით - ინვესტიცია სავალდებულო ინსტრუმენტებში; სამართლიანი ღირებულებით სხვა სრულ შემოსავალში ასახვით - ინვესტიცია წილობრივ ინსტრუმენტებში; ან სამართლიანი ღირებულებით მოგებაში ან ზარალში ასახვით.

თავდაპირველი აღიარების შემდგომ ფინანსური აქტივები არ ექვემდებარება რეკლასიფიკაციას, გარდა იმ შემთხვევისა, როდესაც კომპანია ცვლის ფინანსური აქტივების მართვის ბიზნეს მოდელს, რა შემთხვევაშიც ყველა ჩართული ფინანსური აქტივი რეკლასიფიცირებულია ბიზნეს მოდელის ცვლილების შემდგომ პირველი საანგარიშგებო პერიოდის პირველივე დღეს.

ფინანსური აქტივი ფასდება ამორტიზებული ღირებულებით, თუ ის აკმაყოფილებს ქვემოთ მოყვანილ ორივე პირობას და არ არის გამიზნული როგორც სამართლიანი ღირებულებით მოგებაში ან ზარალში ასახვით შეფასებული:

- აქტივი განეკუთვნება ბიზნეს მოდელს, რომლის მიზანიც არის აქტივების შენახვა სახელმწიფოებრივ ფულადი ნაკადების შესაგროვებლად; და
- მისი სახელმწიფოებრივ პირობები კონკრეტულ თარიღებში წარმოშობს ფულად ნაკადებს, რომელიც მხოლოდ ძირითადი თანხისა და დაუფარავ ძირითადი დაგროვილი პროცენტის გადახდას წარმოადგენს.

კომპანიის ფინანსური აქტივები მოიცავს ფულად სახსრებსა და მათ ეკვივალენტებს და სხვა მოთხოვნებს, როგორც წარმოდგენილია შენიშვნებში 9 და 8 შესაბამისად.

შეზღუდული ფულადი სახსრები გულისხმობს ფულად სახსრებს, რომლებიც გამოყოფილია კონკრეტული მიზნისთვის და არ შეიძლება გამოყენებულ იქნეს ზოგადი ბიზნეს საქმიანობისთვის. ეს შეიძლება მოიცავდეს ესქროში შენახულ ნაღდ ფულს, საგარანტიო დეპოზიტებს ან ტრასტში შენახულ ნაღდ ფულს. შეზღუდული ფულადი სახსრები კლასიფიცირდება როგორც გრძელვადიანი აქტივი ან მოკლევადიანი აქტივი, შეზღუდვის ბუნებიდან გამომდინარე. თუ მოსალოდნელია, რომ ფულადი სახსრების შეზღუდვა 1 წლის განმავლობაში მოიხსნება, მაშინ შეზღუდული ფულადი სახსრები მოკლევადიანი აქტივის სახით კლასიფიცირდება. თუ მოსალოდნელია, რომ ფულადი სახსრების შეზღუდვა 1 წელზე დიდხანს გაგრძელდება, მაშინ შეზღუდული ფულადი სახსრები გრძელვადიანი აქტივის სახით კლასიფიცირდება.

ამორტიზებული ღირებულებით შეფასებული ფინანსური აქტივები შემდგომ შეფასებულია ამორტიზებული ღირებულებით, ეფექტური პროცენტის მეთოდის გამოყენებით. ამორტიზებული ღირებულება შემცირებულია გაუფასურების ზარალით. საპროცენტო შემოსავალი, საკურსო სხვაობით განპირობებული შემოსულობა და ზარალი და გაუფასურება აღიარდება მოგებაში ან ზარალში. აღიარების შეწყვეტის შედეგად მიღებული შემოსულობა ან ზარალი აღიარება მოგებაში ან ზარალში.

ფინანსური ვალდებულებები - კლასიფიკაცია, შემდგომი შეფასება და შემოსულობა და ზარალი

ფინანსური ვალდებულებები კლასიფიცირდება ისევე როგორც ფასდება - ამორტიზებული ღირებულებით ან სამართლიანი ღირებულებით მოგებაში ან ზარალში ასახვით. ფინანსური ვალდებულება კლასიფიცირდება სამართლიანი ღირებულებით მოგებაში ან ზარალში ასახვით თუ ის არის სავაჭროდ გამიზნული, წარმოებული ან გამიზნულია ესეთად პირველადი აღიარებისას. სამართლიანი ღირებულებით მოგებაში ან ზარალში ასახვით შეფასებული ფინანსური ვალდებულებები ფასდება სამართლიანი ღირებულებით და წმინდა შემოსულობით და ზარალით, ნებისმიერი საპროცენტო ხარჯის ჩათვლით, და აღიარდება მოგებაში ან ზარალში. სხვა ფინანსური ვალდებულებები შემდგომ ფასდება ამორტიზებული ღირებულებით ეფექტური საპროცენტო განაკვეთის მეთოდის გამოყენებით. საპროცენტო ხარჯი და საკურსო სხვაობით განპირობებული შემოსულობები და ზარალები აღიარდება მოგებაში ან ზარალში. აღიარების შეწყვეტის შედეგად მიღებული შემოსულობა ან ზარალი ასევე აღიარდება მოგებაში ან ზარალში.

(iii) ფინანსური აქტივებისა და ფინანსური ვალდებულებების მოდიფიცირება

ფინანსური აქტივები

თუ ფინანსური აქტივის პირობები მოდიფიცირებულია, კომპანიამ უნდა შეაფასოს არსებითად იცვლება თუ არა მოდიფიცირებული აქტივისგან წარმოშობილი ფულადი ნაკადები. თუ ფულად ნაკადებში არსებითი ცვლილებაა (ეგრეთ წოდებული „არსებითი მოდიფიცირება“), მაშინ თავდაპირველი ფინანსური აქტივისგან წარმოშობილ ფულად ნაკადებზე სახელშეკრულებო უფლებები მიიჩნევა ვადაგასულად. ამ შემთხვევაში, თავდაპირველი ფინანსური აქტივის აღიარება წყდება და ახალი ფინანსური აქტივი აღიარდება სამართლიანი ღირებულებით.

კომპანია ახორციელებს მოცემული მოდიფიცირების არსებითობის რაოდენობრივ და ხარისხობრივ შეფასებას, ანუ არსებითად განსხვავდება თუ არა საწყისი ფინანსური აქტივიდან მიღებული ფულადი ნაკადები მოდიფიცირებული ან ჩანაცვლებული ფინანსური აქტივიდან მიღებული ფულადი ნაკადებისგან. კომპანია აფასებს არსებითა თუ არა ცვლილება რაოდენობრივ და ხარისხობრივ მაჩვენებლებზე დაყრდნობით, მოცემული თანმიმდევრობით: ხარისხობრივი მაჩვენებლები, რაოდენობრივი მაჩვენებლები, ორივე ხარისხობრივი და რაოდენობრივი მაჩვენებლების საერთო გავლენა. თუ ფულადი ნაკადები არსებითად განსხვავდება, მაშინ თავდაპირველი ფინანსური აქტივისგან წარმოშობილ ფულად ნაკადებზე სახელშეკრულებო უფლებები მიიჩნევა ვადაგასულად. ამ შეფასების გაკეთების დროს კომპანია ფინანსური ვალდებულებების აღიარების შეწყვეტის დროს გამოყენებული პრინციპების ანალოგიური პრინციპებით ხელმძღვანელობს.

კომპანია ასკვნის, რომ მოდიფიცირება არსებითაა შემდეგ ხარისხობრივ ფაქტორებზე დაყრდნობით:

- ცვლილება ფინანსური აქტივის ვალუტაში;
- ცვლილება გირაოში ან სხვა საკრედიტო პირობებში;
- ცვლილებები ფინანსური აქტივის პირობებში, რომლებიც იწვევს შეუსაბამობას „მხოლოდ ძირისა და პროცენტის გადახდების“ კრიტერიუმებთან (მაგ. კონვერტაციის ფუნქციის დამატება).

თუ ამორტიზებული ღირებულებით აღრიცხული, მოდიფიცირებული აქტივისგან მიღებული ფულადი ნაკადები, არ არის არსებითად შეცვლილი, მაშინ მოდიფიცირების შედეგად ფინანსური აქტივის აღიარება არ წყდება. ამ შემთხვევაში, კომპანია ხელახლა ანგარიშობს ფინანსური აქტივის მთლიან საბალანსო ღირებულებას და მთლიანი საბალანსო ღირებულების კორექტირებისას წარმოქმნილ თანხას აღრიცხავს როგორც მოდიფიცირებით განპირობებულ შემოსულობას ან ზარალს მოგებაში ან ზარალში. ფინანსური აქტივის მთლიანი საბალანსო ღირებულება ხელახლა ითვლება როგორც მოდიფიცირებული სახელშეკრულებო ფულადი ნაკადების მიმდინარე ღირებულება, რომელიც დისკონტირდება ფინანსური აქტივის თავდაპირველი ეფექტური საპროცენტო განაკვეთით. ნებისმიერი გაწეული ხარჯი ან საკომისიო აკორექტირებს მოდიფიცირებული ფინანსური აქტივის საბალანსო ღირებულებას და არის ამორტიზებული მოდიფიცირებული ფინანსური აქტივის დარჩენილი მოხმარების ვადის განმავლობაში.

ფინანსური ვალდებულებები

კომპანია წყვეტს ფინანსურ ვალდებულების აღიარებას როდესაც მოდიფიცირებულია მისი პირობები და არსებითად განსხვავდება მოდიფიცირებული ფინანსური ვალდებულებისგან მიღებული ფულადი ნაკადები. ამ შემთხვევაში, ახალი მოდიფიცირებულ პირობებზე დაფუძნებული ფინანსური ვალდებულება

აღიარდება სამართლიანი ღირებულებით. სხვაობა აღიარებაშეწყვეტილი ფინანსური ვალდებულების საბალანსო ღირებულებასა და ახალ მოდიფიცირებულპირობებიან ფინანსურ ვალდებულებას შორის აღიარდება მოგებაში ან ზარალში.

თუ მოდიფიცირება (ან გაცვლა) არ იწვევს ფინანსური ვალდებულების აღიარების შეწყვეტას, კომპანია იყენებს ფინანსური აქტივის მთლიანი საბალანსო ღირებულების კორექტირებისას გამოყენებულ საადრიცხო პოლიტიკას. როდესაც მოდიფიცირება არ იწვევს ფინანსური აქტივის აღიარების შეწყვეტას კომპანია აღიარებს ესეთი მოდიფიცირებიდან (ან გაცვლიდან) წარმოშობილ, ფინანსური ვალდებულების ამორტიზირებული ღირებულების ნებისმიერ კორექტირებას, მოგებაში ან ზარალში, მოდიფიცირების (გაცვლის) თარიღში.

ცვლილებები არსებული ფინანსური ვალდებულებების ფულად ნაკადებში არ მიიჩნევა მოდიფიცირებად, თუ ისინი წარმოიშვა არსებული სახელშეკრულებო პირობებიდან. საპროცენტო განაკვეთის ცვლილებისას არსებული საბაზრო განაკვეთის შესაბამისად, კომპანია ხელმძღვანელობს მცოცავი საპროცენტო განაკვეთის ფინანსური ინსტრუმენტებით. ეს ნიშნავს, რომ ეფექტური საპროცენტო განაკვეთი კორექტირებულია პერსპექტიულად.

კომპანია აფასებს არსებითია თუ არა ცვლილება რაოდენობრივ და ხარისხობრივ მაჩვენებლებზე დაყრდნობით: ხარისხობრივი მაჩვენებლები, რაოდენობრივი მაჩვენებლები, ორივე ხარისხობრივი და რაოდენობრივი მაჩვენებლების საერთო გავლენა. კომპანია ასკვნის, რომ მოდიფიცირება არსებითია შემდეგ ხარისხობრივ ფაქტორებზე დაყრდნობით:

- ფინანსური ვალდებულების ვალუტის ცვლილება;
- ცვლილება გირაოში ან სხვა საკრედიტო პირობებში;
- კონვერტაციის პირობის დამატება;
- ფინანსური ვალდებულების სუბორდინაციის ცვლილება.

რაოდენობრივი შეფასებისას მნიშვნელოვნად იცვლება პირობები თუ ახალი პირობების მიხედვით ფულადი ნაკადების დისკონტირებული მიმდინარე ღირებულება, წმინდად გადახდილი თანხების (დისკონტირებული თავდაპირველი საპროცენტო განაკვეთით) ჩათვლით, მინიმუმ 10%-ით განსხვავდება საწყისი ფინანსური ვალდებულებიდან წარმოქმნილი ნარჩენი ფულადი ნაკადების დისკონტირებული მიმდინარე ღირებულებისგან. თუ სავალო ინსტრუმენტების გაცვლა ან პირობების მოდიფიცირება მიჩნეულია ვალის დაფარვად, ნებისმიერი გაწეული ხარჯი ან გადასახადი აღიარებულია ვალის დაფარვიდან მიღებულ მოგებასა ან ზარალში. თუ გაცვლა ან მოდიფიცირება არ არის მიჩნეული ვალის დაფარვად, ნებისმიერი გაწეული ხარჯი ან საკომისიო აკორექტირებს ვალდებულების საბალანსო ღირებულებას და ამორტიზებულია მოდიფიცირებული ვალდებულების ნარჩენი მოხმარების ვადის განმავლობაში.

(iv) აღიარების შეწყვეტა

ფინანსური აქტივები

კომპანია წყვეტს ფინანსური აქტივის აღიარებას, როდესაც ფინანსური აქტივიდან მისაღები ფულადი ნაკადების მიღების სახელშეკრულებო უფლებებს გასდის ვადა, ან ის გადასცემს გარიგებიდან მისაღებ სახელშეკრულებო ფულად ნაკადებზე უფლებებს, გარიგებაში რომელშიც ფინანსური აქტივის ფლობის თითქმის ყველა რისკი და ანაზღაურება არის გადაცემული, ან როდესაც კომპანია არც გადასცემს და არც ინარჩუნებს ფინანსური აქტივის ფლობასთან დაკავშირებულ რისკებს და ანაზღაურებებს და კომპანია არ ინარჩუნებს ფინანსურ აქტივზე კონტროლს.

კომპანია დებს გარიგებებს, რომლითაც ის გადასცემს მისი ფინანსური მდგომარეობის ანგარიშგებაში ასახულ აქტივებს, მაგრამ ინარჩუნებს გადაცემულ აქტივებთან დაკავშირებულ ყველა ან თითქმის ყველა რისკს და ანაზღაურებას. ასეთ შემთხვევებში, გადაცემული აქტივის აღიარება არ წყდება.

ფინანსური ვალდებულებები

კომპანია წყვეტს ფინანსური ვალდებულების აღიარებას როდესაც მისი სახელშეკრულებო ვალდებულებები დაკმაყოფილებულია, უქმდება ან ვადა გასდის. კომპანია ასევე წყვეტს ფინანსური ვალდებულების აღიარებას როცა მისი პირობები იცვლება და შეცვლილი ფინანსური ვალდებულებიდან მიღებული

ფულადი ნაკადები მნიშვნელოვნად იცვლება, რა შემთხვევაშიც მოდიფიცირებულ პირობებზე დაფუძნებული ახალი ფინანსური ვალდებულება აღიარდება მისი სამართლიანი ღირებულებით.

ფინანსური ვალდებულების აღიარების შეწყვეტისას, გაუქმებულ საბალანსო ღირებულებას შორის და გადახდილ თანხას შორის სხვაობა (ნებისმიერი გადაცემული არაფულადი აქტივების და ნაკისრი ვალდებულებების ჩათვლით) აღიარდება მოგებაში ან ზარალში.

(v) ურთიერთგადაფარვა

ფინანსური აქტივები და ფინანსური ვალდებულებები შეიძლება იყოს ურთიერთგადაფარული და წმინდა ოდენობა წარმოდგენილი ფინანსური მდგომარეობის ანგარიშგებაში, მხოლოდ და მხოლოდ მაშინ როდესაც კომპანიას აქვს იურიდიული აღსრულების უფლება, რომ ურთიერთგაქვითოს ეს ოდენობები და ის აპირებს მათ დაკმაყოფილებას წმინდა თანხის საფუძველზე ან აქტივის გაყიდვით იმავდროულად დააკმაყოფილოს ვალდებულება

(თ) სააქციო კაპიტალი

ჩვეულებრივი აქციები - ჩვეულებრივი აქციები კლასიფიცირდება კაპიტალის სახით. ჩვეულებრივი აქციების და სააქციო ოფციონების გამოშვებასთან დაკავშირებული პირდაპირი დამატებითი ხარჯები აღიარდება, როგორც გამოქვითვა კაპიტალიდან, ნებისმიერი გადასახადების გამოკლებით.~ სააქციო კაპიტალის ზრდაზე გავლენა აქვს ახალი აქციების გამოშვებას.

(ი) გაუფასურება

(i) არაწარმოებული ფინანსური აქტივები

ფინანსური ინსტრუმენტები

კომპანია აღიარებს ზარალის რეზერვებს ამორტიზებული ღირებულებით შეფასებული ფინანსური აქტივების მოსალოდნელ საკრედიტო ზარალზე.

კომპანია აღრიცხავს ზარალის რეზერვებს არსებობის მანძილზე მოსალოდნელი საკრედიტო ზარალის მიხედვით, შემდეგი შემთხვევების გარდა როდესაც აღირიცხება 12-თვიანი მოსალოდნელი საკრედიტო ზარალის მიხედვით:

- სასესხო ფასიანი ქაღალდები, რომლებსაც საანგარიშგებო თარიღისთვის აქვთ დაბალი საკრედიტო რისკი; და
- სხვა სასესხო ფასიანი ქაღალდები და საბანკო ნაშთები, რომელთათვისაც საკრედიტო რისკი (ანუ ფინანსური ინსტრუმენტის მოსალოდნელი მოხმარების ვადის განმავლობაში დეფოლტის ალბათობა) არსებითად არ გაზრდილა თავდაპირველი აღიარების შემდგომ.

ფინანსურ აქტივზე თავდაპირველად აღიარებული საკრედიტო რისკის არსებითი ზრდის დასადგენად და მოსალოდნელი საკრედიტო ზარალის განსაზღვრისათვის, კომპანია ითვალისწინებს გონივრულ და დამხმარე ინფორმაციას რომელიც შესაბამისია და ხელმისაწვდომი დამატებითი ხარჯებისა და ძალისხმევების გაწევის გარეშე. ეს მოიცავს როგორც ხარისხობრივ ისე რაოდენობრივ ინფორმაციას და ანალიზს, კომპანიის წარსულ გამოცდილებაზე დაყრდნობით, ინფორმირებული საკრედიტო შეფასების და წინდახედულობის პრინციპის გათვალისწინებით. კომპანია ფინანსური აქტივის საკრედიტო რისკის მნიშვნელოვან ზრდად მიიჩნევს, როდესაც მას 30 დღეზე მეტი ვადაგადაცილება აქვს.

კომპანია ფინანსურ აქტივს მიიჩნევს დეფოლტირებულად მაშინ, როდესაც:

- არ არის სავარაუდო, რომ მსესხებელი სრულად დაფარავს თავის საკრედიტო ვალდებულებებს კომპანიის მიმართ, კომპანიის მიერ სესხის უზრუნველყოფის რეალიზაციის გარეშე (ასეთის არსებობის შემთხვევაში); ან
- ფინანსური აქტივი 90 დღეზე მეტი ვადაგადაცილებულია.

კომპანია მიიჩნევს, რომ სესხის უზრუნველყოფას აქვს დაბალი საკრედიტო რისკი, როდესაც მისი საკრედიტო რეიტინგი ტოლია გლობალურად მიღებული განმარტებისა „ინვესტიციის ხარისხი“.

12-თვიანი მოსალოდნელი საკრედიტო ზარალი არის მოსალოდნელი საკრედიტო ზარალის ნაწილი, რომელიც შეიძლება წარმოიქმნას საანგარიშგებო თარიღის შემდეგ 12 თვის განმავლობაში მომხდარი დეფოლტის შემთხვევების შედეგად (ან უფრო მოკლე პერიოდში თუ ინსტრუმენტის მოსალოდნელი სასიცოცხლო ვადა 12 თვეზე ნაკლებია).

ფინანსური ინსტრუმენტები, რომელთათვისაც 12-თვიანი მოსალოდნელი საკრედიტო ზარალი აღიარდება, მოხსენიებულია როგორც „ეტაპი 1“-ის ფინანსური ინსტრუმენტები. ეტაპი 1-ზე განაწილებულ ფინანსურ ინსტრუმენტებს არ განუცდიათ საკრედიტო რისკის მნიშვნელოვანი ზრდა მათი თავდაპირველი აღიარების შემდეგ და ისინი არ არის გაუფასურებული საკრედიტო რისკით.

არსებობის მანძილზე მოსალოდნელი საკრედიტო ზარალი არის მოსალოდნელი საკრედიტო ზარალი, რომელიც წარმოიშობა ყველა შესაძლო დეფოლტის შემთხვევებისგან ფინანსური ინსტრუმენტის მოსალოდნელი მოხმარების ვადის ან დაქვემდებარების მაქსიმალური სახელშეკრულებო პერიოდის განმავლობაში. ფინანსური ინსტრუმენტები, რომელთათვისაც არსებობის მანძილზე მოსალოდნელი საკრედიტო ზარალი აღიარდება, მაგრამ არ არის გაუფასურებული საკრედიტო რისკით, მოხსენიებულია როგორც „ეტაპი 2“-ის ფინანსური ინსტრუმენტები. ეტაპი 2-ზე განაწილებული ფინანსური ინსტრუმენტები არის ინსტრუმენტები, რომლებმაც განიცადეს საკრედიტო რისკის მნიშვნელოვანი ზრდა მათი თავდაპირველი აღიარების შემდეგ, მაგრამ ისინი არ არის გაუფასურებული საკრედიტო რისკით.

ფინანსური ინსტრუმენტები, რომელთათვისაც არსებობის მანძილზე მოსალოდნელი საკრედიტო ზარალი აღიარდება, და არის გაუფასურებული საკრედიტო რისკით, მოხსენიებულია როგორც „ეტაპი 3“-ის ფინანსური ინსტრუმენტები.

მოსალოდნელი საკრედიტო ზარალის დადგენისას გამოყენებული მაქსიმალური პერიოდი შეესაბამება მაქსიმალურ სახელშეკრულებო პერიოდს, რომლის განმავლობაშიც კომპანია ექვემდებარება საკრედიტო რისკს.

მოსალოდნელი საკრედიტო ზარალის შეფასება

მოსალოდნელი საკრედიტო ზარალი არის საკრედიტო ზარალების ალბათობით შეწონილი შეფასება. საკრედიტო ზარალები ანგარიშდება, როგორც ყველა ფულადი დანაკლისის (სხვაობა ხელშეკრულების მიხედვით კომპანიის მიერ მისაღებ ფულად ნაკადებსა და იმ ფულად ნაკადებს შორის, რომლის მიღებასაც მოელის „კომპანია“) მიმდინარე ღირებულება.

მოსალოდნელი საკრედიტო ზარალი დისკონტირდება ფინანსური აქტივის ეფექტური საპროცენტო განაკვეთის გამოყენებით.

საკრედიტო რისკით გაუფასურებული ფინანსური აქტივები

ყოველი საანგარიშგებო თარიღისთვის, კომპანია აფასებს, არის თუ არა ამორტიზებული ღირებულებით აღრიცხული ფინანსური აქტივები გაუფასურებული საკრედიტო რისკით. ფინანსური აქტივი „გაუფასურებულია საკრედიტო რისკით“, როდესაც ფინანსური აქტივის სამომავლო ფულად ნაკადებზე საზიანო გავლენის მქონე ერთ ან მეტ მოვლენას ჰქონდა ადგილი.

მტკიცებულება იმისა, რომ ფინანსური აქტივი გაუფასურებულია საკრედიტო რისკით მოიცავს შემდეგ დაკვირვებად მონაცემებს:

- ემიტენტის ან მსესხებლის არსებითი ფინანსური სირთულეები;
- ხელშეკრულების დარღვევა, მაგალითად, დეფოლტი ან 90 დღეზე მეტი ვადაგადაცილება;
- კომპანიის მიერ წინსწრების ან სესხის რესტრუქტურისა იმ პირობებით, რომლებსაც კომპანია სხვა შემთხვევაში არ განიხილავდა;
- მოსალოდნელია მსესხებლის გაკოტრება ან სხვა ფინანსური რეორგანიზაცია; ან
- ფინანსური სირთულეების გამო ფასიანი ქაღალდების აქტიური ბაზრის გაქრობა.

მოსალოდნელი საკრედიტო ზარალის რეზერვის წარდგენა ფინანსური მდგომარეობის ანგარიშგებაში

ამორტიზებული ღირებულებით შეფასებული ფინანსური აქტივების ზარალის რეზერვები გამოიქვითება აქტივების მთლიანი საბალანსო ღირებულებიდან.

ჩამოწერა

ფინანსური აქტივის მთლიანი საბალანსო ღირებულება ჩამოწერილია როდესაც კომპანიას აღარ აქვს მისი მთლიანობაში ან ნაწილობრივ ამოღების გონივრული მოლოდინი. კომპანია ინდივიდუალურად აფასებს ჩამოსაწერ ოდენობას და ვადებს, იმის მიხედვით არის თუ არა გონივრული მოლოდინი იმისა, რომ მოხერხდება თანხის ამოღება. ჩამოწერილი თანხებიდან კომპანია არ ელოდება მნიშვნელოვან აღდგენას. თუმცა, ჩამოწერილი ფინანსური აქტივები შეიძლება მაინც გახდეს სააღსრულებლო საქმიანობის საგანი იმისათვის, რომ მოვიდეს კომპანიის თანხების ამოღების პროცედურებთან შესაბამისობაში.

(ii) არაფინანსური აქტივები

კომპანიის არაფინანსური აქტივების საბალანსო ღირებულება გადაიხედება ყოველი საანგარიშგებო თარიღისათვის, რათა დადგინდეს არსებობს თუ არა გაუფასურების რაიმე ნიშნები. მსგავსი ნიშნების არსებობის შემთხვევაში ფასდება აქტივის ანაზღაურებადი ღირებულება.

გაუფასურების დადგენის მიზნით, აქტივები, რომლებიც ვერ შემოწმდება ინდივიდუალურად, ჯგუფდება აქტივების უმცირეს ჯგუფებად, რაც ახდენს ფულადი ნაკადების გენერირებას ხანგრძლივი სარგებლობიდან, რომლებიც დიდწილად დამოუკიდებელი არიან სხვა აქტივების ან ფულადი სახსრების წარმომქმნელი ერთეულის ფულადი შემოძინებებისგან. კომპანიის კორპორატიული აქტივები არ ქმნიან ცალკეულ ფულადი ნაკადების შემოძინებებს და გამოიყენებიან ერთზე მეტი ფულადი სახსრების წარმომქმნელი ერთეულის მიერ. კორპორატიული აქტივები განაწილებულია ფულადი სახსრების წარმომქმნელ ერთეულებზე გონივრულ და თანმიმდევრულ საფუძველზე და მოწმდება გაუფასურებაზე იმ ფულადი სახსრების წარმომქმნელი ერთეულის შემოწმების ნაწილის სახით რომელსაც კორპორატიული აქტივი მიეკუთვნება.

აქტივის ან ფულადი სახსრების წარმომქმნელი ერთეულის ანაზღაურებადი ღირებულება არის მის გამოყენებით ღირებულებასა და სამართლიან ღირებულებას (გამოკლებული გაყიდვის ხარჯები) შორის უდიდესი. გამოყენებითი ღირებულების შეფასებისას, მომავალში მისაღები ფულადი ნაკადები დისკონტირდება მათ მიმდინარე ღირებულებაზე, გადასახადების გადახდამდე დისკონტირების განაკვეთის გამოყენებით, რაც ასახავს ბაზრის მიმდინარე შეფასებას ფულის ღირებულებისა დროში და ამ აქტივებისთვის ან ფულადი სახსრების წარმომქმნელ ერთეულისთვის დამახასიათებელ რისკებს.

გაუფასურების ზარალი აღიარდება თუ აქტივის და მასთან დაკავშირებული ფულადი სახსრების წარმომქმნელი ერთეულის საბალანსო ღირებულება აღემატება მის სავარაუდო ანაზღაურებად ღირებულებას. გაუფასურების ზარალები აღიარდება მოგებაში ან ზარალში. ფულადი სახსრების წარმომქმნელ ერთეულებთან მიმართებაში აღიარებული გაუფასურების ზარალი ნაწილდება ფულადი სახსრების წარმომქმნელ ერთეულში შემავალი აქტივების საბალანსო ღირებულებაზე პროპორციულობის პრინციპით და ამცირებს მას.

წინა პერიოდებში აღიარებული გაუფასურების ზარალი ფასდება თითოეული საანგარიშგებო თარიღისთვის, ნებისმიერ მინიშნებაზე იმისა, რომ ზარალი შემცირდა ან აღარ არსებობს. გაუფასურების ზარალის აღდგენა ხდება იმ შემთხვევაში, თუ ადგილი აქვს ცვლილებას ანაზღაურებადი ღირებულებას განსაზღვრებაში გამოყენებულ შეფასებებში. გაუფასურების ზარალი აღდგენას ექვემდებარება მხოლოდ იმ შემთხვევაში, თუ აქტივის საბალანსო ღირებულება არ აღემატება იმ საბალანსო ღირებულებას (გაუფასურების ან ამორტიზაციის გამოკლებით), რაც იქნებოდა განსაზღვრული გაუფასურების ზარალის არ არსებობის შემთხვევაში.

(კ) ანარიცხები

ანარიცხები აღიარდება იმ შემთხვევაში, თუ წარსული მოვლენების შედეგად კომპანიას აქვს მიმდინარე იურიდიული ან კონსტრუქციული ვალდებულება, რომლის შეფასებაც საიმედოდ არის შესაძლებელი და სავარაუდოა, რომ ამ ვალდებულების დასაკმაყოფილებლად აუცილებელი იქნება კომპანიიდან ეკონომიკური სარგებელის გადინება. ანარიცხები გამოითვლება მომავალი მოსალოდნელი ფულადი ნაკადების გადასახადების გადახდამდე არსებული განაკვეთით დისკონტირებით, რაც ასახავს ფულის დროითი ღირებულების მიმდინარე საბაზრო შეფასებებს და ვალდებულებისთვის დამახასიათებელ რისკებს. დისკონტის პოზიციის დახურვა აღიარდება ფინანსური ხარჯის სახით.

(ლ) წინასწარ გადახდილი ფინანსური ხარჯები

წინასწარ გადახდილი ფინანსური ხარჯები მოიცავს საოპერაციო დანახარჯებს, რომლებიც წარმოადგენს დამატებით დანახარჯებს, რომლებიც პირდაპირ არის დაკავშირებული ფინანსური ვალდებულების შეძენასთან. დამატებითი დანახარჯი არის დანახარჯი რომელიც არ იქნებოდა გაწეული იმ შემთხვევაში თუ ოპერაციას არ ექნებოდა ადგილი. საოპერაციო დანახარჯები იურიდიული და ფინანსური მრჩეველებისთვის გადახდილ საფასურსა და საკომისიოს მოიცავს. საოპერაციო დანახარჯები არ მოიცავს სასესიო პრემიებსა და დისკონტირებას, ფინანსურ ხარჯებს ან შიდა ადმინისტრაციულ ან შენახვის ხარჯებს. აღნიშნული ხარჯები აკუმულირდება წინასწარ გადახდილი ფინანსური ხარჯების სახით, რომლებიც უნდა იქნეს გათვალისწინებული სესხის თავდაპირველი შეფასებისას მისი მიღების დროს.

(მ) საიჯარო ვალდებულებები

იჯარის დაწყების თარიღისთვის, კომპანია აღიარებს იჯარის ვადის მანძილზე გადასახდელი საიჯარო გადახდების მიმდინარე ღირებულებით შეფასებულ საიჯარო ვალდებულებებს. საიჯარო გადახდები მოიცავს ფიქსირებულ გადახდებს (მათ შორის არსებითად ფიქსირებული საიჯარო გადასახდელები) გამოკლებული ნებისმიერი იჯარის წამახალისებელი გადახდების მოთხოვნები, ცვლადი საიჯარო გადახდები, რომლებიც დამოკიდებულია ინდექსზე ან განაკვეთზე, და ასევე, ნარჩენი ღირებულების გარანტიის ფარგლებში გადასახდელი ოდენობები. საიჯარო გადახდების მიმდინარე ღირებულების გამოთვლისას, კომპანია იყენებს ზღვრულ სასესიო საპროცენტო განაკვეთს იჯარის დაწყების თარიღისთვის თუ იჯარაში ჩართული საპროცენტო განაკვეთი არ არის ადვილად განსაზღვრადი. იჯარის დაწყების თარიღის შემდეგ, საიჯარო ვალდებულებების ოდენობა გაზრდილია პროცენტის დაგროვების ასახვის მიზნით და შემცირებულია განხორციელებული საიჯარო გადასახდელებით. ამასთანავე, საიჯარო ვალდებულებების საბალანსო ღირებულება გადაფასებულია თუ არსებობს მოდიფიცირება, საიჯარო ვადის ცვლილება, არსებითად ფიქსირებული საიჯარო გადასახდელების ცვლილება ან ცვლილება საიჯარო აქტივის შესყიდვის შეფასებაში.

20. ახალი სტანდარტები და ინტერპრეტაციები, რომლებიც ჯერ არ არის ძალაში შესული

არსებობს რიგი ახალი სტანდარტები და ინტერპრეტაციები, რომლებიც 2025 წლის 1 იანვრიდან, და ყოველი მომდევნო წლიური საანგარიშგებო პერიოდებისთვის, შევიდა ძალაში (ადრეული გამოყენებაც ნებადართულია). თუმცა, კომპანიას ჯერ ისინი არ ჰქონდა მიღებული წინამდებარე ფინანსური ანგარიშგებების მომზადებისას, რადგანაც ვარაუდობს, რომ მათ უმნიშვნელო ეფექტი ექნება კომპანიის ფინანსურ ანგარიშგებებზე.

ქვემოთ წარმოდგენილი შესწორებული სტანდარტები ძალაში შევიდა 2024 წლის 1 იანვრიდან, თუმცა მათ დანერგვას კომპანიის ფინანსურ ანგარიშგებაზე მნიშვნელოვანი გავლენა არ მოუხდენია:

- ვალდებულებების კლასიფიკაცია მიმდინარედ ან გრძელვადიანად - შესწორებები ბასს 1-ში.
- საიჯარო ვალდებულება გაყიდვისა და უკუიჯარის პირობებში - ცვლილება ფასს 16 ში.
- მომწოდებლის ფინანსირების გარიგებები - ცვლილება ბასს 7 და ფასს 7 ში

21. ანგარიშგების შემდგომი მოვლენები

ანგარიშგების შემდგომ მნიშვნელოვანი მოვლენები შემდეგი სახით განვითარდა:

- Salini Impregili S.p.A-მა 2025 წლის იანვარში მოთხოვნების თანხა სრულად დაფარა (იხილეთ შენიშვნა 8)
- TBM-ები და სამშენებლო ბანაკის ყველა მასალა (გარდა ორი გენერატორისა), რომელიც 2024 წლის 31 დეკემბრის მდგომარეობით გასაყიდად განკუთვნილ არამატერიალურ აქტივად იყო კლასიფიცირებული, გაიყიდა 2025 წლის იანვარსა და თებერვალში (იხილეთ შენიშვნა 10).

დანართი

დამატებითი ფინანსური ინფორმაცია აშშ დოლარში

პრაქტიკულად მოსახერხებელი გადაანგარიშება

ფინანსური ანგარიშგების ლარში წარდგენის გარდა, დამატებითი ინფორმაცია აშშ დოლარში წარმოდგენილია ფინანსური ანგარიშგების მომხმარებლების პრაქტიკული მოხერხებულობისთვის.

წინამდებარე შენიშვნა მომზადებულია ხელმძღვანელობის მიერ კომპანიის ფინანსური ინფორმაციის აშშ დოლარში წარსადგენად.

ლარში დენომინირებული ტრანზაქციები კონვერტირებულია აშშ დოლარში ტრანზაქციის თარიღისთვის არსებული სებ-ის მიერ განსაზღვრული ოფიციალური გაცვლითი კურსის მიხედვით. ლარში დენომინირებული ფულადი აქტივებისა და ვალდებულებების კონვერტირება აშშ დოლარში ხდება საანგარიშგებო პერიოდის ბოლოსთვის არსებული სებ-ის მიერ დადგენილი ოფიციალური გაცვლითი კურსით. საკურსო სხვაობით განპირობებული შემოსულობა და ზარალი, რომელიც გარიგებების დაკმაყოფილების და ფულადი აქტივებისა და ვალდებულებების აშშ დოლარში კონვერტაციის შედეგად წარმოიშვება მოგებაში ან ზარალში აღიარდება.

ფინანსური მდგომარეობის ანგარიშგება

'000 აშშ დოლარი	31 დეკემბერი 2024	31 დეკემბერი 2023
ძირითადი საშუალებები	3	8
შეზღუდული ფულადი სახსრები	-	5
სულ გრძელვადიანი აქტივები	3	13
შეზღუდული ფულადი სახსრები	7	-
მარაგები	28	10
წინასწარ გადახდილი გადასახადები	1,758	1,378
სხვა მოთხოვნები	800	789
გადახდილი ავანსები	73	351
გასაყიდად გამიზნული გრძელვადიანი აქტივები	1,232	16,951
ფულადი სახსრები და მათი ეკვივალენტები	1,594	1,064
სულ მოკლევადიანი აქტივები	5,492	20,543
სულ აქტივები	5,495	20,556
კაპიტალი და ვალდებულებები		
კაპიტალი		
სააქციო კაპიტალი	211,542	211,542
წინასწარ გადახდილი სააქციო კაპიტალი	11,141	7,379
დაგროვილი ზარალი	(217,261)	(198,645)
სულ კაპიტალი	5,422	20,276
გრძელვადიანი ვალდებულებები		
საიჯარო ვალდებულებები	24	134
სულ გრძელვადიანი ვალდებულებები	24	134
მოკლევადიანი ვალდებულებები		
საიჯარო ვალდებულებები	29	74
სხვა ვალდებულებები	20	72
მოკლევადიანი ვალდებულებები	49	146
სულ ვალდებულებები	73	280
სულ კაპიტალი და ვალდებულებები	5,495	20,556

მოგება-ზარალის და სხვა სრული შემოსავლის ანგარიშგება

'000 აშშ დოლარი	2024	2023
პერსონალის ხარჯები	(1,037)	(1,220)
სხვა საოპერაციო ხარჯები	(2,769)	(4,303)
ძირითადი საშუალებების გაუფასურების ზარალი	(1,697)	-
გასაყიდად გამიზნული გრძელვადიანი აქტივების გაუფასურების ზარალი	(13,633)	-
გასაყიდად გამიზნული გრძელვადიანი აქტივების რეალიზაციის შედეგად წარმოქმნილი ზარალი	(311)	-
წინა პერიოდის ქონების გადასახადის ხარჯების დაბრუნება	721	-
მოგება ფინანსური იჯარის მოდიფიკაციიდან	71	-
მოგება ძირითადი საშუალებების რეალიზაციიდან	12	-
საექვო ვალების რეზერვის შეტრიალება	11	-
მოგება/ზარალი საოპერაციო საქმიანობიდან	(18,632)	(5,523)
წმინდა ფინანსური შემოსავალი	(11)	(27)
სხვა არასაოპერაციო ხარჯი	(3)	(598)
სხვა არასაოპერაციო შემოსავალი	30	24
მიმდინარე წლის წმინდა ზარალი	(18,616)	(6,124)
მიმდინარე წლის სრული ზარალი	(18,616)	(6,124)

საკუთარი კაპიტალის ცვლილებების ანგარიშგება

'000 აშშ დოლარი	სააქციო კაპიტალი	წინასწარ გადახდილი სააქციო კაპიტალი	დაგროვილი ზარალი	სულ კაპიტალი
ნაშთი 2023 წლის 1 იანვარს	211,542	1,587	(192,521)	20,608
წლის ზარალი	-	-	(6,124)	(6,124)
წლის სრული ზარალი	-	-	(6,124)	(6,124)
ოპერაციები კომპანიის მესაკუთრეებთან				
წინასწარ გადახდილი სააქციო კაპიტალი	-	5,792	-	5,792
ნაშთი 2023 წლის 31 დეკემბერს	211,542	7,379	(198,645)	20,276
ნაშთი 2024 წლის 1 იანვარს	211,542	7,379	(198,645)	20,276
წლის ზარალი	-	-	(18,616)	(18,616)
წლის სრული ზარალი	-	-	(18,616)	(18,616)
ოპერაციები კომპანიის მესაკუთრეებთან				
წინასწარ გადახდილი სააქციო კაპიტალი	-	3,762	-	3,762
ნაშთი 2024 წლის 31 დეკემბერს	211,542	11,141	(217,261)	5,422

ფულადი ნაკადების ანგარიშგება

'000 აშშ დოლარი	2024	2023
ფულადი ნაკადები საოპერაციო საქმიანობებიდან		
მომწოდებლებისა და მომუშავეებისთვის გადახდილი ფულადი სახსრები	(3,292)	(6,333)
საოპერაციო საქმიანობაში გამოყენებული წმინდა ფულადი სახსრები	(3,292)	(6,333)
ფულადი ნაკადები საინვესტიციო საქმიანობებიდან		
ძირითადი საშუალებების შეძენა	-	(3)
გრძელვადიანი აქტივების რეალიზაცია	91	-
საინვესტიციო საქმიანობიდან მიღებული/(გამოყენებული) წმინდა ფულადი სახსრები	91	(3)
ფულადი ნაკადები საფინანსო საქმიანობებიდან		
სააქციო კაპიტალის წინასწარი გადახდებიდან მიღებული შემოსულობები	3,762	5,792
საფინანსო საქმიანობიდან მიღებული წმინდა ფულადი სახსრები	3,762	5,792
წმინდა ზრდა/(კლება) ფულად სახსრებსა და მათ ეკვივალენტებში	561	(544)
ფულადი სახსრები და მათი ეკვივალენტები 1 იანვარს	1,064	1,633
გაცვლითი კურსის ცვლილების გავლენა ფულად სახსრებსა და მათ ეკვივალენტებზე	(31)	(25)
ფულადი სახსრები და მათი ეკვივალენტები 31 დეკემბერს	1,594	1,064